

96406

مکتوبات

مندرجاتی

کلامی درکاء شریفی پوست نشینی رشادتلو الحاج محمد اسعد افندی
حضرتلرینک خلفا و اخوان دینه تحریر بیوردقلمری مکتوبلردر .

هرحق محفوظدر

درسعادت

مطبعة احمد کامل — بایزید چادر جیلر

۱۳۴۳ — ۱۳۴۱

مکتوبات

مندرجاتی

لامی درگاه شریفی پوست نشینی رشادتلو الحاج محمد اسعد افندی
برتلرینک خلفا و اخوان دینه تحریر بیوردقلری مکتوبلردر .

مرحقی محفوظدر

درسعادت

مطبعة احمد کامل — بایریدچر جیر

۱۳۴۱ — ۱۳۴۳

بِسْمِ اللَّهِ الرَّحْمَنِ الرَّحِيمِ الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى
سَيِّدِنَا مُحَمَّدٍ وَآلِهِ وَصَحْبِهِ أَجْمَعِينَ

برنجی مکتوب

بِسْمِ اللَّهِ الرَّحْمَنِ الرَّحِيمِ

حق جل و علا حضرت تری کلام قدیمده (ولقد کرما بنی آدم)
آیت کریمه سنی فرمان بیورمشدر . عجبا بو مکرم بنی آدمدن مراد
کیمدر ؟ آب وکلدن مرکب بر جسم مادیمدر . قوه ناطقه ايله جنس
حیواندن تمایز ایتش نوع انسانیمدر ؟ البته بودکلدر . زیرا سسمنده
سرکش نفسک عنان فضایحی اطلاق ایدوب تجاوزات نامشروعه سیله
شاهد نازنین شریعت و محبوب قلوب طریقتی پامال ایدن شهوات سفلیه
ایجابی اصلا مکرم اولاماز . ارباب عرفان و اصحاب وجدان نظرنده
بومقوله انسان بر شخص نادانن باشقه بر نام ايله یاد اولنه مازه مکرم
اطلاقه شایان اوله جق بنی آدم انجق تعلیم نفس و تهذیب اخلاق ايله
ترین ظاهر و یاطن ایدن خادمان سرا پرده شریعت و محرمان نازنینان
طریقت اولان بختیاران امتدر .

معلوم اولدینی اوزره انسانلری نائل سعادت ایلک ایچون جناب
خالق عظیم و فاطر حکیم جل شانہ حضرت تری هر بر عصرک حال و شانیه
موافق و هر بر قرنک ایجابات زمانه سیله متناسب بر نبی محترم یا خود
بر رسول محتشم ارسال بیورمش اولدینی و او ذات شریفه تودیع
بیورمش اولان احکام جلیله الهیه اتباع ایدنلرک مقامات عالییه
ارتقاده بولندقلری . مسلم اولدینی کبی خاتم الانبیاء والمرسلین مظهر
(وما ارسلناک الا رحمة للعالمین) افدمن حضرت تری دخی شریعت و طریقت

مظهره سیله برابر مکارم اخلاقی یتیم و محاسن اوصافی تعلیم کبی بر مقصد علوی اوزرینه ابتداء قوللری ایچون احسان و ابعاث بیوردی .

سعادث بشریه نك اس الاساسی و مدنیت مطلوبه نك روح الارواحی مثابه سنده بولنان نصوص قرآنیه و احکام جلیله فرقانیه بی اکتناه و اتباع ایدنلرک شاهراه ترقیده نائل سر منزل مقصود اوله جقلری طبعیدر .

صحائف تعریفیه بی مطالعه ایدنلرک معلومی اولدینی اوزره شمس تابان اسلامیتک شرف طلوعندن مقدم طائفه عرب عشایر عدیده و قبائل کثیره یه منقسم اولغله برابر آباء و اجدادلرندن توارث ایدن بغض و عداوت سائقه سیله دمام غارات جاهلیه و محاربات دمویه لری نقصان اولمز و آرقه پی آلتیق بیلمزدی . اصلاح حاللرینی کافل پر قانون الهی نابود و استقباللرینی تأمین شایان اوله جق بر دستور مباهی مقفود ایدی . سوء اخلاق طبیعت ثانیه حکمنی آلمش و فقر و احتیاج نقطه جکرلرینه کار ایتمش اولان او وحشی انسانلر او انسان شکنده اولان جانورلر سید کائنات و مفخر موجودات علیه افضل التحیات افندمز حضرتلرینه ایمان و انساب و ماء الحیات شریعت اوزرنده کی اجتماع و اتفاقلری سایه سنده و آزر مدت ظرفنده کره ارضک هرجه تنده عدل و انسانیق تأسیسه باشلادیلر . انوار مدنیت و معارفک نشر و تعمیمنه مبادرت ایلدیلر . اعتقاد صحیحه توحید ایه منور و کمال عز و شرفله وجوده کلان بر حکومت فاضله ایه مبشر اولدیلر .

شونی ده علاوه عرض ایده رمکه ؛ مائده احسان الهیه صدر اولده بولنان ملت اسلامییه منحصر اولیوب هر نه زمان اولورسه اولسون شریعت مظهره احمدیه یه اتباع ایلین بالجله طوائف اسلامییه نك او کبی

عنایت صمدانیه دن بکما لها حصه مند اوله سیله جکاری (ان تنصر و الله ینصرکم) آیت جلیله سیله ثابت و مبرهندر . حضرت الله عصر حاضرده بولنان و زکاوت فطریه لری انکار اولنمیان اخوان منوره الافکار منزی دخی ماء الحیات شریعت و طریقته احیا و مدینه وجودلرینی زلال اسلامیتله اروا و اسقا بیورسون آمین .

ایکینچی مکتوب

بسم الله الرحمن الرحيم

(تعاونوا علی البر والتقوا) آیت جلیله سنه امثالاً منسوبی بولندیغمز امت محترمه اسلامییه و ملت معظمه عثمانیه نك سعادت دنیویه و سلامت اخرویه لرینی کافل و برچوق حقایق خدا پسندانه بی شامل طبع و نشریته همت بیورلمش اولان جریده فریده لری منظور باصره تشکر و افکار درویشانم اولدی . جناب خالق عظیم الشان حضرتلری قلم شیرین رقمکزی طوطی شکر افشان و قریحه ملیحه کزی دریای بلاغت نشان ایلسون آمین .

تصوف سرلوحه سیله بیان بیورلمقده اولان مباحث منیفه و مناقب شریفه نك طوائف اسلامییه دن یالکز صوفیه یه اختصاصی زعمنده بولنان عقول کاسده نك ظنون فاسده لرینی تصحیح و تعدیل مدار اولمق اوزره مساعدده علیه لرینه اغتراراً برقاچ سوز سولمکه قیام ایلدم .

معلوم فاضلانه لری اولدینی ارزره بالجله نفوس بشرک امیال و احتیاسات سفلیه دن تجریدی و آمال مستوجه الزجات علویه یه تصعیدی کالات معنویه ایه آراسته و معارف روحانیه ایه پیراسته اولمق فضیله

وابسته در . قال الله تعالى (قد افلح من ركبها - وقد خاب من دسها)
انوار معارفی قلوب موحدینه ایداع واسرار حقایق افئده مسترشدینه
افراغ ایچون شامراه سعادت : نیجه دهور واعصاری حس حرمتله
کورمش و نیجه قرون وادواری روی رغبتله کچیرمش اولان طریق
صوفیه یعنی خلاصه الخلاصه احکام فرقانیه اولدینی جای اشتباه دکلدر .
شومقدمه بی بسط و بیاندن صکره شونی ده افاده ایدر مکه :

جنس حیواندن عقل و عرفان ایله ممتاز بولنان نوع انسان میاننده
بر فرد وار میدر که اقبالنی آرزو ایتسون ، استقبالی تأمینه غیرت ایلسون .
البته یوقدر . لکن دائره استقبالی تحدید ایدنلر یعنی برنجی خطوه سی
قبزه اولان سفر آخرتی نظر اعتنایه آلیانلر شبهه سز چوقدر . بو کبی
اخوان دیندن برنجی استرحام شوندن عبارتدر که :

اولا حد اعظمی اکثریتله یوز سته بی متجاوز اولیان عمر دنیا
ایله حد و پایانی تصور اولنه میان عمر عقبایی موازنه و درجه اهمیتلرینی
مقایسه بیورسونلر .

ثانیاً ؛ تأمین آسایش دنیویه و احتیاجات مادیّه جسمانیه نك بذل
نفوس و اموال ایله حصولی نه مرتبه مسلم ایسه (ان الله اشترى من المؤمنین
انفسهم و اموالهم بان لهم الجنة) آیت کریمه سی کبی ادله قاطعه و براهین
ساطعه ایله ثابت و مبرهندر که سعادت اخرویه و سلامت سرمدیه ناموس
عدالت و قسطاس کرامت اوزره تأسیس بیورلمش اولان شریعت غرای
احمدیه و طریقت معلائی مصطفویه به اعتنا و انفس و امواله متعلق بالجمله
اوامر و تکالیف الهیه بی صغا ایله امکان پذیر اوله جغنی دوشونسونلر !
ثالثاً بالکمز اهل ایمانه خطاباً شرفصادر اولان - ای مؤمن قوللرم
سز خالق عظیم میگز که او امر و نواهیسنه اطاعت و انقیاد صورتیه کند یکیزی

و حسن تربیه سایه سنده عائله کزی عذاب ناردن قور تاریکزر معناسنده کی
(یا ایها الذین آمنوا قوا انفسکم و اهلیکم ناراً) آیت جلیله سنک اهمیتنی
تصویر و اوصورتله خط حرکتلرینی تقدیر ایلسونلر ! شبهه سز علیم
و حکیم اولان حق جل و علا حضر تلری (الیوم اکملت لکم دینکم)
نص شریفله ختامی بیان بیوریلان کلام قدیمنده اصلاً فضله بر سوز
سویه من . قطعاً لزومی اولیان بر امری ویرمن . زیرا الجمله نك معلومی
اولدینی اوزره عباد الله ک ادبیات ایله معروف و فی الجمله علم و عرفان ایله
موصوف اولانلردن بیله لزومسز بر نطقک صدورینه احتمال ویرلمز .
هان حق جل و علا حضر تلری شدت شتانک حلولندن مقدم کورک
لزومنی حس ایلسان عقل دنیایی ویرمش اولدینی مثلوا قبرک ظلمتنی
کوسترمزدن اول تنویرینک لزومنی فهم و ادراک ایدر بر عقل عقبایی
دخی جمله به احسان بیورسون . بعدالموته مخصوص اولان فائده سز
ندامتلردن محافظه ایلسون آمین .

اوچنجی مکتوب

بسم الله الرحمن الرحيم

حق تعالی حضر تلری کلام قدیمنده (ولتکن منکم امة یدعون الی الخیر
و یأمرون بالمعروف و ینهون عن المنکر و اولئک هم المفلحون) بیورمشدر
بو آیت جلیله نك خلاصه معناسی بروجه زیر تفسیر و بیان بیورلمشدر .
معلوم اولدینی اوزره کفارک عادات جاهلیه و اخلاق نامرضیه لرندن
اجتناباً اهل ایمانک بادئ خلاصی و باعث فوز فلاحی اوله بیله جک
حقیقتلر صردسندنه عمومه خطاباً شرفصادر اولان آیات سابقه ده اولاً

تقوی و طاعت و ثانیاً اهل ایمانك یكدیكریله اتفاق و اتحاد و محبتله امر بیورلمشدر .

اشبو حقیقت مشروعه یی . افراد اسلامیه نك جلی ، بدوی ، قروی حدنی قسملرینك جاهلرینه تعلیم و تفهیم باینده بیوریورکه (ای جماعت مسلمین سزلردن بر طاقه علوم دینه یی تعلیم و تحصیلدن صوكره عوام ناسی توحید حقیقیه دعوت ایتسون شرعاً عقلاً مستحسن اولان اشیایی كندوسی اجرا ایتدكدن صكره سائرلرینه امر ایتسون كذلك قیسخ اولانلری كندوسی منتهی اولدقدن صكره دیگرینی ده نهی ایتسون . ایشته بونلر حقیقه اصحاب فوز و فلاحدرلر شاید جناب حفاك اوامر نواهیمینه اعتنا ایتمز و علمی اقتضاسنجه اطاعت و امتثالده بولنمزه تبلیغ احكام الهیهه شایان اوله ماز ایتسه بیله تأثیری كوریه ماز خلاصه كلام حق تعالی حضر تلی عوام ناسك ظلمت جهل و معاصیدن خلاص و انوار معارفدن بهره مند اولملری ایچون بر جماعت مخصوصه نك علماً عملاً استكمالی امر و كفایه طریقیله فرض بیورمشدر .

بو وظیفه مقدسه نك بار مابه الافتخاری شبهه سز علماء ظاهر و علماء باطن یعنی مشایخ کرام افندیلرك عهدۀ كفایت و لیاقتلرینه تحمیل بیورمشدر .

اولا علماء ظاهر دن بحث ایدم : هر كسك مشهود و مسلمی اولدینی وجه اوزره طریق علمیه یی اختیار و التزام ایدنلرك وطن عزیزلردن یار و دیارلردن افتراق ایدوب اون بش یكرمی سنه كبی بر مدت مدیده ایچون مدارس كوشه لر زنده كربت ذلت و محنت غربتی اختیار و تحصیل علوم اوغرنده صرف ماحصل اقتدار ایدرك عالم اولمقده و مسائل شرعیه یی مراجعت ایدنره تعلیم ایله مكده بولندقلری جای اشتباه دكلدر

(شكر الله تعالی سعیم) لکن علم ظاهر دن دهامهم ودها دقیق اولان علم باطن خصوصنده بوکون كافۀ انامك نقطۀ نظری هربری بردرگاه شریفی اداره ایتمکده اولان شیخ افندیلره معطوفدر . اخوان دینز نزا کتاً نقصانلرمزی مواجهۀ سویلدکلری برآن واحده سبق ایدن آیت کریمه ایجابجه ؛ اولاً سیر وسلوك سایه سنده تحصیل ایتش اولدیغمز آداب طریقتلرمزی ؛ ثانیاً قولاً فعلاً اعتقاداً شرع شریف دائره سنده بولنان عمل و عبادتلمزی ، ثالثاً رجال طریقت یتشدریمك خصوصنده مطلوب اولان اثر سعی و غیرتمزی تحقیق و تجسسدن خالی بولندقلری شبهه سزدر .

(حاسبوا انفسکم قبل ان تحاسبوا) حدیث شریفه امثالاً انسان هر کسدن مقدم کندی نقصانلرینی آریوب بولمق و آندن صكره اسباب استکمالی تأمین مسارعت ایلک کبی عرفان اوله ماز .

معلوم اولدینی اوزره طریق علیه دن گذران ایدن باجمله سلف صالحین و اولیای کاملین دائمی صورته کندی قصور و نقصانلرینی تفتیش و تفحصدن غافل بولونما مشر . نفسلرینی ایتامدن تکیذردن نویخدن خالی قالمامشر . تأیید ایماندن ، تربیه ایقاندن ، تحصیل عرفاندن استغنا بیورما مشر (اطابوا العلم من المهدی الی الحدیث) حدیث شریفه امثالاً طریق فیض و استفاده دن ایرلما مشر . منسوب اولدقلری شریعت مطهره و طریقت منوره نك نوریه واصل سر منزل سعادت اولدقلری کبی منتسبلرینی دخی او مسلك مستقیمدن تسلیك ایله شاهراه نجاته دلالت و ارشاد بیورمشدر .

زمانمزه مصادف اولان اخوان دین تعلیم طریقت ایچون سلف صالحینه مراجعت ایدمیه جککاری بدیهی بولندیغندن موجود اولان مشایخ

وقتہ عرض احتیاج ایتلری ضروریدر . طالب طریقت اولنلرک ماده
معناً اسباب تفیض وترقیلرینی تأمین وباخصوص شریعة " و طریقة "
اعتقادلرینی اخلال ایلیه جک اقوال و افعالدن توقی ایلهمك شبهه سز
مشایخ وقتک فریضة ذمتیدر . دنیاده اولسون اخراده اولسون وسیله
مفخرتیدر جناب حق جل و علا حضرتلری جمله مزى بوکی خدمات
مقدسه دن محروم بیورمسون پیران عظام افندیلر مرکز آثار فیض
و برکتلرینی اوزریمزدن اکسک ایتسون آمین .

دردنجی مکتوب

بسم الله الرحمن الرحيم

استعید بالله (سبح لله ما فی السموات الخ) بعض آیات کریمه ده
دخی (یسبح) بیورلمشدر . یعنی ازمنه ثلثه ده ودائی صورتده هرشی
حق تعالی حضرتلری جمیع نقایصدن تنزیه و تقدیس ایدر .
اشیاء ؛ ذوی العقول و غیر ذوی العقول اولق اعتباریله ایکی قسمه
منقسمدر . ذوی العقول اولان قالاً و ذوی العقول اولمیان ایه علی
روایة یالکز حالاً حق تعالی حضرتلرینک وحدانیت و صمدانیتنی ،
جمیع نقایصدن برائتی اقرار و اعتراف ایتمکده در . زیرا عدمدن
وجوده کلن برعالمک برصانع قدیم و خالق عظیمه ، وحدانیت و صمدانیت
کی صفات کمالی جامع بر ذات واجب التعظیمه از هر جهت احتیاجی ادله
قاطعه و براهین ساطعه ایلله ثابت و مبرهتدر .

(لوکان فیهما آلهة الا الله لفسدتا) آیت جلیله سندن آکلاشیلدینی
اوزره اشیا ایستر نجوم و کواکب کی علوی ، ایسترحیوانات و نباتات

کی سفلی اولسون بیکارجه سنه لردنبرو لایتغیر ولا یتزلزل بر قاعده
ثابتہ و بر حکمت بالغه اوزره دوام واستمراری قطعاً دلالت ایدیورکه
جناب حقدن بشقه برالله یوقدر .

استعید بالله (هو الاول والاخر الخ) حق تعالی حضرتلری اولدر
ازلیدر آخردر ابدیدر انقضا و اتهادن منزهدر . ظاهر در . بومشهداتک
کافه سی اثر قدرتیدر . باطندر ، اسرار الوهیتی کائناتک هر ذره سنده
مکنوندر و جمله سنه واقفدر . یعنی سابقاً و لاحقاً کافه موجودات
تعالی و تقدس حضرتلرینک انوار وجوددن انعکاس ایتش بر طاقم
ذرات و مظاهردر . حقیقته ذات اجل و اقدسدن باشقه بر موجود
مستقل یوقدر . (لا موجود الا هو) مع مافیه حق تعالی حضرتلری
کنندیسنه مخصوص اولان عظمت و الوهیت صفتلرندن هیچ بر موجودی
حصه مند بیورمماش اولدیغندن عبد نعمت وجود ایلله شکر و قناعت
ایدهرک وظیفه عبودیتی اخلال و القا آت شیطانیه تبعاً مزالقی اقدم
اولان حلول و اتحاد کی برطاقم خیالات باطله ایلله اشتغال ایتمه ملیدر .
(هو الذی خلق السموات والارض فی ستة ايام الخ) جناب حق
اویله برقادر قیومدرکه ؛ هر کونی بیک سنه کی اولان ایام سته ده
شو کوردیکمز سموات ایلله کره ارضی خلق و اکمال ایتش و جمله سنی
دائرة اطاعت و انقیادینه داخل بیورمشدر . ایسته دیکنی یاپار ،
دیله دیکنی آن واحده اجرا ایدر . جناب الله : کائناتی برآنده خلق
ایتمکه قادر ایکن ایام سته ده اراده و فرمان بیورمسی اسباب و آلاته
و وسائط و ادواته محتاج بولنان قوللرینه امور و خصوصلرندسته عیال
ایتهمک حکمتنی تعلیم ایچونددر .

(یعلم ما یلج فی الارض وما یخرج منها وما ینزل من السماء وما یرج

فیها) ارضه داخل اوله جق هر بر حبه و ذرات ایله یردن چیقان کافه نباتاته عالمدر . کذلک سادن نازل اولان قطرات امطار ایله سایه عروج ایدن انجره وادخنه و اققدر . آیات قرآنیه نك معانی ظاهره سیله برابر معانی باطنه سی دخی موجود اولدینی احادیث شریفه ایله ثابت بولندیغدن بوآیت کریمه نك اشارات باطنه سنده عرفای امت ؛ (ما یلج فی الارض) سالک کلقنه وارد اولان معارف ربانیه و (ما یخرج منها) مکاشفات قلبیه و (وما ینزل من السماء) اسماء و صفات الهیه دن ترشح ایدن علوم لدنیه و (وما یرج فیها) کلمه طیه یه اشارت اولدینی بیان بیورمشلردر .

طرق علیه رجالدن بر ذاته مراجعتدن مقصد : سالک ک زمین استعدادینه معارف الهیه بذرلرینک اکلیدر . یانکیز ذکر تعلیمی دکلدر . زیرا بوجهت مطالعه کتب ایله ده میسر اوله بیلور .

عبدالقادر کیلانی قدس الله تعالی سره النورانی حضرتلری منتسبین طریقتارینه خطاباً :

بن سرك یانکیز ظاهر یکیزی تزیننه مأمور دکل . بلکه اراضی قلوبکیز معرفه الله فدانلری دیکمکه و آنلری اسقا و تربیه اتمکه مأمورم . تا که بیوسون دال بوداق ویرسون برک وبارندن استفاده اولنسون بیورمشلردر .

اوت ! بر انسان نفس وشیطان کی ایکی عدو اکبره مقاومت ایدمه جکندن بونلره غلبه اتمک وجلائل مواهب ربانیه دن بولسان انسانیت و اسلامیتک غایه سی اولان سعادت ابدیه وسلامت سرمدیه نائل اولاق ایچون طرق علیه عرض دخالت وعلیه الصلاة والسلام افندیمر حضرتلرینه منتهی اولان برسلسله الذهب معنوی یه ربط انابت

ایتمک لازمدر . سالک طریقت : انجق اومعنوی اولان قوت اومولوی اولان معاونت سایه سنده دشمن اقبال ورهن حال واستقبال اولان نفس وشیطان غلبه ایدر . وحق تعالی حضر تلرینه کمال اطاعتله کندینی مقرب ایلر . یعنی صراط مستقیم شریعتدن ذره جه انحراف ایلر .

قال تعالی (وهو معکم اینما کتم) معلوم اوله که : بومعیت معیت ذاتیه وزمانیه اولمدینی کی حلول واتحاد طریقیله ده دکلدر . بلکه مجموع مظاهره شمشک ضیایی کی مجرد ظهور وحضور طریقیله در . یعنی حضرت الله جمیع افعالکیزه کافه احوالکیزه واققدر . عالمدر ناظردر . سموات وارضنده هر نه که موجود ایسه کندی ملکیدر . وهر کسی اعمال صالحیه ویا فاسده سی نسبتنده جزالذیرمق حق صریحیدر . بوآیت جلیله یی بیلدکدن صکره آحاد ناسک حضورنده افعال قبیحه یی ارتکاب ایدمیانلر حضور اقدس باریده نه جبارتله او افعال قبیحه یی تصدی ایدم بیله جکلری جداً شایان حیرتدر . عجبا بوکیلردده عاقل دینیرمی ؟

حق تعالی حضرتلری ! وحدت ، قدرت ، وکبریا وعظمت کی بعض صفات الهیه سنی بیان بیوردقلرینی متعاقب قوللرینی ذات اجل واعلاسنه ورسول دیشان محتباسنه ایمانه یعنی انقیاد واطاعته واتفق مال صورتیه محتاجینه معاونته مأمور بیورمشدر . زیرا عمل وعبادتدن جاری اولان برایمانک ، برقول مجردک سبب نجات اوله میه جفی حدیث شریفده بیان بیورمشدر . کذلک وجوب ایچون اولان امر الهی موجبنجه زکات وتصدفدن امتناع ایدنلر : اولاً خالق عظیمه عاصی اوله جکلری کی حقوق ناسی دخی ابطال اتمش وبخلا صنف سافلنه داخل اولمش اولورلر . بحیثیک ایسه بلاعذاب ولاعقاب داخل جنت

اوله ميه جفنى خبر صادق عليه الصلاة والسلام افنديز حضرتلى حديث شريفارنده مع القسم بيان بيورمشلردر .

(العبد وماله للمولاه) قاعده سنجه قوللرك يداصرفنه توديع ايدلمش اولان مال و ثروتك كافه سى حقيقتده حق تعالى حضرتلرينه عائد اولمغله برابر ايمان و اطاعت و اتفاق مال ايله فقرا و ضعفايه معاونت ايدن اصحاب مرحمتك فضلاً و كرمأ اجر كبير ايله تلطف و تبشير بيورلمش اولدقلى مواهب سنيه الشيه دندر .

لكن بوكي صفات حسنه ايله موصوف اولميانلرك حقلرنده بشارت اولمدينى شويله طورسون برطاقم وعيد ايله ده تهديد بيورلمش اولدقلى نظر اعتبار وغيرتدن دور طوتلامليدر ،

بشنجى مكتوب

بسم الله الرحمن الرحيم

قال الله تبارك وتعالى (وما لكم ان لا تنفقوا في سبيل الله والله ميراث السموات والارض) بوآيت جليله مؤمنلرك سبب نجات و بادي دخول جناي اولان صدقاته بحق رعايت ايمان كوته نظران امتك حالندن استغراب صورتيه فرمان بيورمشدر . اوت حقيقه اغنيا و اصحاب ثروتك اتفاق في سبيل الله خصوصنده كي تسامح و تهاونى جدا شايان تأسفدر .

زيرا عليه الصلاة والسلام افنديز حضرتلى (الشحيح لا يدخل الجنة) يعنى بخيل اولان كمسه قبل العذاب جتنه داخل اولاماز بيورمشلردر .

كذلك (الصدقة افضل من الصيام والصيام حنة من النار) يعنى صدقه رمضان شريفك غيرنده واقع اولان صيامدن افضلدر . صوم ايسه انسانى نار جعيمدن وقايه ايجون قالقان مقامنده در . بيورمش اولدينى كجى زكات خصوصنده دخى (لا يقبل الله الايمان والصلاة الا بالزكاة) يعنى زكات و يرميانلرك ايمان و صلاتى جناب حق شاين قبول بيورمى . كذلك مالئك زكاتى و يرميان يوم قيامتده نار جعيمده در . مألنده برخيلى احاديث شريفه نك وارد اولدينى دين مبين اسلام ساياه سنده عذاب اليمدن قورتولق املنده بولنان ارباب عقولك معلومى اولسه كر كدر .

شومقدمه يى ، شو حقيقت مجسمه يى سرد و بيان نصكره براز دخى آيت جليله دن مراد اولان خلاصه معنائك ترجمه و تفسيرينى بيان ايدم . معلوم اوله كه جناب حق جل و علا حضرتلرينك (وما لكم ان لا تنفقوا) جمله جميله سنده واقع اولان خطاب مستطابى عموم اهل ايمانه قارشو بولندينى جاى اشتباه دكلدر . يعنى اى جماعت مؤمنين مال دنيانك صورت صرفى ايله صرفنده موجود اولان فوائد و محسنات بر خيلى آيات بينات ايله تبليغ و اثباتدن صكره اتفاق في سبيل الله مسئله مهمه سندن سزلى منع ايدن نه كجى شيلردر . عبادار الفتاى دنياده باقى اولمديغى كزى و دارالبقاى عقبايه انتقال ايتكه مجبور بولنديغى كزى و باخصوص الكزده موجود اولان بالجملة اموال و اشيا دن يالكز بر كفن مقدارينى آلوب سائرلرينك تركيله محكوم اولديغى كزى بيلمديكى مى ؟ محقق بيلكز كه الكزده موجود اولان مال و ثروتدن آرييله جقسكز . جناب حى باقى

مخلفات کتبی ایستد یکی قول لرینه احسان ایلر . سزلر دخی نائل اولدینکیز
فرصدن محروم اوله رق ترک حیات ایدرسکیز . آیات جلیله نك ساحة
تفسیرنده موجود اولان کمال وسعت نقطه نظرندن بوراده دخی بر قاج
معنای مهمه یه اشارت رادرر .

برنجیسی : کیرا خانه لرنده اقامت ایتکده اولان مستأجرین بر
خانه دن دیگر خانه یه نقل ایدرکن بتون اشیا سن کنیدیسه کوتوروب
سوکلی اموالندن برشی ترک ایتیه جکی معروف و متعارف اولدینی حالده ؛
هر شینه محتاج اولان خانه قبره کیدنلر سوکیلی اشیا لرندن قسماً اولسون
برشیئی برابرلنده کوتورمه ملری جداً شایان تحیر و تحسدرر .

ایکنجیسی : جناب حق کندی قول لرینه امانه احسان بیورمش
اولدینی اموال دن آیریله جنی جای اشتباه دکلدر . شو قدر وارکه اطعام
فقرا ، ا کسای ضعفا ، انشاء مساجد ، احیای معابد و با خصوص
عزت اسلام وقوت اهل ایمان ایچون وجودی وجوب تحتنده بولنان
آدوات حربیه و وسائل نقلیه صرف و معاونت صورتیه اولان مفارقت
اموال عاجلاً اولسون آجلاً اولسون جالب مدح و ثواب اوله جنی بدیهی
ایکن محضاً خست طبیعت و دنائت جبلت یوزندن و یا خود آیات قرآنی
واحادیث پیغمبری یه عدم اعتماد جهتندن شاعت بخلی شرافت سماحت
اوزرینه ترجیح ایدنلرک یعنی فضله اموالی قسماً اولسون وجوه
مذکور نك برینه صرف ایتیه رک عاقبت موت ایله مفارقت ایلانلرک
مستحق عذاب و عتاب اولمقدن خوف و توقی ایلاملری حقیقه جای
تأسف و تلهفدر . بولام جمله مزی اوصراط مستقیمدن آیرماسون آمین .

آلتنجی مکتوب

جناب قادر عالم و فاطر حکیم قول لرینی ظلمت جهالتدن خلاص
ایچون رحمة للعالمین اولان حضرت محمد علیه السلامه محض نور
اولان بردستور الهی بر مجله اخلاق یعنی قرآن عظیم الشانی احسان
بیوردی جناب حق توحید واراده جلیله لرینه تسلیم ترقیات مادیه
و معنویه یی مفید اولان علوم و عرفانی تحصیل التزام عفت و ترصین
اساسات اخوة مثلوا بشرک ارشادی ایچون احتوا ایندیکی اسبابی
ایضاح ایلدی . بو دستور الهی یه رعایت بوجله اخلاقیه یه توفیقاً
حرکت ایدنلر اخلاق پایه بلندیسه واصل و محترم بر ملت اولمشلر
علامه لر و یو کسک مدینتک یتشدره بیله جکی الک یوک انسانلر وجوده
کتیر مشلدرر بوا یسه قرآن عظیم الشانک علی العاده بر کتاب اولدینی
و انسانلری خواب غفلت و جهالتدن مدار خلاص اوله جق اخلا-
قسزلنی فنانی کو کندن چیقاروب محبت ، صداقت ، مرحمت ، جسارت ،
سعی و غیرت ، کبی الک قیمتی فضائی تعلیم ایلان بر کتاب ربانی بر مجله
رحمانی اولدیغندن بشقه برشی اولدینی تظاهر ایدر بو قرآن کریمی
دققله مطالعه ایدنلر انسانلرک احراز ایده جکی بتون شان و شرفی
دنیوی و اخروی بتون سلامت و سعادت اوراده بوله جقلرینه اصلا
شبه ایتزلر . بو مقدمه یی افاده دنسکره علاوه تاً عرض اولنورکه :

معلوم اولدینی کبی انسانلر دنیا ده اولسون عقبا ده اولسون
نائل سعادت و سلامت اولق ایچون غایت مهم غایت مقدس ایکی شیئه
محتاجدر . بونلرک بری و یا خود برنجیسی مطالب عالیه روحیه دن
عبارتدرکه ؛ بوزروه اعلا و موهبه عظما یه نائل اولانلر یالکیز اخلارده

دكل بلكه اولاده بيله بكام ومظهر احترام اولدقلرى براهة مسلم نامدر.
(ولن خاف مقام ربه جتنان)

ايكنجيسى مطالب عاديه جسميه در . مع مافيه بووظيفه نك برنجي
وظيفه ايله دركار اولان تعلق وشدت ارتباطنى نظردن دور طوميهلم
زيرا انسان هرشيدن اول لوازم جسمانيه عرض احتياج ايدر . آج
وصوسز قاليرسه ولوازم حياتك تداركندن عاجز بولنورسه سعادت
معنويه سنه خادم اوله مز . مسكينانه يشايوب روحك تعالىسى خاطره بيله
كلز (رسول اكرم صلى الله عليه وسلم) افنديز حضرتلرندن (انسانك
تأمين معيشته سعى وغيرت ايتمى عقل ودينك ثمره سيدر .) مألده
حديث شريف وارد اولمشدر . جناب حقه هزاران شكرلر اولسونكه
توسيع معيشت ايچون قوللرينك مساعى مشروعه سنه دخى عبادت
لظريله باقمش وشر عشرريف دائره سنده بولنان مائزمه جسمانيه نك
كافه سنه مساعده ببورمشدر .

شو مقدمه دن مقصد فقيرانه م شريعت وطريقك ترقيات ماديه
مانع اولماقوله برابر دنيا وعقبا ايچون صرفى لازمكلن مساعينك بر
مرتبه جديده وبر درجه حقيقه ده ملتزم بولمىنى افاده دن عبارتدر .
بناء عليه عهدۀ كفايتلرينه من طرف الله (امر بالمعروف ونهى
عن المنكر) وظيفۀ نظيفه سى توديع بيورلمش اولان رجال علميه واكابر
صوفيه دن مأمول ومنظر اولان امورك برنجيسى مساجد ومدارسلرنده
وتكاي وزيوالرنده اوقات مخصوصه ده متعلمين ومنتسبين ايله وقوعبولان
اجتماعلرنده معارف اسلاميه ونقائس روحانيه مزك نشر فوائديله بسط
موائدينه عنايت بيورلمق .

(انما المؤمنون اخوة آيت جليله سى ايجانجه . ايكنجيسى تعمياً
اهل دينه توجه ايديله جك محبت وصداقتك شوائب ریا ومداهنه دن
وارسته بر صورتده مؤمنينك متحدالقلوب اوله رق حيات وماتلرى
وعزت وعزتلىرى يكديكيرينه پيوسته بولنقى لزومنى افهام وبياخصوص
رجال صوفيه وجنود معنويه نك يتشديرلمسى مقصديله بر مکتب مقامنده
انشا بيورلمش اولان برحق درگاه شريفك ايفاي وطاقلرينه اعتلاى
شان وشرفلرينه اعتنا بيورلمق خصوصلريدر .

جناب حق جل وعلا حضرتلرى جمله مزى او كجى خدمات
مقدسه يه موفق بيورسون . واقفلرك وصاحب خيراترك وطالب
طريقتلك حقوق مشروعه لرينه رعائتمزى وبياخصوص منسوبى بولنديغمز
طريقت عليه پيران عظامندن اخذ وتلقى ايلديكمز امرلره اطاعتمزى
بادى سعادت ووسيله سلامت بيورسون آمين .

يدنجى مکتوب

بسم الله الرحمن الرحيم الحمد لله حق حمده والصلاة والسلام على
سيدنا محمد وآله وصحبه . اما بعد افاده اولنوركه طريقته تشبنديه ده
مرعى ومعمول اولان اوراد واذكارى شفاهاً تعريف ايتمش اولديغ
جالده تحريراً دخى بر صورتك نزد فاضلانلرنده بولنمىچون سبق
ايدن اشعار عاليلرى موجبجه مبتدى ايچون لابدى اولان بر مختصرك
تجزيينه مباشرت ايلدم شويلاه كه :

برمرید صادق هر کون صباح نمازند نصكره متوجهاً الى القبلة الشريفه
سجاده اوزرنده كال تأدبله وجناب حقى كورورجه سنه او طورملى اولا
كندى تقصيراتى تفكر ايدوب ندامت ايدرك يكرمى بش كره (استغفر الله)

سویلی بعده رسالتناه افندمن حضرت تلرینه یکر می بش کره «صلاة وسلام»
کوند رملی صکره بر فاتحه بر الم نشرح اوج اخلاص شریف سورة
جليله لرینی اوقویوب حاصل اولان اجر ومثوباتی علیه الصلاة والسلام
افندمن حضرت تلرله آل واصحاب کرامک ومشایخ ذوی الاحترام حضرت اتنک
ارواح طیه لرینه هدیه ایتلی .

ثانیاً «کل نفس ذائقة الموت» آیت کریمه سی اجانجه بر موت محقق
معروض نیجه بی امانی اوله جغنی وبالجمله مالندن وولندن ایریله رقی بالکنز
بر کفن ایله عازم دار آخرت بولنه جغنی دوشونعلی .

«یوم لا ینفع مال ولا بنون الا من اتی الله بقلب سلیم» فحواستجه
امراض قلبک شفاسنه مدار اوله جغنی اسبابنک لزومنی تشکر ایتلی .
کذلک «ذکر الله شفء القلوب» یعنی جناب حق ذکر، حسد، ریا،
کبر کبی امراض قلبیه بی ازاله ایچون عین شفا در مألنده اولان احادیث
شریفه موجبنه ذکر قلبه درکار اولان احتیاجی تقدیر ایللی وبومقصد
اقصایه وصول ایچون سلم تعالی اولان طریقت علیه نک مهم برعامل اولدیغنه
قانع بولنلیدر . بوایس هرفنک بر آداب تعلیم وتعلمی وهر علمک بر طریق
افاده واستفاده سی اولدیغنی کبی ذکر قلبی بی دخی اخذ وتلقی ایتک (استعینوا
فی کل صنعة بصالح اهلها) حدیث شریفی موجبنه بر مأذون ارشادک
بر ناصح عبادک بر مرشد پاک نهادک دلالتنه توسل ایتمکه حاصل اوله جغنی
بدیهیدر .

بناءً علیه بر انسان اولاذ کر قلبه ثانیاً بر معلم مغنویه به احتیاجنی تقدیر ایدر
اندن صکره جناب حقه خطا بالاهی علم ظاهر خواجه لرینک لسانندن بر معلمک
سامعه سنه ایصال ایتدیکک مسائل کبی رحمة للعالمین اولان علیه الصلاة والسلام
افندمن حضرت تلرینک مبارک قلب شریفه وآنندن دخی شیخمزلک قلبه وارنجیه به

قدر متسلسلاً ورثه کرامک قلب شریف لرینه اعطا واحسان بیوردیغک
ذکر قلبی شیخ افندمنک قلبندن بنم قلبه احسان بیور دیه رک استرحام
ایلر وصول ممه نک آلتنده اولان وقلب حقیقینک اشیانه سی بولنان قلب
صنوبریسنه عرش الهی اولان قلب مرشددن فیوضات صمدانیه نک
نزول ایچون انتظار واسترحامده بولنور . وهرنه قدر آرزو ایدرسه
استرحامنی تمدید ایلر آندن صکره قلباً ذکره باشلار .

بو ذکرده لسانک بوغازک هیچ برمدخلی یوقدر . ذا کر اولان
کیمسه متفکر در . کویا، صول ممه نک تحتده کی قلب بر انسان کبی «الله»
بردر سویلیور ذا کرده آتی هم استماع ایدیور همده الله تسبیح ایله
قلبک ذکرینی تعداد ایدیور . بوتفکر بو استغراق ایله بر قاجیوز ویا خود
بر قاج بیک دفعه اسم جلالی ذکر ایدر باذن الله تعالی اول بال
ذکر اللهک قلبنه منطبع ومتنفس اولدیغنی ادراک ایلر «واذ کر ربک فی نفسک
تضرعاً وخیفه» کذلک «ولا تکنوا کالذین نسوا الله فانسهم انفسهم
اولئک هم الفاسقون» کبی آیات جلילה ده اولان اوامر ونواهی به امثال
وجناب حقیق مطیع اولان قوللری عدادینه داخل اولمش بولنور .
طریقت علیه نقشبندیه نک دائره نجات باهره سنه دخول ایدن وبر
منوال مذکور اوراد واذکارینه شروع ایلین بر طالب صادق ایچون
غایت مهم بر کیفیت ده واردر . اودخی «وكونوا مع الصادقین» آیت
جليله سنه اتباعاً شیخی خاطرده بولندیر مقصدن عبارتدر . بونک حکمتی
ایسه :

معلوم اولدیغنی اوزره نفس وشیطان کبی ایکی دشمن بی امانی مدافعه
ایلمک هر بر یکیتک کاری دکدر . کور بیورز که بودشمنار میلیونلرجه
مؤمناری اغفال ایده رک جناب حق کبی بر خالق عظیم لرینه بر رازق

کریملرینه بر ولی نعمت مستدیملرینه عاصی ایدرهك مستحق عذاب و عقاب ایلمکدن خللی قالمیورلر و بر قوته استناد ایتدیکجه نیچه شقاوتلرندن تخلص کریبان ایده میورلر . بناءً علیه سالک بوقوتی علیه الصلاة افند مزه منتهی اولان سلسله مشایخن اراملی و جناب حق صادق بر قولی اولدیغنی اعتقاد ایدرهك کندیسنه شیخ اتخاذایتدیکی بر کیسه یه ارتباط معنویه و محبت قلبیه و معیت روحانیه دن بکله ملیدر .

روحانیت انوار نوعندن اولدیغنی ایچون ضیای شمس کبی مسافه قرب و بعدك تأثیرندن وارسته در . (کردر یعنی چوبانی پیش منی . و پیش منی چوبی منی در یعنی) شعر فارسیسی دخی بو حقیقی ایضاح ایچون شاهد عادلدر .

نه حاجت ؛ ذکر اولنان آیت جلیله ده کی فرمان الاهی به امثالاً جناب حق صادق بر قولی پدر معنوی اتخاذا و معیت روحانیه لرینی اغنام ایدنلر سعی و غیرتلی و طریقت علیه به اطاعتلی نسبتنده نفس و شیطانك تعرضندن تخلص جان ایتدکلی و تأمین استقباللری ایچون شریعت مطهره و طریقت منوره نك دارالاماننده بولندقلری هر زمان مشهود باصره امتنا مز اولقده در .

جناب حق بالجمله امت محمدك باصره محاکمه لرنده کی پرده خطایی زائل و بر خیلی آیات کریمه و احادیث شریفه ایله تنور ایتش اولان شمس تابان حقیقتك مشاهده سنه نائل بیورسون آمین .

سکزینجی مکتوب

معلوم انام و مسلم اقوام اولدیغنی مثللو بنی نوع بشری حسیض جهالت و سفالتدن ذروه سعادت و سلامته اعتلا ایچون یگانه واسطه نك

علم و عرفان اولدیغنی جای اشتباه دکلددر . بناءً علیه (طلب العلم فریضة) الی آخره حدیث شریفی وارد اولمشدر . ایچنده بولندیغمز حیات قانیده هر نه قدر احتیاجات جسمانیه من وار ایسه و حیات ابدیه ده هر نه مرتبه فیوضات روحانیه من منتظر ایسه جمله نك تأمین مرشد علم و عرفانك دلائله پذیرای حصول اوله جفی شبهه سزدر . انتظام دنیا و اکتساب عقبی ایچون لازمکن سعی و غیرتک بر درجه کفایه ده بولنسی محسنات اسلامیه دن اولدیغنه دائر (اعمل لدنیاك کانك تعیش ابدآ و اعمل لا آخرتک کانك تموت غداً) فرمان بیورلمشدر .

شو قدر وارکه تقدیم اهم علی المهم قاعده سنه رعایت ایدن و تأمین استقبال مسئله سنی و جوب تختنده مشاهده ایلین اهل ایمان بغایت محدود اولان بر حیات مستعاریه خدمتدن فضله بعدالمات اولان بر حیات ابدیه به او وحدت خانه سرمدیه به خدمتلیغنی تحت مجبوریتده کورمشلدر در (دنیای آرزو ایدن علم تحصیل ایتسون آخرتی ایتسان علم تحصیل ایتسون ایکیسنه ده طالب اولان علم تحصیل ایتسون) مألنده دخی بر حدیث شریف وارد اولمشدر . شو قدر وارکه نفس نشوه اولاسنده بر طفل مادرزاد حکمنده اولوب تربیه واسطه سیله اصلاح و یا افساده مستعد بولندیغندن بر عالم نامور بر حکیم حذاقت کسرتک تحت تربیه سنه موفق اولورسه اکتساب علوم و فنون ایله تزین ذات و صفات ایدرهك هم کنیدی سفالت دنیویه و اخرویه دن قورتارر همده (تعا و نواعلی البر والتقوی) آیت جلیله سنه اتباعاً بر چوققلرنک استفاده لرینه وسیله اولور . معاذنا الله دین و دیانت شرفندن محروم و حواس مادیه و معنویه سنی بش اون کون قیلندن بولنان سعادت دنیایه محصور ایدن بر کمره ک تربیه سنه تصادف ایدر ایسه بالعکس ضال و مضل اولور کیدر . حال بویله

ایکن جرأئ اسلامیه نك برنده مطالعه كندار فقیرانهم اولان بعض فقر دلرینه تصادف اولنور كه حقایق اموره واقف اولیان برطاقم شبان امت ونورسیدكان ملتك عقائد اسلامیه ومؤسسات مذهبیله نینی تارومار ایتمه مدار کافیدر . مثلاً بریسی ؛ بزده اساساً عصر ك احتیاجاتیه ، ترقیاتیه متناسب بر تحصیل علمی واری نه کز زردیگری ؛ فرنكلر دها اون طقوز یکر می یاشنه کیرنجه حقیقه اصحاب ذکاوت ایسه لر عادتاً برر علامه اولور لر بر دیگر ی دها - روظلو کجی دهات عادتاً او سن اول شایده موجد مخترع بردهات اولدیلر . بردها - هیچ بزدن بو نوع علوم حقیقه وتجربه دیده علامه لر ، علمی جهان تسلیم ایتدیرن علامه لر یتشدیمی ایشدیکز می . بواپسه کنایه دکل صراحة ملت معظمه اسلامیه نك کالات بشریه و مزیات علمیه و عملیه دن بی نصیب اولدقلرینی اعتراف ایلک دیمکدر . فی الواقع ترقیات حاضره صناعیه لرینه وتسپیل معیشتلرینه خادم اوله حق مخترعات فیه ومعاملات تجاریه لرینه بریده حکمز یوقدر . لکن شونی دخی علاوه مقال ایدم بیلورز که ملل مذکور نك حائز اولدقلاری مکملیت فیه وتحصیل ایلدقلری مزیات مادیه لرینک اس الاساسی ینه او عوارف اسلامیه بی تشکیل ایدن معارف مکمله معقوله دن مقتبس بولندیغنی اثبات ایچون حکم وقوتی حائز آیات کریمه واحادیث شریفه کجی ادله قاطعه و براهین ساطعه مزینک چوقدر . رعنا بیلنملیدر که فضائل مادیه ومعنویه نك منبعی آیات کریمه در عمران ملک وملتک یکانه معلمی ینه آیات کریمه در همده اوله بر آیات کریمه که خالصاً من عند الله اولدیغنی بو کون فرانسه ده تعظیم وتبجیل ایلد یاد اولنان علملرینک اعترافیه اکتساب ثبوت ایشددر . صحائف تاریخیه دن مستبان اولدیغنی مثللو ایام جاهلیتک یکدیگری حقده کی تجاوزات

وحشیانه لر ی وریوه انسانیه دن بین السماء والارض بعید اولان معامله رزبانلر ی مشهور ومسلم ایکن انوار اسلامیت ایله منور اولنجه عواطف کریمه ایله معروف ومزایای سامیه ایله موصوف اولملرینه سبب آیات قرآنیه اولمدی ده نه اولدی . تمثال شهامت آنلر ، امواج فضیلت آنلر . سیر حکیمانه وسرائر عادلانه بی اخلافه تعلیم ایدنلر ینه آنلر اولدی . سفاسف اعمالدن ، سخائف افکاردن تمامیه کچدیلر سموات رفعته عروج کالات بشریه به صعود ایلدیلر فکر آملکره تقدم . همه کسر اله تفوق شان وشرفنده بولندیلر . نائل اولدقلری سطوت وسعادت سایه سنده ملوک جهانی اعتراف عجزه مجبور وحائز بولندقلری حکمت ومهابت پناهنده اعظم علمایی حیران ومبهوت ایلدیلر . یعنی حق تعالی حضر تلرینک اوامر ونواهیسنه کال تسلیمیت سایه سنده موفقیتک هر نقطه سنی حائز اولدیلر او حالده بز نه ایچون علوم وعرفان کجی بر محصول قرآنی طائفه مخالفینه اسناد ایدلم . فیوضات باهره مزینک حق تعلیمی رطلویه کیرقویه اعطا ایلیم . بناء علیه شرف اسلام ایله مشرف ونور ایمان ایله منور اولان وباخصوص میدان حقایق شناسیده بر موقع ممتازک اجرای املنده بولنان محررین اسلامدن مامول ومنظر اولان برنجی وظیفه واجبات دینیه ومقتضای دنیویه بی تفریق ایتمله برابر انسانی جنسی بلا تفریق مذهب سعادت ادیه بی موجب اوله حق اسبابک تأمین وباخصوص عقائد اعماله دائر بولنان کتب معتبره نك تحصیلی باینده کی شوق وشطارتلرینی تزئید ایلجه ک سوزلری دریغ ایتامک ودرجه ثانیه بدایع شتی وصنایع لالتحصایه دائر موجود اولان ترقیات حاضریه مستعد اولنلری دخی ممالک غریبه ده کائن مکاتب مستحضره مر اجعتلرینی توصیه بیورمق خصوصیدر . توالی ایام وتعاقب اعوام ایله متصلاً فضلال ذوی الاخترامک

بیکرجه سنی یتشدیرمش اولان او مکاتب والای عرفانمزی اومراتبه
اعلائی ایمانمزی تزییف وباخصوص چرکاب ظلمتله تلویث ارواح ایلین
برطائفی مصرأ علم و عرفان ایله تقدیس و توصیف ایلمکی کیمله لایق
کورم بیلیرز . بوباده احمای اسلامیق التزام ایلین کیمسه دن بشقه کیمی
ارائه ایده بیلیرز (افتونا مأجورین) بومقوله مقاله نك نشری وانظارعالمه
وضعی محررین اجنبیه نك بریسنده مشاهده اولنورسه اصلاً شایان اسف
واعتماد اوله من لکن ادبای اسلامیه دن برذات با کالاک قال و قلمندن جریان
ایدرسه طوغریبی فریاد و فغاندن اغماض عین ایدیه من .

شعر فارسی

من از بیکانکان هرگز ننالم : که بامن هرچه کرد آن آشنا کرد

طغوزنجی مکتوب

جناب حتك امرینه اطاعت ، نهیدن اجتناب هر بر مؤمن ایچون
ممکناندن اولدینی حالده بر طریقت علیه انتسابده کی غایه و مقصدك
نه دن عبارت اولدینی سؤال بیورمش ایدیکز جواباً افاده اولنورکه :
قطب ربانی و غوث صمدانی عبد القادر الکیلانی حضرت تری ایله
بر خیلی اعظم رجال طریقت و شریعتك مؤلفاتنده (من لاشیخ له
فشیخه الشیطان) قضیه سی حدیث شریف نبوی اوله رق افاده و بیان
بیورمش و بونك صحت معناسی ایسه متعدد آیات کریمه ایله کسب
ثبوت ایلشدر . ازان جمله حق جل و علا حضرت تری (الم اعهد الیکم
یا بنی آدم ان لاتعبدوا الشیطان) بیوریور . یعنی ای بنی آدم دلائل
عقلیه و نقلیه ایله سزه امر ایتمدی شیطان عبادت یعنی امرلرینه اطاعت
ایتمه یکنز . دیمک که شیطان قوه مدافعه دن عاجز بولنان بر مؤمنه قارشو
صفت آمریتی طاقتمق و القاء مفاسد ایله اطاعت مولادن آلیقویتی

خصوصلرینی کنندیسی ایچون مهم بروظیفه اتخاذا یتمس و تأثیرینی بیله
مشاهده ایلشدر . بناء علیه « و کونوا مع الصادقین » آیت جلیله سیله
صادر اولان امرالهی به امتثالاً برطریقت علیه دخالت و او طریقت
علیه موجود اولان اکابر امتك امداد روحانیه لرله کسب قوت
ایلمك ضروریدر . زیرا « من دخل قوماً فهو منهم » بیورلشدر .
شبهه سز برانسان جماعت صوفیه به محبتاً التحاق ایدر و ذکر و فکر لرینه
اشتراک ایلر ایسه آنلردن معدود اوله جفی کبی محشرده دخی زیرحمایه لرنده
بولنه جقدر قال علیه السلام « یحشر المرء مع من احب » بومدعانك
دها زیاده توضیح و تنویری آرزو اولنور ایسه « الخناس الذی یوسوس
فی صدور الناس » آیت جلیله سنی ارائه ایده بیلیرز . جناب حق خناسدن
استعاذه منی امر بیوریور . خناس شیطاندر برشیطان مؤمنلری ترصد
ایتمکده و قلبك ذا کر اولدینی احساس ایدنجه کیر و چکیلوب صاو و شمعده
اولدینی کبی ذکر دن غافل بولنا تلرده القاء مفسدت ایلکده در .
ایشته بونك ایچون دنیاده ایکن برطریقت علیه انتساب ایتك و مرشدك
تعلم و تلقین ایتدیکی ذکر شریف ایله قلبی احیا ایتك هر بر مؤمن
ایچون اهم و الزمدر .

شونی ده علاوه ایدلم که : شیطان لعینك منتسبین مشایخه ظفریاب
اوله میه جفی تفصیلات سابقه دن اکلشیلور ایسه ده مشهودات و مسموعات ایله
بومدعای اثبات ایتك قابل اوله میور زیرا منتسبین میاننده قانون الاهی
اولان شریعت مطهره نك بعض احکامنه رعایت و باخصوص علامت
ایمان اولادن ادای صلاته حقیله دقت ایتیمان کیمسه لرده موجود اولدینی
شبهه سزدر . بوکا جواب اوله رق افاده اولنورکه حدیث شریفده
اولان شیخدن مقصد بواسم ایله مسمی اولان بر شخص اولیوب بلسکه

عارف بالله وصفاته اولقله برابر عبادات و طاعتنه ولو که قلب و نیتده اولسون مواظب ، معاصیدن محتجب ، انهماک لذائذ و شهوات نفسانیه دن معرض خادم شریعت و مروج طریقت اولان بر ذاتدر . بوبویه اولدینی کبی منسوب اولانلرک دخی مرشدک شریعت و طریقت دائره سنده بولنان امرلرینه اطاعت ایتسی لازمه دندر . الحاصل حدیث شریفک معنا و مفهومندن حقیقه مستفید اولق شرائط معروضه نك وجودینه متوقفدر . بومدعاي اثبات ایچون مثال اوله رق دیه بیلیر که بر معلولک علتندن رهاسی البته بر حکیم حاذقک و ویرمش اولدینی علاجک حسن استعمالنه متوقفدر . حکیم حاذق اولمز و یا خود معلول اولان کیمسه آلدینی علاجی حسن استعمال ایلز ایسه مطلوب اولان شفا انتظار اولنمز . جناب حق جل و علا حضرتلری بالجمله موحدینی الی آخر الزمان طیب معنودن نومید ایتسون امراض قلبیه لرینک بقاسیله عاقبت اخرویه لرینی تهدید بیور مسون آمین .

اوننجی مکتوب

بسم الله الرحمن الرحيم (ان الصلاة تنهى عن الفحشاء والمنکر) آیت جلیله سنه نظراً ادای صلاة ایدن مؤمنلرک کافه منکرات و منهیاتدن محفوظ بولنسی ایجاب ایدرکن نیجه مصلیلرک بر طاقم محرمات و منهیاتدن تخلیص جان ایده مدکبری مشاهده اولنقددر . بناء علیه بوبابده کی اشکالک حلی ایچون مراجعت ایدن برذاته ویرمش اولدیم جوانی آرزو ایدن اخوانک دخی مطالعه کذاری اولق اوزره علی وجه الاختصار تحریرینه اجتناسار ایلدم شویله که :

حق جل و علا حضرتلری (قد افلح المؤمنون الذینهم فی صلاتهم خاشعون) یعنی خشوع ایله ادای صلات ایدن مؤمنلر عذاب آخرتدن

قور تولدیلر بیورمش اولدینی مثلوا علیه الصلاة افندمن دخی (لاصلاة لمن لا یخشع) یعنی خشوعی اولمیان بر کیمسه نك نمازی شایان قبول اولاماز و موعود اولان فائده سی دخی انتظار اولنمز دیمش لر در . بویکیر آنجق شریعت نقطه نظرندن فرضی ادا ایتمش و تارک الصلات ایچون مقرر اولان حد شرعیدن کنندینی قورتارمش اولور . خشوع ایسه ظاهری و باطنی اولق اعتباریه ایکی به منقسم اولدیغندن بونلرک هر بر لرینی آریجه بیان ایلک ضروریدر .

خشوع باطنی ایچون اولاشونی افاده ایده لمکه ادای صلاته مباشرت ایدن بر کیمسه الله اکبردن السلام علیکمه وار نیجه دکن کندیسنی جناب حقک حضورنده بولندیغنی بیلوب هیبت و عظمت السیهیه قارشو کندیسنک نه مرتبه حقیر فقیر محتاج مرحمت مفتقر بر بنده پر معصیت اولدیغنی بیلملی و عبادتله میاننده جناب حقک اک زیاده سودیکي اولان نماز سایه سنده قولاً و فعلاً طلب عفو و مغفرت و استیجاب لطف و عاطفت ، قامنده بولندیغنی کال خوف و خشیتله دوشونماید . شبهه سز بوصورتله ادا اولنان نمازمن ملائکه کرامک انواع عباداتی جامع بولندیغندن سائر عبادتله افضلی و اسباب عفو و مغفرتک اکملیدر .

معلوم اولدینی اوزره ملائکه نك بر قسمی قیامده بر قسمی قعودده بولندقلری کبی بر طاقی رکوع و سجود ایله مشغول تکبیر و تحمید و تسبیح ایله مأمور بولندقلرندن ملت محترمه اسلامیه نك مصلیلری دخی فضائل مذکورده نك کافه سندن قسماً فیضاب اولمشدر .

خشوع ظاهری به کلنجه : بر انسان نمازه باشلار باشلاماز کال

سكون ايله يعنى اطراف وجوانبه نظر ايتمهرك واعضا وجوارخى
حركات نالايقه دن محافظه ايدهرك حضور بارى تعالى ده بولنوب
لسانندن جارى اولان كلماتك معناسنى تأمل ايتميدر . مثلاً (الله اكبر)
دينجه حق جل وعلا حضرت تلى هر شيدن بيوك اولديغنى دوشونمليدر .
(سبحانك اللهم وبحمدك) يعنى اى اللهم سنى حمد ايدهرك بالجمله
تقايدن تنزيه ايلرم . (وتبارك اسمك) وسنك اسم شريفك خير وبركاتى
جامع اولديغنى بيليرم (وتعالى جدك) ودخى سنك عظمت وشانكى
اعتراف ايلرم (ولا اله غيرك) وسندن بشقه بر معبود اولمديغنى قولا
اقرار قلباً تصديق ايلرم . (اعوذ بالله) جناب حقه صيغينيرم .
(من الشيطان الرجيم) دركاه مرحمتدن مطرود اولان شيطانك
دسيه لرندن (بسم الله) جناب اللهك اسم شريفى لسانمده وقلبمده
بولنديغى حالده نمازه شروع ايدسيورم (الرحمن) اويله الله كه دنياه
مرحقي هر بر موجوده شاهيدر . (الرحيم) اخرته ايسه مطيع اولان
قوللرينه جنت وجمالنى احسان بيوريجيدر .

(الحمد لله) حمد وشنا الله ذوالجلال حضرت تلىرينه مخصوصدر كه
(رب العالمين) بالجمله عالمك خالق رازق مرييسيدر . (الرحمن الرحيم)
رحمان وحييدر . (مالك يوم الدين) يوم قيامتك مالك ومذكيدر .
هر كسك كوزى آنك لطف وكرمندهدر .

(اياك نعبد) اللهم يالكبر سبكا عبادت ايدر (واياك نستعين)
ويالكبر سندن عنايت بكه رز . (اهدنا) بزلره هدايت ايله (الصراط
المستقيم) جنته منتهى اولان طوغرى بر نولى (صراط الذين انعمت
عليهم) يعنى انعامكه نائل اولان انبيا واوليانك سلوك ايلدكبرى شريعت

وطريقت مطهره ي (غير المغضوب عليهم ولا الضالين) مستحق غضب
اولانلرك كذلك طوغرى يولدن صابان يهود ونصارا يولنك غيرى
مصلى بوضو رتله فاتحه شريفه ي قراشدن صكره ايتديكى بر سوره دخى
او قوروجناب حق تعظيم مقامنده ركوعه كيدر كندىنى كوچولتير (سبحان
ربى العظيم) سويلر يعنى بيوكلك ذات واجل واعلاسنه مخصوص اولان
حضرت الهى كافه تقايدن تنزيه ايلر (سمع الله لمن حمده ربنا لك الحمد)
ديهرك ركوعدن قالقار سجده يه وارير .

معلوم اوله كه افعال عباد ايچنده الكزياده شايان قبول اولان شيئى
محيوتدر يعنى بر انسان كندىنى حقير صغير ناجيز بر مخلوق اولديغنى
وهرنه سى وارسه جناب اللهك مال وملكى بولنديغنى بيا مكدبر سجدده يه
وارمق يرله قابانق خاك ايله يكسان اولمق ايسه فعلاً محويت مذكوره ي
تمثال ايتمكدده اولديغنى كى قولاً دخى (سبحان ربى الاعلى) يى او قور
يعنى قوة بدنأ قدر تآمالاً ملكاً هر كسك فوقنده بولنان حضرت الهى كافه
تقايدن تنزيه ايلر وتشهد ايچون اوطورر .

(التحيات لله) حمدوشنا كى عبادت قوله حضرت اللهه مخصوصدر
(والصلوات) كذلك عبادت فعليه (والطيبات) عبادت ماله دخى بالجمله
حق جل وعلا حضرت تلىرينه اولديغنى اعتراف ايلر .

شوقى افاده ايدلم كه عليه الصلاة والسلام افنديز ليله معراجده
حضور حضرت رب العزته وارنجه وبواچ كلمه طيبه ايله وظيفة حمد

وثنای ایفا اینجہ خالق تعالیٰ حضرت تدریدہ اوج کلمہ ایلہ یعنی (السلام علیک یا ایہا النبی ورحمۃ اللہ وبرکاتہ) ایلہ مقابلہ بیورمشلردر بونلرک معناسی یعنی عذاب دنیویہ و اخرویہ دن امنیت ایلہ برابر جناب اللہک رحمت و عاطفت و خیر و برکتی سنک اوزریک اؤلسون دیمکدر . اندن صکرہ بتکرار علیہ السلام افندیز سلام باری تعالیٰ یہ جواباً (السلام علینا وعلی عباد اللہ الصالحین) یعنی جناب حقک رحمت و عنایتی بزه و بالجملہ انبیا و اولیا اوزرینہ اؤلسون تعیریلہ معروضاتده بولنشددر .

بعده لیله شریفہ معراجده واقع اولان بو کبی برماجریہ کسب و قوف ایلین جبریل امین دخی (اشهد ان لا اله الا الله واشهد ان محمداً عبده ورسوله) یعنی جناب اللہک برلکنہ و محمدک و کمال عبودیت و رسالتہ شہادت ایلرم دیمشددر .

حضرت محمدک اسمی ذکر اولدقده صلات و سلامک کوندرلمسنک لزومی بدیی اولدیغندن تشہدک ختامندہ (اللهم صل علی محمد) یاربی رحمتکی حضرت محمد اوزرینہ نازل ایت (وعلی آل محمد) ہمدہ محمدک بالجملہ اقربا و تعلقاتی ایلہ امت اطاعتی اوزرینہ نازل ایت (کا صلیت علی ابراہیم وعلی آل ابراہیم انک حمید مجید) نصلکہ ابراہیم علیہ السلام ایلہ آلہ نازل بیورمشسک دیمکی و بوندن صکرہ دعوات مأثورہ دن بریسنی او قوملی اندن صکرہ نمازہ مخصوص اولان حضور مقدس آلہمیدن خروج ایدہرک عالم شہودہ داخل اولہجنی ایچون اکر امام ایسہ حاضر بولنان جماعت ایلہ ملائکہ کرامہ واکر منفرد ایسہ

صاغندہ کی وصولندہ کی ملائکہ خطاباً «السلام علیکم» سویلیہرک و وظیفہ صلاتی ایفا ایلیدر .

جناب حق و فیاض مطلق حضرت تدری موحدین اسلامی موفق بیورسون . مأمور بولندقلری نمازلرینی کمال حضور و خشوع ایلہ ادا ایتمکک قبلرینی پر نور ایلسون آمین .

اخطار

حضرت محمد علیہ الصلاۃ والسلامک جناب حق جل و علا حضرت تدرینہ عرض و تقدیم ایتمش اولدینی التحیات للہ و الصلوات والطیات کلمہ طیبہ لرینی مصلی اولان کیمسہ دخی کندی حسابنہ یعنی کندی طرفندن تقدیم ایلیدر حکایہ نوغندن قرائت ایتہ ملیدر صکرہ جناب حقک بیورمش اولدینی سلامی و علیہ السلام افندمزک سلام الہی یہ ویرمش اولدینی جوابی کذلک حضرت جبریلک کلمہ شہادتیی یعنی بونلرک جملہ سنی مصلی اولانلر کندی طرفلرندن قرائت ایلیدرلر شونی دہ افادہ ایدہلم کہ نمازک اولندن آخرینہ قدر حضور و خشوعی محافظہ ایتک کبار اولیاء اللہک مشکلات ایلہ مقدوری اولہجق مسائلدن بولندیغندن عوام ناس ایچون میسر اولہمیہجنی طبیعیدر شو قدر وارکہ نمازک ہرہانکی برکستندہ اولورسہ مصلی ایچون او نسبتندہ امید قبول شبہ سزدر بناء علیہ ادای صلات ایدنلر میہما ممکن حضور ایچون سنی و غیرت ایلیدرلر .

اون برنجی مکتوب

اخوان طریقت طرفندن واقع اولان بعض سؤللرک جوابیدر :

(س ۱) بر طریقت علیه منسوب اولان بر شخص دیگر بر طریقت علیه انتساب ایدیلیرمی ؟

(ج) بوشخص اگر شیخی وفات ایتش ایسه هر هانکی بر طریقت علیه کامل بر ذاته موفق اولورسه بلاتردد انتساب ایتلی و طریقتده کی نقصانلرینی اکیل ایلیدر . وفات ایتش ایسه کذلک تبرکاً انتساب ایده ییلیر . چونکه طریقت علیه ده تکامل ایتش اولان بر ذات منابع طریقت کافه سندن اخذ فیض ایلش وجهله سنه آشنا اولمشدر .

(س ۲) تبرکاً تعینندن مقصد نه در ؟

(ج) یعنی بر شخص کامل بر شیخی بر حیات اولدینی حاله دیگر بر شیخک رابطه سنی ایتک و یا خود تحت تربیه سنه کیرمک مخالف ادب اولدیغندن دیگر بر شیخک آنهقی شرف محبتیه شرفیاب اولق و انقاس طیه لرندن اقتباس فیض و برکت ایتک مقصدیه انتساب ایده ییلیر . یعنی رابطه سنی ایده من .

(س ۳) بر سالک نه زمانه قدر محتاج رابطه در ؟

(ج) (یا ایها الذین آمنوا اذکروا الله الی آخره) آیت جلیله سنده کی مؤمن شبهه سز اجزای ظاهریه و باطنیه دن مرکب اولان بر شخص مؤمندر . ذکر ایتکه مأمور اولان دخی بوجمعه در . یعنی یالکدر لسان و یا خود قلب کی بر جزئی دکلدر . بناء علیه انسانک جمیع جسدینک کذلک باطنده اولان قلب ، روح ، سر ، خفی ، اخفا ، نفسنک دخی ذکر ایلشی لازم کیور . بو ذکره نائلیت ایسه بر دلیل راهک ، بر مرشد دل آگاهک ظاهر و باطنندن استعانه و استفاضه ایله میسر اوله بیله جکندن بر سالک بو ذکرلری تأمین ایدنجه و مراقباته واصل اولنجهیه دکن

رابطه دن مستغنی اوله من مراقباته موفق اولدقن صکره احتیاج حس ایدر ایسه رابطه ایدر ، ایتز ایسه ایتز .

(س ۴) بر شیخک کامل اولوب اولدیغنک علامتی نه در ؟

(ج) شریعت مطهره و سنت سنیه دن قولاً و فعلاً انحراف ایتماکه برابر شرف محبتیه سالکده محبت الله ، ذکر اللهک حصوله کلسی اوشیخک کالنه دلالت ایدر . شو قدر وارکه قوه یمیزه دن عاجز بر انسان اولورسه و شیخک ولایتی حقنده تواتر وار ایسه شرعاً تواتری قبول ایتماکه مکلفدر .

(س ۵) بر سالک بر شیخک ارشاد و تربیه سندن مستفید اولدینی

تقدیرده نه یامیلیدر ؟

(ج) العلم علما : علم الابدان و علم الادیان حدیث شریفه نظراً علم طبابت ایله علم دیانت آره سنده بر خیلی مناسبت واردر . بناء علیه بر معلول اولا بر طبییه مراجعت ایدر . علاجی حیه سنی و سائر مالزمه سنی اوکره نیر و طبییک امرینی تمام اجرا ایدر . لکن مطلوب اولان شفایه نائل اولمزه شبهه سز دیگر بر طبییه مراجعت ایدر و معاتب اوله من . شو قدر وارکه آلدینی امرلره رعایت ایتدیکی تقدیرده قصور و عتاب کندیسنه توجه ایدر .

کذلک بر سالک ایله بر مرشد آره سنده کی حال و کیفیت بومنوال و زوردر بر سالک مرشدک امرلرینی نهیلرینی اجرا ایتدکدن صکره مطلوب اولان نتیجه یه نائل اولدینی تقدیرده دیگر بر مرشدی آرامقده معذوردر همد آرا میلیدر .

(س ۶) بر سالک لطیفه قلبنده و یا خود لطائف خسه نک بر دیگرنده

فضله حرارت حس ایدر و بوسیده راحت و حضورینی غائب ایلرسه نه

یا بمقی لازم کایر (ج) شدت حرارت زائل اولنجه و حال اعتدالنه رجوع ایدنجه به دکن ذ کربنی ترك ایلر شوقدر وار که حرارتک بقاسنی موجب اولمز ایسه بعضاً رابطه و بعضاً صلاة و سلام ایله اشتغال ایده بیلیر .

اون ایکنجی مکتوب

طریقت علیه مزک انوار فیوضاتندن حقیله مستنیر اولمق ایچون بر طالب صادق نه یا بمقی لازم کله چکی سؤالکنزه قارشو جواباً افاده اولنور که : بر سالکک تعالی و ترقیاتی و تعبیر آخرله طی مقاماتی شبه سز اثنای سلوکنده مأمور بولندینی اوراد و اذکاره مواظبت و کمال رعایت بنایه سنده اوله جنی طبعی ایسه ده اساس اولمق اعتباریله ایکی حقیقتندن ایرلامسی ده مقتضیدر . بونلرک برنجیسی (ما اتی کم الرسول فخذوه و مانها کم عنه فانتهوا) آیت جلیله سنه توفیقاً شریعت مطهره ده کوسترلش و علیه الصلاة والسلام اقدیمز حضرتلرینک اقوال و افعالندن اکلاشلمش اولان اوامر و نواهیدن سرمو انحراف ایتماسی اولدینی کی ایکنجیسی دخی (و کونوا مع الصادقین) امر الهی به امتثالاً سالکک اعتقادنجه امنیت و صداقتی تحقق ایتمش و التزام شریعت و طریقت کی ایکی شاهد عادلک شهادتیه اهلیتی کسب ثبوت ایلمش بر مرشدک دوام رابطه سندن عبارتدر . شونی ده افاده ایدلم که شریعت مطهره نك اوامر و نواهی اعتباریه باشلیجه ایکی قسمی واردر . اوامردن مقصد بالجمله فرائض و نوافل اولدینی کی نواهی دخی جناب حقیق حرام بیورمش اولدینی قول و فعلدن عبارتدر فال علیه السلام (الایمان نصفان فنصف فی الصبر و نصف فی الشکر) یعنی ایمان کامل ایکی نصفدر . بونلرک

بریسی ارتکاب مناهیدن امتناع معناسنه اولان صبرده و دیگرکی ایسه امتثال اوامر و اطاعت السهیدن عبارت اولان شکرده در . معلوم اوله که حدیث شریفده مناهیدن امتناع اوامره امتثالندن مقدم ذکر بیورلمش اولدینی ایکی نکته به اشارتدر که : بونلرک بریسی دفع مفسده نك جلب مصلحه دن مقدم بولندینی ایکنجیسی ایسه عبادات و طاعاتک کافه سنی ایفا و اجرا ایلمک قوه بشرک خارجنده و اجتناب مناهی ایسه هر بر فردک امکانی داخلنده بولندیغندن فوایدینک دها شمولی اولدیغیدر . حتی دیه بیلیرم که عالم اسلام ایچون متصور اولان تعالی و ترقینک اک مهم سببی ترك معاصیدر . معاصیدن مبرا و ترك معاصی صوابندن معرا بولنان ملائکه کرامک مقام طبعیلرندن ترقی ایده مدکاری دخی بومعنائی مؤیددر : الحاصل منهیات و محرماندن توقی و اجتنابک ترقیات معنویه به خادم اولدینی قدر منافع مادیه و فواید جسمانیسی دخی نظر اعتباردن دور طوئلامیدر . منهیاتک انسانلرک مال و جاننه شرف و شاننه ایراث ایتدیکی ضرر و زیانک قابل تلافی اولدینی اصحاب بصیرتک معلوم و مسلمیدر . مولا م حضرتلری باصره مزی مشاهده حقدن و سامعه مزی استماع حقیقتندن محروم بیورمسون آمین .

اون اوچنجی مکتوب

اثنای رابطه ده فقیر کزک صدردن یوقاروسی ذات محمدی اولدیغنی و نور شریفلریله محاط بولدیغمی و بعضاً ذات محمدی مثال خرقة اوزرمده بولدیغنی مشاهده ایتمکه اولدیغکز بو دفعه کی التفاتنامه ده بیان

بیورلمشدی . بونک ایچون حق جل و علا حضرتلرینه بالخاصه عرض
شکران ایلدم . معلوم فاضلانلری اولدیغی اوزره رابطه دن مقصد
استفاضه اولوب فیاض مطلق ایسه جناب حق دن بشقه سی اولدیغی جای
اشتباه دکلدر . شو قدر وارکه جناب حبیب خدا اعنی به محمد المصطفی
افندیمز حضرتلری دخی مظهر ذات وصفات الهی بولندیفندن (فاذا
احببته کنت سمعه وبصره ولسانه) الخ . حدیث شریف قدسیسه
نظر آنی مشارالیه حضرتلرندن استفاضه جناب حق دن استفاضه دیمکدر .
(تخلقوا باخلاق الله و اخلاق رسول الله) امر جلیل رسالت پناهی به
امتتالاً اوصاف بشریه دن خارج و اخلاق مطلوبه یی حائز اولانلریغی
فناء اتم ایله فنا فی الرسول ودها طوغریسی فنا فی الله شرف عال العالنه
نائل بولنانلرک دخی رابطه سی (وابتغوا الیه الوسیلة) آیت کریمه سیله
عامه مؤمنینه امر و فرمان بیورلمشدر . رابطه اولنه حق مرشدک اطوار
و اخلاقی اخلاق رسالت پناهی به تابع اولدقچه رابطه دن منتظر اولان
فیوضاتک ظهوری عذیم الامکاندر . رابطه ایدن سالک ایسه شیخنک
اخلاق محمدی ایله ستخلقی اولدیغی محک شریعت و طریقت ایله تحقیق
المسی فریضه دندرز . ذات فاضلانلرینک ظهوراتی رابطه کزک محتنی
تبشیر ایتکده اولدیغی کی حق فقیرانه مدده بیوک برالتفات و توجهات
بامر الفیوضاتی مبشردر . بناء علیه برطرفدن تبریک و بر طرفدن ده
تشکراتمی عرض و بیانه شتابان اولورم والسلام علیکم .

اون دردنبی مکتوب

مشرق عنایتکزدن طلوع ایدن شمس تابان عاطفت و کائنات وجودیمی
لواحقیه برابر سوابق انواره غرق ایلین مهر ساطع محبت و بدر لامع

مودتکزی تصویر و ترسیم ایدن احساننامه نامی آصفانه لرینک مندرجات
معالی غایاتی چشمان شکرانمی منور و محتویات لطف آیتنک بوی دلجوی
معنبری مشام جانمی معطر ایلدی (چه مبارک سحرری بودچه فرخنده
شی ! آیشب قدرکه آن تازه براتم دادند) آوان مسعدت اقترانده
وهر برکله سی برکوهر نادیده اولان تعیر غیر کزک مفنونی قالدینم بر
زمانده وجود پرسود آصفانه لرینک آلام کونیة جهاندن مصون
و عمر عزیز عارفانه لرینک کمالی عز و شرفله افزون و هر خصوصده
توفیقات سبحانییه مظهر و مقرون بیورلمسنگ دعای خیریة خالصانه سی
عن صمیم القلب تلاوت و تذکار و تقدیم اجابتخانه جناب پروردگار قلمشدر .
(ان اکرمکم عندالله اتقکم) نص قاطع فرقانیسی و (اکرم الناس
عندالله اتقکم) و (هل العاقل الا من یطیع الله ویتقیه) حدیث شریف
نبویسی نظرگاه دقایق آگاه کاملانه لرینه عرض ایله منسوبی بولندیفکنز
طریقت علیه نقشبندییه کمال استقامتله راعی وارکان طریقتدن اولان
شروط تقوای عبادتی هر زماندن زیاده اجرایه ساعی اولمکن دارینده
مسعودیتکزی استلزام ایدن مواد مسلمنددر برمنطوق احکام جلیل
قرآن و بر موجب حدیث شریف فیخرالا کوان امرهم تقوایه بغایت
دقتله حرکات و سکنات کار آگاهیلرینک آکا تطبیق ایلدسنی بالخاصه
داعیان و عاجزانه اوله رزق توصیه و اخطار و توجهاتکزک حق داعیانده
استقراری نیازیل طی طومار کفتار ایلرم .

آنبحی و سبائت افاده یه محتاج اولمیان اظهار درد فراق و آبراز
کالای اشتیاقکزه جواباً عرض و افاده اولنورکه طریقه علیه ده سیر و سلوک
ایله مقام نفسی طی و خالق حی لایزاله تقرب ایدن اخوان باصفا ایچون
مقام رضایه ارتقا و خالی عن الحکمة اولمیان اشبو دوری صورتییه

بر آردا صبر و تحمل ایلک لازم و اولادرد . محقق بیلکیز که رشتۀ
حیاتک سیف قاطبی مقامنده اولان مرو و زمان و تعاقب روزان و شبان
ایچنده شایان تأسف بر دقیقه و موجب تلهف بر ثانیه و ارایسه یالکیز
جمال با کالکیزدن دور و وصال فرخنده مألکیزدن مهجور اولدیغ
دملردر . جناب حق جل و علا حضرتلری دل مرده و وجود افسرده می
باران آبدار محبت و خورشید تابدار مصاحتکیزله ریان و ذات عالیکیزی
(انا جلیس من ذکرنی) حدیث قدسیلرینه مظهریتله دائماً خرم و خندان
بیورسون آمین .

کچن هفته لر قولرا علت مده شه سنک کوستر مکده اولدینی ثبات
انسانسنده نائل اولدیغ التفاتنامه لریکیز بر حیات بخش ایدیوردی بو
هفته ایسه حمد اولسون علت مذکورده دن اثر قالدینی حالده عنایت
بیوریلان کرامتنامه کیز حیات اندر حیاتیزی انتاج ایلدی . الی الممات
دعوات خیریه کزه حصار و قات ایدر ایسه مینه لطفکیزک عشر معشارینه
مکافات ایده میه حکم و اضحاندندر . جناب قاضی الحاجات درجاتکیزی
عالی و موفقیاتکیزی متوالی بیورسون . بونقطه صغیره بی کره التفات
و دائره توجهاتکیزدن بیرون بیورمسون درر کفتار و کوشواره
انظار کیزله دوش هوشم کسب مسار و کوش عیش نوشم غیاباً افتخار
ایتمکده اولدینی کی حق تعالی حضرتلری لب و رخسار کیزله دخی مشتاق
دیدار کیزی لبریز من و مسار و شجره آمانزی ثمره وصالکیزله قریباً
بختیار ایلسون آمین . باقی السلام علیکم .

اون بشنجی مکتوب

فتوحات ماده و معنویه ايله آراسته و فیوضات میامن آیات روحانیه

ایله پیراسته اولان التفاتنامه کز واصل دست مباحات اوله رق کمال نشاط
ایله قرائت اولندی . نصل اولنسونک مسند نشین بارگاه لولاک لولاک
وماه مهین تجلیکاه و ما ارسلاک اولان فخر عالم صلی الله علیه وسلم
افندمن حضرتلری طرفندن ولایت نبوته اشارت اولان (انا جعلناک
خليفة فی الارض فاحکم بما شئت) و ولایت رسالته دلالت ایدن (ان الله
یأمرکم ان تؤدوا الامانات الی اهلها) و ولایت اولی العزم ايله مناسبتی
درکار بولنان (ولا تقولوا علی الله الا الحق) اوامر جلیله سیله مخاطب
و مشرف اولدیغی تبشیر ایدیوردی . بوجه ايله نائل اولدیغم التفات
جهاندراجات جناب شفیع یوم العرصاتک معناً اضافه ایتمش اولدینی
فیضی و فتوحی و جدان عالمته تفسیر و ترجمه یه کیز بر وجد و حال ايله
تلقی ایلدم قال تعالی ایلدم مدار ترقی ایلدم جزاکم الله عنا خیر الجزاء
و بشرکم مولاکم فی یوم الجزاء آمین و صلی الله تعالی وسلم علی سیدنا محمد
وآله و صحبه اجمعین .

اون آلتنجی مکتوب

لطفاً و تنزلاً احسان بیورمش اولدیغکیز ایکنجی بر التفاتنامه کزه
دخی نائل اولدم واصل اولدیغم محظوظیت روحانیه می و حاصل ایتدیکم
مسروریت معنویه می تعریف و توصیف ایچون بر خامه کوهی نثاره
و بر نامه غیر مثاله محتاج که هر بر نقطه سنده مندرج اولان و هر بر
نکته سنده مندمیج اولان آثار ظرافت و آثار سعادتک کشف و ایضاحنه
سزا اولسون هیهات هیهات مع مافیة انسانی سوبلتن مخاطبیدر قضیه
قطعیه سنه اعتماد و باخصوص هر بر قصور و کسور منک عفوینه مهیا
بولنان مراحم علیه کزه اغتراراً برایی سطرلق اولسون جوابنامه نک

تقدیمیله تصدیق سرشفقت افسر کزه متجاسر بولنیورم تقدیم اولنان
برایکی پوسته مقدم عریضه جوابیه مده عائله ايله عائله میاننده کی فرق
یا لکنز بر نقطه نك وجودی اوده نقطه ماسوا اولدینی عرض و افاده
ایتمش ایدم . یعنی عائله بی غائله ایدن بر نقطه ماسواد . و بر نقطه نك
تأثیر و عظمتی (بین التذلل والتدلل نقطه فیها یتیه العالم التحریر) وهی
نقطه الا کوان ان جاوزتھا سرت الحکیم و علمک الا کسیر (عربی العبارة
اولان بورباعی ايله اثبات ایتمش ایدم (تجو ع ترانی تجرد تصل) حدیث
قدسی دخی بو معنای مؤیددر بونک چاره سی ایسه (عود و اقلوبکم
الترقب) حدیث شریفده موجود بولندینندن حال و شانک زله مناسب
کورمش و بیان ایتمش اولدینهم مراقبه شریفه نك دوامی سایه سنده فراغت
قلب و حضور مع الله مالک اولایله چک کزنی روحانیت پیرانندن استمداد
ایدر و بوسیله ايله سعادت دنیویه و سلامت اخرویہ کزنی مراسم
جلیله صمدانیه دن استرحام ایلرم .

اون یدنجی مکتوب

کلمات مادیه و معنویه ايله مزین اولویفکزی اعلانه مقتدر و عنایات
بی غایات الهیه ايله منور بولندیفکزی اتیانہ متشمر اولان قلم مشکین
رقق کزک درر باش اولدینی تحریرات نادره و عبارات فاخره کزنی
کحل الجواهر باصره مباهاب ایلدم . مراقبه دن طولانی برقچ کله صرف
بیورمش اولدیفکزی ایچون بالمناصبه جوابنده عرض اولنورکه مقام
معلاهی اصلینندن آیریلوب سفلاهی جسمانیتہ نزول ایدن و بردها و اوج
اعلاهی تجرده مستعد صعود بولنان لطائف روحانیه انسانیه من آنجق

توالی مراقبات ايله تعالی ایدر فضله اوله رق سالک مراقبه احادیثدن
معینه معیتدن اقریبتہ اقریبتدن محبتہ محبتدن واحدیتہ قدر مبسوط و ممتد
ارلان شاهراه حقیقته دخی نائل اولابیلیر . قال الله تعالی فی حدیث
القدسی (لا يزال عبدی یتقرب الی بالنوافل حتی احبه فاذا احبته کنت
سمعه و بصره و یده و رجله الی اخره) چونکه ادای فرائض ايله
مکلف اولان جسمانیت اولدینی کبی ایفای نوافل ايله دخی موظف
اولان روحانیتدر . (واذ کر ربک فی نفسک تضرعاً و خیفه و دون الجهر
من القول بالندو و الاصال و لا تکن من الغافلین) بنابرین دوام مراقبه
و کمال اخلاص ايله جناب حقه اختیار اختصاص ایدن بر بنده اختیار
ایچون ابواب تفیض و تعالینک کشاده و اسباب موفقیتک آماده بولندی
بدیهیدر . جناب الله ذات عالی کزنی بو کیلرک عددانیه داخل بیورسون
ظاهر باخلق باطن باحق کروهندن آیرمسون (الحر امیر نفسه)
مصادقته اماره یه آمر و مطاعته یه نائل و بصورتله (فادخلی فی عبادی
وادخلی جنی) خطاب مستطابنه لایق بیورسون امین فقیر کز خیر
دعادن غافل اولم انشاء الله تعالی موفق اولورسکز فقط قبولی ایچون
خالق عظیمه کثرت محبت الزمدر شرط اعظمدر والسلام علیکم .

اون سکزنجی مکتوب

اخوان طریقت علیه دها طوغریسی بالجمله اخوان دینه عرض
وافاده اولنورکه هر شیدن زیاده امتنک سعادت اخرویہ و سلامت
ابدیہ لرینی نظر اعتباره آلمش اولان سبب کائنات و مفجر موجودات
علیه الصلاة افند من حضر تلری (الناس کلهم هلکة الا العالمین و العالمون
کلهم هلکة الا العالمین و العالمون کلهم هلکة الا الخالصون و الخالصون علی

خطر عظیم) بیور مشر در یعنی انسانلر جناب حقہ قارشود نیاده واقع اولان قصور لرینه سبب بعد الموت معذب و جزای سزایینه مستحق اوله جقاری عدالت الهیه نك ایجاباتندند در آنجق مستثنا اولانلر عقائد اسلامیه و تکالیف شرعیه لرینی علمادان او کر نمش اولان کیمسه لردر. شو قدر وارکه بونلر دخی علملریله عامل اولمدقجه مثلاً نمازك شرائط وارکانی او کره نوپ لکن ادا ایتدکجه کذلک عذاب اخروی دن یقه لرینی قورتاره مزلر. بونلرک براو چنجیسی ده واردر که اودخی اخلاص دن عبارتدر. یعنی نفسلرینی تزکیه ایتمه ینلرک کبر، حسد، ریا، بغض، بخل کبی رزائل دن منزله ومبرا اولمیانلرک عمل و عبادتی مقدس ومنزه اولان ذات اجل واعلا حضرت تلرینک بارگاه قبولنه شایان تقدیم اوله میه جفندن آنلر دخی مظهر عفو عنایت اولمدقاری حالده عذاب دن سالم اوله مازلر. علم، عمل، اخلاص مثللو فضائلی جامع بولان خواص امت ایسه شبهه سز عذاب دن قورتولمش دیمکدر. بونلر ایچون بر اندیشه وار ایسه یالکز عزل ونصب غائله سیدر. قال الله تعالی (یمحو الله ما یشاء ویثبت) شونی ده افاده ایده لم که تعلیم علم اولسون علمی ایله عمل اولسون بونلرک ایکیسی ده اعمال ظاهریه وجسمانیه دن بولندیغه نظراً هر کس ایچون ایستدیکی زمان ومکانده اجرایی امکان داخلمده در. فقط امراض جسمانیه دن شفا بولق برطیبیک معالجاتنه هر حالده محتاج بولندیغی کبی بالاده بیان اولنان کبر وحسد وسائر کبی امراض قلبیه نك دخی برطیب معنوی نك معالجاتنه اشد احتیاج ایله محتاج بولندقلرندن تغافل ویا خود تجاهل اولنما ملیدر.

قال علیه السلام (ذکر الله شفاء القلوب) ایشته بواحتیاج وبولزوم اوزرینه در که ذکر خفینک تعلیم ومؤمنلره تلقینی حضرت صدیق وجهرینک ده

حضرت علی افندیلریمزه تودیع بیورلش و (فی کل قرن من امتی سابقون) حدیث شریفنه نظراً بو تعلیم وتلقین مسئله مهمه نك دوام وتسللی ایچون هر زمانده اهل وارباب کسه لر یتشیدرلشدر. یعنی جناب حق جل وعلا حضرتلری علوم ظاهریه بی تدریس وتعلیم ایچون هر زمان علما یتشیدرمش اولدیغی کبی علوم طریقتی دخی تعلیم ایچون رجال طریقتی اکسیک بیورما مشدر. وطریقته سلوکی ایسته میان نفس اماره اصحابنه قارشو حجه الله علی العباد اولق اوزره اهلیتی تواتریله مثبت بولنان بر عبدینی انظار عالمه وضع ایلشدر * مولام حضرتلری امت محمدی القات شیطانیه دن مصون و شایان احتیاج اوله میان بهانه لرله استقبالی لرینی مهالکدن محفوظ بیورسون آمین.

اون طقوزنجی مکتوب

الطاف بی پایان ایله آراسته وانواع علم وعرفان ایله پیراسته اولان التفاتنامه بدایع علامه عارفانه لری اتمه پیرای ایادی امتسانم اوله رق ادعیه خیریه لری رفع بارگاه جناب وافر اللطف والاحسان اولندی. نطفه دن علقه بی علقه دن عظامی خلق ایدن رعظامی لم ایله اکسا ایلین واجزای بشریه نك تکمیلله صورت انسانیه بی تشکیل واعطای روحله مهد وجودی احسان بیوزان وآغلامقندن بشقه برشیته قادر اولمیان مینی مینی برچو جغه ابونی کی ایکی مشفق وایکی رحیم خدمتچی بی تعیین ایدوب آب وآتشه یاغ وطوزه، وقت وزمانه محتاج اولمیان برغدا ی باذوق صفای اطعام وهر کون برشان مخصوص وهر زمان برتجلی منصوص ایله کندیسینی حد کاله ابلاغ ایلین حضرت الله جل

جلاله کبی برقادر قدیم برصانع کریم ، وبرقادر علیم ، برخالق عظیمی ،
بیان و دنیاده نائل اولدینمزمأ کولات ، ملبوسات مفروشات ، منکوحات ،
بشریت انسانیت اسلامیت مدنیت کبی لایعدولایحصی نعمتیرخی دوشون ،
وباخصوص مأوای قبرده صحرای حشرده غوغای نشرده ذات اقدسندن
بشقه برامداد برمعین برمالک و ملکنده بر شریک اولیان جهتلیری
تخطر ایلین برعبدعاقلی وبربنده کامل ایچون نه یامق ونه کبی خدمتارله
عنایتلرینک تأییدینی تأمین ایلمک مسئلهسی بر کون خاطر فقیرانه مه
کلیر کلز همان ذات دقایق کستریکزن ووجود معارفیوریکزن خاطریمه
کلدی . اما ایچون کلسون ، چونکه درسعادتده ایکن دائماًسای افکار کزدن
تقاطر و زلال حکمتکزدن تظاهر ایتمش اولان شقائق روحانیدن
دقائق معانیدن حقایق وجدانیدن خیلی متلذذ و مستفید اولمش ایدم
کتب ورسائلده مسطور ایسهده بوسؤال داعیانه مه بحق اعطای جواب
هرحاله برقاب سلیمک برعبدعلیمک خطاب صواب آلودینه متوقف
بولمشدر اعتقادندهم چونکه صورت عبادته اعتبار ایتمیان وایفای وظیفه
عبودیتی روح وروحانیتک الدرین الک حساس بر نقطه سندن بکله یان
جناب علام الغیوبک حق خدمتی او کریمک قال و قلم ایله ممکن اولیوب
آنحق برصاحب احوالک افادهسی وبرخالص الاعمالک افاضه سیله وجود
بوله جنی شبهه سزدر امید ایده رمکه زلال فیوضاتک ساحه قلبیکزده
یتشدرمش اولدینی کلدسته معارف و سنبیل نورسته حقایقندن طالب
صادق لک مدار استفادهسی اوله بیان طلوعات شریفه و ظهورات منیفه
ایله اعطای جوابه عنایت بیوررسکزن باقی . (رزقنا الله تعالی وایا کم
حلاوة الايمان والاسلام وحشرنا وایا کم تحت اقدام الاولیاء العظام)

عریضه فقیرانهم خیلی اوزان دیسهده مشهودم اولان التفاتکزنه مغروراً
عفویمی رجا وبقای عاطفتکزی استرحام ایلم اقدم .

یکر منجی مکتوب

التفاتنامه کز انامل تشکر وافتخارمی ترین ایلدی یکی مأموریتکزی
تبریک ایلم (الحیر فیما اختاره الله) معلوم عالیکزدر معاشک تنزیله
کلنجه قال علیه السلام (خیر الذکر الحفی وخیر الرزق ما یکنی) جناب
حقه تشکرکه ذات عالیکزی بویکی خیر ایله تلطف بیورمشدر . دنیانک
صعود و نزولنه التفات بیورمیه جفکزی وجداناً بیلورم باخصوص
اسراف ویا ادخار نزد الهیده مقبول اولان احوالدن بولنمدینندن
سلامت وسعادت اخروی ایسه تحصیل رضای بارییه متوقف اولدینندن
هم وهمتکزی دائماً او جهته معطوف بیوره جفکزنه شبهه هم یوقدر
معیشت دنیویه کزی تأمین بیورمش اولان جناب الله سکرات موت
وضیقت قبر ودهشت حشر ونشری دخی حسب المرام بیورسون
رابطه شریفه نك مقدماتی اولان رابطه موتک فوائد کثیره سنی اونوتیمه لم
درسک اوائلنده و اوقات سائرده (اکثر واذکر الموت) حدیث
شریفنه توفیقاً معامله و احوال سائره کزک اشعار بیورلمسنى بالحاصله
رجا ایلم .

یکرمی برنجی مکتوب

ذره حقیرک وفقیر پر تقصیرک بادی تسریری و دیده انتظارمک
مدار مفخرت و تنویری بولسان التفاتنامه عنایت علامه عارفانه لری

واصل ایادی شکران اوله رق دعای بی ریای موفقیتری ایصال بارگاه جناب کبریا قلندی . خزینۀ خرابه ده تجری ودانۀ سعادت لانه طریقه تعلق ایدن عرفادن اولدیغکنز بدیهی بولندیغندن حق تعالی حضرت تلمینه عرض شکران ایدلدی . عریضۀ مقدمۀ فقیرانه مه تحریر جواب و کثرت اوراد واذکار ایله تفیض و تحویل ثواب خصوصاً صلنمه کتدیکنزه اسناد بیورمش اولدیغکنز بطائت و باخصوص اعتراف قصور شکلی ارانۀ ایدن ادیبانه بر معذرت شبهه سز جناب حقه خوش کورلمش که فقیر کنزی فوق العاده مسرور ایلشدرد . حق تعالی حضرت تری قریحۀ صبیحه کنزی دریای عرفان و ناولدان خامه کنزی دجله لطف واحسان بیورسون آمین . معلوم عالیلری اولدینی کی طریقت علیه مزک اساسی ودها طوغریسی مدار اقتباسی انعکاس اوزرینه مبتنی بولندیغندن خلقت بشری تشکیل ایدن لطائف عشره بی ذکر الله ایله مبشر و مدینه جسمانیق آداب شریعت ایله منور ایله مک آنجق بر بنده مراد اللهک صحبتی و بر عبد فنا فی اللهک فیض و برکتی سایه سنده میسر اوله ییله جکی طبیعدو . بو کبی ذوات ایسه حسب الوقت کبریت احمر کی اندر بولندیغندن (من اعتقد بحجر لنفعه) حدیث شریفه اتباعاً خادم شریعت و سالك راه طریقت اولان بر ذات مستور العدالتۀ اخلاص و محبت و مصاحبۀ جسمانیه ممکن اوله مدینی صورتده (و کونوامع الصادقین) آیت جلیله سنه امتثالاً غیاباً ربط روحانیت ایلک ضروری بولمشدرد . زیرا بویه بر اخلاص و محبتۀ مالک اولان بر مؤمن عاقل دنیا ده عباد صالحین و صلاحی ذاکرین عدادینه داخل و عقبا ده اولیاء کرامک شرف معتبرینه نائل اولاییله جکی بدیهیدر . قال النبی المکرم صلی الله علیه و سلم (بحشر المرء مع من احب) (اللهم ارنا الحق حقاً و ارزقنا اتباعه و ارنا الباطل

باطلاً و ارزقنا اجتنابه) اثنای رابطه ده فقیر کنزله حاصل اولان ملاقات و اوقات سائرده نصیب اولان ظهورات عالیلری معلوم داعیانۀ اولدی . جناب حقه تشکر ایدلدی بو کی لطف احسانلر بالجله رابطه شریفه واذکار منیفه سایه سنده لطیفه قلب ایچون حاصل اولان صافیق مبشر درلر حضرت الله ذات عارفانه کنزی (ولئن سکرتم لازیدنکم) آیت جلیله سنک سرینه مظهر و مقتضیات عرفان کنزی القات نفسانیه اوزرینه غالب و مظفر بیورسون آمین . اوراد واذکار شریفه معلوم عالیلری اولدینی کیدر اولکی التفاتنامه کنزده او قدر کوزل تعریف بیورمش ایدیکنز که فقیر کنزی حیران ایلدی برشی علاوه اولتق لازم کلیرسه یالکنز رابطه نک اکثاریدر مبتدی ایچون هرشیدن زیاده فائده بخش اولان رابطه در خواجه محمد معصوم قدس سره حضرت تری سالک لری ابتدا یالکنز رابطه ایله مأمور بیورمشلردر زیرا فنا فی الشیخ اولیان فنا فی الرسول و فنا فی الرسول اولیان فنا فی الله اوله ماز سلم ترقینک پایه اولی فنا فی الشیخ اولمقدر رب یسر و لاتعسر رب تمم بالخیر یا الله سعادت لرحاجی مسعود بک برادر من عودت بیورمش ایسه دعاء درویشانه مک تبلیغنه و کیلسکنز باقی السلام علیکم .

یکرمی ایکنجی مکتوب

کمال آرزو و افتقار ایله ترقب و انتظارنده بولندیغم عنایتنامه کنزه حمد اولسون واصل اولدم برنجی وایکنجی و اوچنجی سماءه ساجدین ورا کعین و قائمین بولنان ملائکۀ کرام ایله حاصل اولان مناسبت و ملاقات روحانی و باخصوص عرش الرحمانه قدر وقوع بولان صعود و ظهور ایدن جذبه

سبحانی جداً شایان تبریکدر حق تعالی حضرتلری بومثلوا عاطفت واحسانلرینی متعاقب ومتوالی بیورسون آمین . (وان لیس للانسان الاماسی) آیت جلیله سی معلوم فضیلتکزدور (دعاء الاخ لایه بظهر الغیب لایرد) حدیث شریفه باقوب مذکور آیت جلیله یه ناسخ اولدینی وارد خاطر اولسون فقیر کز بو کبی مخالفتک توفیقی زیاده جه آرزو ایتمکده اولدیغمدن عرض ایده بیلیرمکه بر دیگرینک دعوات خیریه سی جلب ایلک بر طاق خدمت و اخلاص و محبت متوقف بولندیغندن اودخی کنندی سعینک ثمره سی دیمکدر بناء علیه نائل اولدیغکز بو کبی الطاف جلیله هپ کنندی اخلاص و محبت و بزلر کبی دکر سرز بر درویشه محضاً لوجه الله اولان لطف و شفقتکزدن ناشیدر اللهم زد فزد .

یکرمی اوچنجی مکتوب

یکدیگرینی ولی و تعقیب ایدن ایکی قطعه احساننامه بلاغت علامه عارفانه لری واصل ایادی امتنان اوله رق دعوات خیریه کزی اعلای بارگاه رب منان ایلدم عالم معناده مرشد مکرم و مطاع مفضم حضرت طه قدس سره افندمک زيارت واضح الفيوضاتيله تشرف بیورلدینی اشعار اولنیوردی الحمد لله تعالی علی ذلک امراض قلبیه دوا و علل مغنویه شفا اولان و شائبه شبهه دن وارسته و مبرا بولنان بو کبی زیارتکزی شایان اولدینی قدر تبریک ایلرم مرشد حقیقی اولان شیخ مشارالیه حضرتلریله اولاد مغنویه ازلیه لری میاننده واسطه تبلیغ و مخابره بولنان بو فقیر حقیری دخی ادعیه خیریه و حسن خاتمه ایمان ایچون توجهات باطنیه دن محروم بیورما مکزى بالخاصه رجا و استرحام ایلرم مشارالیه حضرتلرینک شکل و شمائل عیناً مشاهده کزه موافق

اولدینی حالده مظنه دن بر ذاتی تعقیب ایدرکن دست معنوی ایله ممانعتده واسمکزله خطاب ایده رک کمال شفقتله آشنالقمه بولندقاری حسن قبول و فرط عنایتلرینه شمولی بدیهیدر قدم شریفاننده کی پایوشلری ایچون (بوراده دورسون) تعبیر عبیر مرشدانه لری بتکرار اورایه عودت بیوره جقلرینی مبشر بولندیغندن بو باده دخی ذات فاضلانه کزی ایکنجی تبریکه لزوم کور بیورم جناب الله جمله منی قدم مبارک لرندن آیرماسون (خیر الذکر الحفی) حدیث شریفک شرف و منزیتله قلبمزی تسریر و قبر منی توسیع و تنویر بیورسون .

یکرمی دردنجی مکتوب

۳۰ ل مایس تاریخیله محرر بر قطعه التفاتنامه مراحم علامه کزه بو دفعه دخی نائل اولدم . محویت مجسمه یی تمامیه تشکیل و تواضع مکمله یی لایقیله تعلیم ایلین اونامه دلکشا کزه مقابل جناب حقه حمد و ثنا و ذات معارف آیاتکزه خیر دعاده بولدم . حق تعالی حضرتلری محویتکزی مدار صحویت و تواضعکزی بادی رفعت و سعادت بیورسون (من تواضع الله فقد رفعه الله) حدیث شریفه مظهر ایلسون آمین طریقت علیه بهائیه نک جمله فیوضاتندن بری اوله رق خاطره موت ایله بر طاق خوف و خشیت ایچنده وجود کزک هر طرفی لرزان وقوه ذهنیه کزک پریشان بولندیی احوالک کلیاً زوال بولمده اولدینی بیان بیورمش ایدیکز . الحمد لله تعالی علی ذلک بو حال ایمان کاملک سمس تابان کبی افق جناه پرتو فشان اولدینی اشارت و بلیکده بشارتدر . قال النبی المکرّم صلی الله علیه وسلم (المؤمنون لایموتون بل ینقلون من دار

الی دار) مؤمن کامل ایچون موت یوقدر . یالکز بر نقل مکاندن عبارتدر . کذلک (القبر اما روضه من ریاض الجنة و اما حفرة من حفر النيران) حدیث شریفنه باقینجه محبت مولا و طریقت علیه مصطفویه ایله مصفا اولان اخوان باصفا ایچون قبر جنت اوله جنی و خوف و خشیتلرینه محل اولیه جنی بدیهیدر . همان حق تعالی حضرتتاری استقامت احسان بیورسون هم و همتکزنی آلایش دنیادن کلیامصرف و آسایش عقبایه تمامیه معطوف ایلسون آمین .

یکرمی بشنجی مکتوب

کستان خاطر اتکزک بردسته کلی و سنبلستان سانحاتکزک بریاکت سنبلی مقامنده اخذ و تلقی ایتدیکم مکتوب مرغوبکز پیراهن یوسف کی اذواق مغنویه می لبریز نشاط و جل جلیله کز عندلیب خوش الحان کی نشیف صناخ مباحات ایلدی . لسان عذب الیانکزدن طاملایان رشحات بلاغت و قلم مشکین رقمکزدن سیلان ایلین قطرات فصاحت اوتنه دنبری اعتقادنده بولندیغم قوه قلمیه و وسعت فکریه کزی اثبات ایچون بر حجت قاطعه قناعت اولدی . بناء علیه فوق العاده محظوظ اولدم کوستریلان محویتکزده بایلمامش اولدیغمدن طولای متشکر بولدم . صفوت نامه دلکشاکزک بخشایشی اولان شوق و شطارت و مغنویاتمه اضافه ایتمش اولدینی ذوق و حلاوت تفسیر و ترجمه اکلز برابر منق حصوله کتیدی . جناب رللله العزة جل و علا حضرتتاری سزی و بتون عائله محترمه کزی غائله زماندن مصون و قلبکزنی مواهب کونا کون ایله مشحون بیورسون آمین محترم اولادم آرزو و اشتیاقم افزون

و دأثره صبر و تحملدن بیرون ایسهده صولت سرمایه مقاومت ایده میان بو اختیار پدرکزی دیدار کزله بختبار ایتک نیازنده بولنور ایسهم و دعوتنزه اجابت ایتیمان والد ماجدکزک اثرینه تابع اولماق رجاسنه اجتناسار ایدر ایسهم نه لازمکلیز (هیچ) احوالده قدومکزنی انتظار ایتک طبیعیدر . شاه نقشبند افندمن حضرتتارینک (طریقت مادر محبت است) کلام حکمت انجانی شبهه سز ایشتمش سکز . بهار عمرکزک تر و تازه کی خزان پیری ایله تارمار اولمادن مقدم طریقت علیه نک ازهار فیوضاتیه مشام جان و جانکزنی تعطیر ایتک اخص آمال فقیرانه منددر . الهی موفق اوله سز پای مساعینک قید بندی اولان تعلق ماسودان آزاده و مطلق اوله سز آمین بحرمة طه و یس

یکرمی آلتنجی مکتوب

معروضات متقدمه فقیرانه مه متابعت و آداب طریقت علیه نک دائرة فیض باهره سنده اظهار بیورمش اولان مطاوعت عارفانه لرینی مبشر بر قطعه التفاتنامه کزه نائل اولدم و بونائلیتمی مشهود باصره افتخارم اولان الطاف و اعطاف سابقه کزه برضمیمه کریمه لاحفه تلقی ایلدم و همیشه ورد زبانم و نیازدل و جانم اولان دعای ازدیاد عمر و عافیت و کمال موفقیت منعماه لرینی بتکرار تقدیم بارگاه احدیتده بولدم مقدمات تحاقی احسان بیورمش اولان حضرت الله مقاصد معظمه فوز و فلاحی دخی سهل و آسان بیورسون صابرشا کر قوللرندن ایتسون (ولئن شکرتم لازیدنکم) سرینه مظهر بیورسون (ابرو بادومه و خورشید فلک درکارند : تا توانای یکف آری و بغفلت نخوری) ابریاغفور باد هوا جیادت مهتابی حرارت

آفتابی تسخیر ایلین و بونلرک حسن تأثیریه بنی بشرک اداره معیشت و ادامۀ عافیتی تأمین بیوران حضرت الهک لایعد ولایحصی اولان نعمتیرینی بیلوب جمله منزی وظیفۀ شکرینک ایفاسنه غیرت ایدن عباد صالحیندن بیورسون آمین بومتلاوبرولی نعمتک مائدۀ لطف واحساننی تقدیر ایتیمان نانکور قوللاردن ایتسون چونکه آیت کریمه نکه نهایتده (ولئن کفرتم ان عذابى لشدید) واردو یعنی ایهای وظیفۀ شکران ترید نعمتی موجب اولدینگی کبی کفران نعمت دخی راحت قناعت شطارت کی آسایش قلبیه نکه زوالی انتاج والنسانی معذب ایلر باقی السلام علیکم ورحمة الله وبرکاته .

یکرمی یدنجی مکتوب

مختلف تاریخلره تحریر ومتنوع لطفار وشفقتلره تبشیر بیورلمش اولان سعادتنامۀ مزاحم علامۀ کرامیلرینی وقت وزمانیه آتوب شفای زخم فراق وصفای خاطر پراشتیاق ایتش ایدم برزمان معروض اولدینم خستالکدن وبروقت محل اقامت وانتقالکزی تحدید ایتماکدن بتقدیر الله تعالی شمیدی یه دکین تقدیم تشکرنامه یه موفق اوله مامش ایدم مع مافیه سویدای قلب فقیرانه مده جایکیر اولان محبت وارواح آره سنده کی مسلم اولان صمیمیت وقرینت مدار معذرت ومستوجب تسکین وتسلیت اولمقده ایدی هذا من فضل ربی للقلب من القلب سبیل (جمله صدیحه وقضیه صحیحه سنه توفیقاً دائماً نظردن دور وخاطردن مهجور بولمدیغکز ادله مقنعه یه محتاج اولمایان حقایق بدیهیه دندر دهها طوغریسی عطاای الهیه دندر درگاه قاضی الحاجات واجابتگاه جناب محیب الدعواته شایان تقدیم وتضرع مستدعیات فقیرانه مک بریسی یاخود برنجیسی ملاقات

جسمانیه کزک تکراریدر مولام احسان بیورسون کوزیمزی اوزیمزی تکرار شادان بیورسون خندان بیورسون آمین ۲۱ ایلول سنه ۳۲۲ تاریخلی التفاتنامه ده بیان بیورلمش اولدینگی کبی عالم معناده حاصل اولان ملاقات وطوبره ایچروسنده بولان کونا کون شکرلرک معاطاندن فوق العاده محظوظ اولدم اوت سنت سنیه وشریعت مطهره محمدیه به سرمو مخالف اولیان واکبر اولیای نقشبندیه واسطه سنیله مناقشه محضه دن مصون بولان طریقه علیه خالیدییه ربط قلوب ایدن اخوان صادق البیان ایچون تبشیرات خارقه نکه وقوعی انکار اولنر اصحاب کمال ایچنده استعمال اولنان (تأمین استقبال) جمله جمیله سی دارالفنای دنیاده موقت بولان حیات مستعاره مزک اجزای متمم سنه معطوف اولسه کرکدر دور اندیش اولان ارباب نظر وحقیقت بین بولان اصحاب عقل وهنرک استقبال کله سندن مقصد معظم دارالبقاء بدیهه ووحشت خانه اخرویه اولدینگی ادنا بر مطالعه ایله تصدیق ایلنه جکی بدیهیدر . بناء علیه رشته حیاتک سیف قاطعی مقامنده بولان مرورزمان وتعاقب روزان وشبان ایچنده جای تأسف ومأوی تلهف بر ثانیه متصور ایسه اوده تأمین استقباله مدار اولان رابطه شریفه واذکار منیفه دن خالی بولان دملردن عبارتدر مولام جل وعلا حضرتلری ذات عالیکزی فقیر حقیریکزله برابر وقتلرینی غفلتله ضایع ایدوب بالاخره ندامت ایدن قوللاردن ایتسون «انا جلیس من ذکرکزی» حدیث قدسیسنه مظهر اولان صادق عبدالرینک عدداینه داخل بیورسون آمین .

یکرمی سکزنجی مکتوب

سعادتلو ضیا بک حضرتلرینه عرض وتقدیم ایتدیکم ورقاره

درویشانہ مک بر مثیلہ ذات فاضیلانہ کزی مخاطب ایتد کدنصکرہ علاوہ
افادہ اولنور کہ مشاهدہ جسمانی حقندہ اظهار بیورلمش اولان آرزوی
صادقانه لری جداً موجب محظوظیت اولدی چونکہ آرزوی مذکور دنک
قسم اعظمی فقیریکزی بیتاب ایتکده در . اوت اصلده موجود اولان
شوق و آرزو فرعدہ موجود اولانک فوقندہ بولندینی بدیدر جناب
الله شوالی و عالی اولان نقطه یه ناظر بولنان آرزولری حاصل ومدعالرینه
واصل بیورسون آمین تصدیعه منجر اولمز اعتقادیلہ بو بابدہ عرض
ایده بیلیرمکہ عرض الرحمن اولان و بومزینتله ضیای شمسک فوقندہ کی
بر ضیایه مالک بولنان قلب مؤمن ایچون مسافه قرب و بعدک اهمیتی
اولیوب هر مجملده ثابت و اخوان صادق نزدندہ ثابت ایسهده مصاحبه
جسمانیه نک دخی مزیتی اصحاب کرام و نابین عظام افندیار منک حال
وشانیله و در جاتلرینک اختلافیلہ واضح و مبرهندر فقیریکزی توجهات
باهم القیوضات اخوانه شایان ایلین مولای مستعان زلال وصالرینه دخی
ریان بیوره جفندن قطع امید ایتیم (آسمان رشک برد سوی زمینی که
درو: دوسه یازی دوسه دم بهر خدا بنشینند) بیت فارسیسی مصاحبه
جسمانیه نک علویت و مزیتی لایقیلہ تقدیر ایدیور بونک خلاصه معناسی
(کوکده کی ملنکر یروزنده جناب حقک رضاسنی قرائق ایچون یاران
طریقتهک اجتماع و محبتلرینه غبطه ایتکده بولندقلرینی بیانندن عبارتدر)
کافه اولیاء الله تعالانک حتی مقام قطیت و غوثیه ارتقا ایدن مقربینک
سرتاجی مقامنده بولنان او ایس قرنی حضرتلرینک بر ساعت اولسون
شرف صحبته نائل اولان اصحاب کرامک کعبه وارده میه جنی اثبات مدعایه
کافیدر باقی السلام علیکم .

یکرمی طقوزنجی مکتوب

معلوم عالیرلی اولدینی اوزره نخبهره نک جریانی اثبات محبتہ کافی
اوله مدینگی کبی عدم جریانی دخی محبتک فقدانده دلالت ایدمه زمیانہ مزده
موجود اولان رابطه قرابت و محبت ازلی اولدینی کبی ابدی اوله جنی
دخی ضیعیدر جهان خراب آبادک یعنی عالم کون و فسادک لازم غیرمقارنی
بولنان حوادث یومبه سندن و یکدیگرینی تعاقب ایدن غم و شادیسندن
بریمزه توجه ایدن بر حادثه نک دیکرینهده تاثیر ایلیمه چکی جای اشتباه
ذکدر نتیجه اوله رق (ارجی) امر جلیله اجابت ایدن پدر مرحومک
مفارقت ابدیه سندن متحصل تحسیر کزدن فقیر کز دخی متأثر اولدم
خوابگاه آخرتک (روضه من ریاض الجنه) شرفه مظهریتی ایچون
جناب ارحم الراحمینہ عرض نیاز ایلدم حضرت الله اجر یکزی موفور
وقتکزی معمور سعیکزی مشکور بیورسون آمین . عاقل اولانلر
منیع علم و عرفان اولان احادیث شریف نبی الرحمن حضرتلرندن هر زمان
و مکانده اقتباس قیوضات ایلیدر لر قال علیه السلام (کن فی الدنیا کأنک
غریب او عابر سبیل و عندفسک من اهل القبور) یعنی دنیاده بولندچه
بر شخص غریب و یا خود بر یولگی مثللو بولنلی حقیقتهده قبرستانده
یاتان امواتدن اولدوغنی اونوتما ملی دیمکدراوت بوو بوکامشابه احادیث
شریفه فی مطالعه ایدنار خوابگاه اخرت لرنده مطلوب اولان استراحتلرینی
تأمین خصوصنده تجویز تراخی ایتزلر و جناب حقک رضا و رحمتی
تقراتق ایچون سعی و غیرتدن کبری قالمالزلر وفقنا الله تعالی وایا کم آمین .

او توزنجی مکتوب

اولا لطائف عشره کزی جناب حقک سلامیلہ مبشر و مدینه

قلبکزی دعوات غائبانه ایله منور ایلوب ثانیاً عرض وافاده ایدرمکه.
 ل ۹ نسان تاریخیله محرر وبقای عافیت و عاطفت سامیه لریله مبشر
 بولنان برقطعه التفاتنامه لری ایادی امتثانه آلوب لسان شکران ایله
 تلاوت ایلدم حق ققیرانه مده کی مراحم علیه لرینه تشکر خوان اولدم.
 الهی موفق اوله سزدین و دنیاچه بختیار اوله سز آمین افکار عالیه لرینک
 تعالی به میال اولقله برابر کثرت اشتغالک حیلوتندن متحصل انفعال
 عارفانه کزی حق تعالی حضر تلی مدار اعتذار ایتسون بهار آرزو کزی
 غنجه آمال ایله مشکبار ایلسون آمین . شونی ده غرض ایدم بیلیمکه
 طریقت علیه ده تقیض و ترقی یالکزی اذکار و اوردک کترتنه وابسته
 اولوب اخلاص قلبیه و محبت صمیمیه نکه ده تأثیر عظیمی درکار بولندی
 اربانجه بدیدم . مشایخ کرامک بریمی (یک نظر پیر به از چل چله)
 جمله جمیله سنی علاوه نائل فیوضات اولق ایچون مرشد کمالک نظر
 انور لرینی دخی مدار تقیض و ترقی بیورمشاردر . شو قدر وارکه او
 نظری قزاق و او سایه ده مغز شریعت نائل اولق ایچون سالکک اوله
 ظاهر شریعت مطهریه کمال اطاعت و انقیادی و سنت سنی نبویه
 اتباعی شرط اتخاذ اولمشدر . زیرا معلومدر که جناب حقه اطاعت
 ایتمان و او امر شرعیه سنی نظر اعتباره المیان عاصیله هیچ بر زمان
 و مکانه حادم شریعت اولان اولیاء الهک منظور نظر عنایتی اولمز
 و اوله من بیورمشاردر . جناب حق و فیاض مطلق حضر تلی ذاتکزی
 اخلاص و محبت دائره سنک چراغی بیورسون (یوم لاینفع مال ولا
 بنون الا هن اتی الله بقلب سلیم) آیت جلیله سنه مظهر ایلسون آمین .
 باقی السلام علیکم .

اوتوز برنجی مکتوب

سرمایه سعادت و نوباده حقیقه سلامت اولان احاسن توجهات
 منعمانه لرینی ابشار و رایحه طیبه اخلاص و محبتکزی کلدسته نورسته
 کبی قوای معنویه مه انتشار ایلین احساننامه مراحم علامه لرینی ایادی
 شکرانه آلوب لسان افتخار ایله قرائت ایلدم حق مستحق درویشانه مده
 شایان بیورلمش اولان حمل جمیله و فقرات واضحه الغایات جزیه لرینی
 تکرار و تذکار ایله مستغرق دریای امتنان اولدم جناب رحیم و رحمان
 ذات عالیله سائر اخوان خالص الازمانی ایکی جهانده شادان و شجره
 اخلاص و محبت لرینی ثمره سعادت و سلامتله خندان و (یوم ترونها نذهل
 کل مرضعه عما ارضعت وتضع کل ذات حمل حملها وتری الناس سکاری
 و ما هم بسکاری ولكن عذاب الله شدید) آیت جلیله سیله بیلشم اولدیغمن
 احوال آخرتی سهل و آسان بیورسون آمین ذهنی افندی برادر منک
 دلائله نائل اولدیغمن حسن ظن عالی لرینی تبریک ایلرم قال النبی المکرم
 صلی الله علیه وسلم (من اعتقد بحجر لنفعه) معلوم سعادت لری اولدیغی
 کبی تقیض و تعالی به مدار اوله بیله جک برشی و ارسه اخلاص و محبتدر
 ابدی سعادت و سلامت شجره اخلاص و محبتک ثمره سیدر فقیر کزی
 بیلدیرن و کمال عجز و افتقار ایله برابر منظور ابرار ایلین انحق اخلاص
 و محبتدر . سادات کرام و پیران عظام افندی لریمز حقنده بسلیه بیلدیکم
 جزئی محبتدن بشقه بر سرمایه م یوقدر . جناب الله بوسایه ده فقیر حقیر ایله
 سوکیلی اخوانی و باخصوص ذات عالی کزی فیض ایتسون و دوچار
 عذاب و عقاب ایتسون آمین .

اوتوز ايكنجى مكتوب

سراسر لطف و شفقتله مصدر و پياي مهر محبتله معطر و لا هـ
شباط ٣٢١ تاريخلى محرر اولان زيبامراسله مكارم علامه فاضلانه لرى
واصل دست مسار اوله رق ادعيه خيريه لرى تقديم بارگاه جناب پروردگار
قلندى . ذره ي ذروه يه و قطره شبنمى كره سايه اعلا ايليان جناب
ذوالجلال والجلاله هزاران حمد و ثنا اولسونكه داعيكز كجى بر فقير
حقيرى و بر عاجز سراپا قصيرى منظور انظار ابراز و مظهر توجهات
اولى الابصار ايدوب قدرث كامله سنك بوصورته دخى ابراز و اظهارينه
مساعده بيورمشلردر . مولانا عجز مجسم اولان بودا عيكزى كورمش
(ومن اعتقد بحجر لفته) حديث شريفى بيلماش اولسيديكز .
اخوان كبرائمزه اسناد بيورمش اولديغكز فيض وسعادتك موردني
بولق ايچون عظيم مشكلاتده واقع اولورديكز . لكن (يفعل الله ما يشاء
ويحكم ما يريد) ايسته بوكمبى در كه سعادت دنبيه وسلامت اخرويه سنى
آرزو ايدن ذات نظير و وزيردن مستغنى اولان مانع و معطى حضرتلرينه
متوجه اولوب خلق اسبابى دخى او ذات اجل اعلان استرحام ايليدر .
حق تعالى حضرتلرى كالات ذاتيه دن خالى خلق ايتمش اولدينى بر جسد
يابسى (نى) كجى استعماله عنايت و صدامزى ايشيدن ارباب ذوق
وصفايى سرمست باده وحدت و محبت بيورسون . ذات عاليكزى دخى
خالقه اخوت و حديقۀ طريقمزك زيب و زينتى ايلسون آمين بحرمه
طسه و يس . مولانا (من قال انا عالم فهو جاهل) حديث شريفى
بيليرسكز . اخلاق حميده و اوصاف پسنديده نك جمله سى جناب قادر
يچونك بروديعه سى اولدينى حاليه علم كجى ارشاد كجى فضائل كندى شخصه

اسنادى قوللرك جهالت و خيانتنه دلاتدن بشقه برمعنايى افاده ايدم .
مولام بومثللو جهالتك شر و شئامندن جمله مزى محفوظ بيورسون .
هوا و هوسه اسارتله سعادت اخرويه دن محروم بيورمسون آمين .

اوتوز اوچنجى مكتوب

٢٥ نيسان ٣٢١ تاريخيله احسان بيورمش اولان التفاتنامه كز
واصل دست امتنان اوله رق شادان و خندان اولدم . الهى دنيا ده شادان
و عقبا ده خندان اوله سكر . مشاغل دنويه دن حاصل اولان آغز لقند
شكايت بيورمش ايديكز طوغريدر . برلسان معامله دنويه دن ناشى غافل
بر قلب ايله اولديكى حالده آخرتده كجى آغزلى ده زيا ده در . حفظنا الله
تعالى و ايا كم اميد ايدم كه آيات واحاديث شريفه نى تماميله تصديق ايدن
ذات عارفانه لرى ايچنده بولنديغكز اغلب اوقا تى ذكر قليدن و يا خود
رابطه شريفه دن غافل براقز سكر . امته نفيسه ايمان ايله طولو اولان قلب
اوطه كزى بكجى نظارتندن خالى ايتز سكر . باخصوص آتشف جاتمش
اولان بر عمر دن صكره انسان سفر آخرت ايچون تدار كده بولمليدر .
كنديسى اهل و عياله و يا خود تكثير امواله فدا ايتمه مليدر . « سرمايه
تودراين جهان يك كفن است : آن هم بكماتم كه برى يانبرى » قال
عليه السلام « اقل امتى ابناء السبعين » يعنى امتدن يتمش سنه ياشايان
قيليدر .

بناء عليه قسمت ازليه روى رضا كوستروب فيما بعد حلولى
تقرب ايدن سفر آخرت ايچون حاضر اولملى ز . دائما آخرتى و عالم
موتى تفكر ايتمليز . صله رحمتى ايفسا خصوصنده ماذونسكز
هر زده اولورسه كز بزمه اولوكز موفق اوله سز آمين . قال عليه السلام

(اکثروا ذکر الموت) حدیث شریفه اعتماداً طول امل، حرص مال وجاه، حسد، کبر و امثالی مثلوا امراض باطنیه بی تدای خصوصند تفکر موتک ویره جکی فوائدک پک عظیم اولدیننی امام غزالی علیه رحمة الباری حضرتلری لسان تقدیرایله بیان بیورمشلردر. مولام موفق بیورسون آمین .

اوتوز دردنجی مکتوب

۱۳۰۵ ایلول ۲۲۰ تاریخیه محرراولان ایکی قطعه التفاتنامه کیزی آلوب مطالعه سیله دلشاد اولدم . الهی دلشاد اوله سر . کچن هفته طشرده بولندینمندن جواب یازدمدم عفو کزی استرحام ایلم . فضیلتلو خواجه یکتا افندی ایله سائر اخوان کرامه واقع اولان زیارتکزدن بمنون اولدم . جمله کزک صحت و عافیتی بشارتندن حق تعالی حضرتلرینه تشکر ایلدم . اصحاب سیئاتک بر ساعت اول مماتی مصلحت اولدیننی کبی ارباب سعادتک دخی بر دقیقه حیاتی منفعتدر . جناب حقل ذکر و فکر یله احیا اولنان وقتلر مصلحت عامه بی انتاج ایده جکندن اخوان طریقتک صحت و عافیت و کمال موفقیتی ایچون دعا ایلمک الزم بولندینندن ماذام الحیات بو وظیفه نظیفه نک اجراسنی التزام ایلیه حکم طبعیدر . مولام جمله کزی و جمله منری موافق بیورسون شرف ملاقاتدن محروم بیورمسون .

پروانه کبی ضیای معنویه کزک اطرافنده بولنان و برثانیه آیرماسنی آرزو ایتمیان روحانیت مشتاقانه مزک عالم معاده فضیلتلو حاجی حسین افندی حضرتلری طرفندن مشاهده وذات عالیکزه اخبار بیورلدیننی و اخیراً پیش چشمان توجه فشانکزه دخی اثبات وجوده موفق بولنمش اولدیننی

تبشیر بیورمش ایدیکز . زهی بختیاری . روحانیتک بو کبی احراز موفقیتی شایان تبریک اولدیننی بدیهیدر . یالکز جسمانیتک حسدنن و یاخود غبطه سندن بردرلو یاقه بی قورتازامیور جناب حق و فیاض مطلق حضرتلری روحانیه احسان بیورمش اولدیننی زیارتی جسمانیه ده احسان بیورسون اویجاره بی دخی اعلاء مقاصدینه نائل ایلسون آمین .

اوتوز بشنجی مکتوب

شجره طریقتک عندلیب خوش الجانی و کنگره حقیقتک خطیب فیض افشانی اولان بربرادر معارف پرورک لسان معجز بیانیه تقریر و قلم مشکین رقیله تحریر بیوریلان و پیراهن یوسف کی مشام جانی تعطیر ایلان التفاتنامه کزک سوادی کوزلری بی تنویر بیاضی ایسه خاطری بی تسریر ایلدی . سیاق و سباقندن لایح و فایح اولان یکی بر اخلاص و محبت حقیقی بر لطف و شفقت حواص معنویه می تحریر بکمدار اولدیه ده طرفکزدن وضع ایدیلن امضایه سبب کاتب مومی الیهک هویتی باینده برقرار قطعی و یردمدم قلت اقتدار ایله کثرت افتقار می بیلدیکز حالده بوذات نادره الصفاتی فقیره تعریف ایتلی ایدیکز . شمدی بوذات کیم بیلیر سزدن نه مدحدر ایشتمش نه ثنلر دیکله مش و حق فقیرانه مزده نه عالی نیتلر بسله مش و مکتوبک جوابنده نه اشارتار بکله مش هیات هیات . فقیریکز حالا اصل ایمانک اگالنه چالیشیورم . بوکله توحیدی طوغری و درست سویلکه آلیشیورم . چونکه جناب حقل غیریسی بر مطلوب و لسان صوفیه ده برضمن قلبده موجود بولند قجه لاله الا الله سویلک مشکل و معناً شایان قبول و وسیله وصول اولاجنی

مشکو کدر مع مافیه خیر دعای بو ذات عالیجنابه تبلیغ بیوریکز. جناب حق کنیدیسی مطلوب حقیقیسنه نائل بیورسون آمین .

اوتوز آلتنجی مکتوب

حق جل و علا حضر تلی کلام قدیم وقرآن واجب التعظیمده
« وهو معکم این ما کنتم » بیورمشدر یعنی هر زرده اولسه کز الله
سزگله در احوال خصوصیه کزه واقفدر حاضر در ناظر در دیمکدر بو
ایت جلیله قلباً ، قولاً ، فعلاً ، حالاً ایمان واعتقاد ایدن قوللر ترفیع
درجات وجنان عالیات ایله مبشر اولدقلری کبی دار دنیاده دخی فواید
عظیمه سنه نائل اوله جقلری حدیث شریف ایله ثابت ومبرهندر قال
علیه السلام « ان الله تعالی یعطی الدنیا علی نية الاخرة » لکن بو آیت شریفه نك
تصدیقی لسانه حصر ایدن جسور جاهلر یا خود استار نسیان آلتنده
پوشیده طوتان غافلر ده طوغریسی موجب طعن وتشنیع اولان بر
فعل منکری اجزاده زید وعمرک مشاهده سندن صیقلوب حذر ایدنلر
لکن جناب حقک حاضر وناظر بولندیغی بر حقیقته التفات ایتیلر روز
جزاده ، محکمه کبراده ، اوعانی اولان استنطاق اخراجه نه یولده جواب
ویره جکلری جدأ جای تأملدر مالک المملک وملکوت حضر تلی قوللرینه
خطاباً عتاباً یا عبدی سنک حیات ومماتک اقبال وادبارک وسعت وضیقتک ،
صحت وعافیتک الحاصل هر بر نفسک نیم یدقدرتمده اولدیغی حالده نبی
ایتمش اولدیغیم بر فعل منکری نه جسارتله یاپدک دشمن سعادتک اولان
شیطان لعینه اطاعته نه فطانتله مبادرت ایلدک یا عبدی نبی کورمزمی
بیلزمی ظن ایتدک ویا خود کندک کبی بر عبد عاجزه قارشو لارم

کور دیکک حیا وحرمتی بکا قارشولزومسزمی اعتقاد ایلدک بیوره جنی
هنکامده عجباً نه کبی بر جواب تدارک اولنه جقدر هانکی بر فیلسوفک
فرط ذکاسندن هانکی بر آوو قاتک کثرت معلوماتدن استفاده ایدیه جکدر
هیاهات هیاهات شونیده علاوه ایدلم که انشای محاوره ده جرم وخطالری
اعتراف ایله برابر افعال معاتبه دن قورتارمق ایچون « الله غفوردر »
سویلین بر طاقم لا ابالیلر محقق بیلسونلر که کندیلرینی آلداتمش اولورلر
زیرا آیت کریمه ده « وان لغفار لمن تاب... » بیورلمشدر مناهی ومعاصیده
مصر اولانلر حقننده بویه بر بشارت صادر اولدیغی شویله طورسون
بالعکس نص جلیل قرآنیده « ولا یغرنکم بالله الغرور » یعنی ای بنم
قوللرم شیطان سزی بنم عفو ومنقرتمله اغفال ایتسون بیورمشلر در
امام غزالی علیه رحمة الباری حضر تلرینک بومقامده سردایتمش اولدیغی
بر حکمت بالغه بی بر حقیقت مجسمه بی صیره سی ککش ایکن عرض ابدیم
شویله که حق تعالی حضر تلرینک اسما وصفاته اعتقاد ایتک هر بر مؤمن
ایچون فرض عیندر لکن برینی برندن تفریق ایتماک دخی شرطدر
مثلاً غفار اسمنه متوکلاً عمل وعبادت مجبوریتنی لزومسز کورنلر رزاق
اسمنده متوکلاً معیشت دنیویه لرینی تأمین خصوصنده سعی وعملی زائد
کورمیلدرلر برینه اعتقاد ایدوب دیکرینه اعتماد ایتمه مک منطقاً حکمتاً
شایان اعتبار اولاماز شرعاً عقلاً عقیده صحیحیه اقراران ایلیه مازهان
جناب واجب الوجود جمله مزه بر عقل کامل احسان بیورسون محقق الوقوع
اولان سفر آخرتلیغی اونو تمق ایسته یلردن ورساعت بقاسی مجهول
اولان حیات دنیایی محبوب و معشوق اتحاد ایلین معاشر طقلا نه دن
معدود بیورسون آمین .

اوتوز یدنبجی مکتوب

کوزلریکیزی اوپر وبتکرار لطائف عشره علیه کزی جناب جناب حقک سلامیه مبشرایدر و تقدیر و تقدیسی قوه بشریه مک خارجده بولنان التفاتنامه کزک برکوشه سنده ایراد بیوریلان سبؤالک جوابی سویلر وما حضر فی الذهن داعیانهمی عرض و تقدیمه مجاسرت ایلمرم. انسان آب و آتش خاک و باد نفس ایله قلب و روح و سروخنی و اخلا کبی لطائف عشره دن مرکب اولوب حمسه سابقه یه عالم خلق و حمسه لاحقیه عالم امرا طلاق اولمش و نفس خلقتاً عالم خلقک امتزاجندن متحصل بر بخار ظلمانی ایسه ده نسبتاً عالم امره تابع طویلیمشدر. عالم خلق فرائض جسمانیه ایله مکلف اولدینی کبی عالم امردخی نوافل سنیه ایله موظفدر. خشوع حضور محبت معیت قربیت کبی برچوق مزیات بشریه یی حائز اولان عالم امردر. (لایزال عبدی یتقرب الی بالنوافل حتی احبه) حدیث شریفی دخی بومعنایه اشارتدر. اماره بالسوء اولان نفس اجزای انسانیه نک اک مذمومی اولدینی حالده نوافل سایه سنده وجودک اک ممدوحی اوله جنی مرویدر. قال النبی صلی الله علیه وسلم (خيارکم فی الجاهلیه خيارکم فی الاسلام اذا فقهوا) بنابرین لا یحمل عطایا الملك الامطایاه قاعده قویه سنه استناداً جناب حقک تکلیف بیورمش اولدینی طاعات و عباداتی اقتدار ایچون هر حالده مراحم جلیله التبییه و توفیقات باهر الفیوضات صمدانییه درکار اولان احتیاجز ظاهر و یا هر در. ادای فرائض و نوافله وابسته اولان و سعادت دنیویه و اخروییه جامع بولنان رضای میامن احتوائ حضرت مولانی قزاق ایچون دائماً اخوان کرامک خفت ظاهر و صفوت باطنی

استرحام ایدر و مشاغل متکثره دنیویه ایله وجوده عارض اولان بطائتک دفعی باینده جناب حقه تضرع و نیاز ایلمرم.

اوتوز سکر زنجی مکتوب

برخیلی زمان انتظار فقیرانه و یا خود اشتیاق پدرانده نصکره لطف و احسان بیورلمش اولان عنایتنامه فاضلانله لری مرثده عافیت کزی مبشر بولندیغندن کال نشاط ایله تلاوت ایلدم مولام حضرتلری عافیت مادیه و معنویه کزی لازم غیر مفارق و سعادت ابدیه یی آغوش اخلاص و محبت کزله معائنق بیورسون قلب کزی خانه محبت و لانه مهر و مودت ایلسون آمین هر صباح جامع کیرده جماعت اخوان ایله برابر جهراً ذکره و ختم شریفه دوام اولندیغنی تبشیر ایتمش ایدیکز فوق العاده محظوظ اولدم قال تعالی (لئن شکرتم لازیدنکم) معلوم فاضلانله لری اولدینی اوزره شکر (یاربی شا کرم) دیمک دکلدر بلکه (صرف العبد جمیع ما انعم الله الیه لما خلق له) معناسنه کلشدر و اک مقبولی ایسه ساری اولان یعنی اخوان دینی مستفید ایلمن عبادتن عبارتدر قال علیه السلام (الدال علی الخیر کفاعله) و قال علیه السلام (من سن سنة حسنة الى اخر الحدیث) اوراده بولنان اخوان کرام ایله هر نه قدر ملاقات حاصل اولمیدسه ده لکن جمله سنه تسلیات فقیرانه مک تبلیغ بیورلمسی مثنادر جناب حق و فیاض مطلق جمله سنی نفس اوزرنه فائق و جمال با کالنه عاشق صادق قلر عدادینه داخل بیورسون و اوسایه ده سفر آخرت لری حشر لری حسابر لری سهل و آسان ایلسون شونی ده افاده ایده لم که جناب حقک جمال با کالنه ادعای عشق و محبت ایمان هان یوق کبی ایسه ده فعلاً اثباتی متعسر در و برخیلی

کسه لر بو خصوصه کندیلرینی آلداتمش اولیور برانسان محبتک معناسی
او کریمک ایسترسه مال و ولده قارشو اولان معامله سندن او کریملیدر که
اکثر اوقات آتک فکر و خیالیه صرف ایدیور خاطرندن چیقارده میور
هر درلو فدا کارلده بولیور و هر براسبابه توسل ایلور و تحصیل یولنده
راحتی حضورینی سلب ایدیور ایشته محبت بویه اولمیدر لکن قسم
اعظمی خالق عظیم حضر تارینه اولمیدر که باقیدر معطیدر راز قیدر مر بیسیدر
(وان تعدوا نعمة الله لا تحصوها) ماسوايه ویریلن امک ضایعدر بعضاً
مضر در اقل مایکون فانیدر سریع الزوالدر. وفقنا الله تعالی وایا کم آمین
بحرمة طه ویس .

اوتوز مکتوبونجی مکتوب

شریعت مطهره خصوصنده کی تأمیناتی مشعر بولان او چنجی التفات
نامه کزدن فوق العاده محظوظ اولدم اخص آمالم وزبده افکارم اولان
موفقیت کامله لری حقنده دعوات خالصانه می تکرار ایلدم مقدمات
نجاتی احسان بیورمش اولان جناب رحیم ورحمان مقاصد معظمه فوز
وفلاحی دخی سهل و آسان بیورسون جمله منی شا کر الاحسان قوللرندن
ایتسون (ولئن شکرتم لازیدنکم) سرینه مظهر ایتسون آمین شوم مقامده
شیخ سعدی حضر تارینک بریتی خاطریمه کلدی شویه که ! ابرو بادومه
و خورشید و فلک در کارند : (تاتونانی بکف آری و بغفلت نخوری) بوبیتک
خلاصه مالی شو صورته تلقی اولمیدر یعنی طراوت آب لطافت هوا
برودت قمر حرارت شمس کی انوار غلویه و اجرام فلکیه می سکامطیع
و مسخر و بوضو رته اداره معیشت و ادامه عافیتلر تأمین و مقدر بیوران

حضرت اللهک لطف و احسانتی و تعدادی ناقابل اولان انعام بی پایانی دائماً
تفکر ایدوب اطاعت و تشکرندن غفلت اولمسون که اودخی ایکی جهانده کی
نعمت لرینی مزدا دیورسون معلوم عالیلری اولدینی اوزره شیخ مشارالیه
سهل ممتنع قیلندن اولان بوییتی الله ایچون کوزل سوبله مشدر زیر
دنیا ده هانکی ولی نعمت تصور اولنور که اعضا و جوار حمزی صحت
و عافیتمزنی نان و نعمتمزنی مولا مزنی کی یوقدن وار ایتسون ویرسون
هانکی بر آمره تصادف اولنور که ولور برفرک فوقنده کی اون باشی اولسون
دفعات ایله امرینه اطاعت ایمان برفرینی جزاسز بر اقسون عفو ایتسون
غفار اولدینی کی قهار اولان ذات اجل و اعلانک زیر اداره سنده
بولیورز اجزای ممالک سنده باریندورز هر کون مائده انعامنده مرزوق
اولیورز عقلاً عرفاناً و جداناً هر احواله قارشو امرینه اطاعت و وظیفه
عبودیتی ایفایه غیرت ایتلی بز فردای قیامتده نه اولور نه اولماز رب یسر
ولا تعسر باقی السلام علیکم .

قرقنجی مکتوب

التفاتنامه کز واصل اولدی حدسز و حسابسز مسرور اولدم ذهنی
افندی برادر مزک جریان مخابریده دائر اولان تشریفاتی بر طاقم ادله
مقعه ایله شایان قبول بیورلمش اولدینی حالدیه بوبابده فقیر کز دخی
بر قاچ مقدمه ایله تصدیقه مجاسرت ایدرسم فائده دن خالی اوله میه جنفی شبهه
سزدر شویه که (١) (ولا تیکونوا کالذین نسوا الله فانسهم انفسهم اولئک هم
الفا سقون) آیت جلیله سی ایحاجه جناب الله ذکر و فکر دن خالی اولان
مؤمنلری فاسق کله سیله تعبیر بیوریور (٢) طرائق علیه نک هر هانکی سنده
اولور سه اولسون ذکر و فکر ایله سالک اولمق ایسته بن بر مؤمن او طریقک

آشناسی اولمديغندن هر حالده بر دليل راهه ونفس وشيطان کي اشقيادن
محافظه ايجون بر ظهير صاحب انتباهه محتاجدر قال تبارك وتعالى
(وكونوا مع الصادقين) (۳) معيت مرشدك بر قسمي جسماني اولديني کي
بر قسمي دخی روحانيدر که بونی رابطه شريفه تفسير ایده بيلير رابطه
ایسه قلت و کثرتي یعنی ضعف وقوتی محبتك قلت و کثرتنه تابع
بولنه جغندن محبت تزايديتديکي نسبتده رابطهك دخی قوتی ترايد ايدر
رابطه افتقاريني بيلن اخيار ايجون محبت مرشدکي دابروی خوشکوار
بولنه من بوعلا حک تأثيرنه مانع برشي وارایسه اودخی برهنه ناسنده کي
عدم رعایتدن عارتدر که بونک برنجیسی خلاف شریعت ایکنجیسی اسراف
قینلندن بولنان بر طاقم زیب و زینته محبت اوججیسی اهل عقلت وقسوته
الفت ومصاحبت اللمکدر جناب الله فقیر حقیر ايله بالجمله اخوان کرامی
مفساد مادیه ومعنویه دنیو به دن مصون ومقاصد معظمه اخرویه به نائل
ومقرون بیورسون آمین .

قرق برنجی مکتوب

اخوان طریقتك حق نامستحق فقیرانه مده بسله مش اولدقلری
حسن مرحمته مقابل هر نه قدر تشکر ایتسم آذرر . جارحه افتراق ايله
مجروح بولنان قلب درویشانه مزه مدار تسبیت اولمق اوزره کمال
اذواق ايله ارزان و کمال اشفاق ايله احسان بیورمش اولدیغکنز مراسله
نصف المواصله بی دست شکرانه آلوب عیون امتنان ايله قرائت و حق عالیگزده
دعای درویشانه می تقدیم بارگاه اجابت ایلدم . جناب الله جل جلاله
حضرتلری مدینه قلبکیزی کندی محبت وذ کريله منور و محبت

ماسوادن خالص ومطهر بیورسون آمین . قال تبارك وتعالى (ما جعل
الله لرجل من قلبین فی جوفه) یعنی جناب الله بری محبت مولا و دیگرى
محبت ماسوايه مخصوص اولمق اوزره ایکی قلب ویرمأمشدر . لانه محبت
اولان خانه قلب بردر . هر هانکیسینه ربط اولنورایسه دیگرى اهمیتدن
ساقط اوله جقدر . بناء علیه طریقه علیه ايله عامل اولان مؤمن کاملک
مشاغل کثیره دد بيله قلباً جناب حقتك ذ کريله مشغول بولنملری ايجاب
ايدر . وفقنا الله تعالى وایاکم فی تحصیل رضائه والرضاء بقدره وقضائه
آمین . معلوم عالیلری اولدینی کي حقیقت دایما ظاهر ایسه ده دنیانک
محبت و کثرت مشغولیتی سائقه سیله قلب اوزرینه واقع اولان کشفات
انسانی مشاهد حقایقیتدن بر درجه محروم ایدیور . یوقسه مانع ومعطى ،
نافع وضار ، محي وممیت ، ستار العیوب ، غفار الذنوب یالکیز جناب
خالق اولدینی حالده بشقه برشیئه محبت و ربط قلب ایلک اصلاً جائز
اوله ماز . انبیای عظام و اولیای کرام مال و ولد کي بر شیئه اظهار
محبت ایتش ایسلر مالی تحصیل رضای ربانی یولنده صرف و ولدی
امت محمددن بر فردك ازدیادی و صدقه جاریه اولمق مقصدی اوزرینه
ایتمشدر . بیلدیکنز کي جان و کواکدن محبت ایتما مشلر قبللری
یالکیز محبت الله ، ذ کر الله ايله منور ومستریح بیورمشلردر . شمدی
دخی بر انسان (ظاهر باخلق باطن باحق) اولور ایسه عین موفقیته
مظهر اوله جنی طبعیدر . مولام بزى وسزى مجلس ذ کرینه قبول
بیورسون محبت ماسوايه مبتلا اولانلر کي درگاه قریبتدن تبعید
بیورر مسون آمین والسلام علیکم .

قرق ایکنجی مکتوب

شیوه گفتاریکیزی آکدیرر و لصف مواصله کز مقامنه قائم اوله بیلن .

لطیف ، نظیف ، شریف اولان برقطه مراسله جوابیه کزی یدافتخاره آلم او قودم آکلادم آتش فراقه مدار تسلیت و دعوات، خیریه می ازبار رفع بارگاه احدیت ایلدم مظنه دن برذات ایله کوروشدیککیزی و بوزمانده مرشدک عدم وجودینه اولان قناعتکزی و یالکیز بوفقی حقیق حقیقه درکار اولان حسین ظنکیزی بیان بیورمش ایدیکز . معلوم اوله که ارباب عرفان و اصحاب فضل و کمالی فضل کمال ایله اقناع ایلک متعسر در حق داعیانه مده رایکان بیوریلان رقت ، شفقت ، مرحمت ، عنایت یالکیز برعجز و فتورک برمشاهده قصورک ثمره سیدر که جناب حق بو عبد عاجزینه احسان بیورمشدر .

اله دوشمن سنک فضل و هنرله دامن لطفک ! سنی عجز ایله تسخیر ایلکدن بشقه صورت یوق؟ بیتنک مفاد نجه داعیلری کرک ذات عارفانه کزه و کرک کوروشدیککیزی ذاتی ثنائیدن ره خطا اسناد ایدم هم هرا یکی طرفه دخی حق و یرمک ایسترم وار اوله سنر ثمره اخلاص و محبتکیزله کامکار اوله سنر طریقت علیه ده سیر سلوک ایله مقام نفسی طی و خالق حی لازاله تقرب ایچون اک درین بر نقطه ده بسله دیککیزی نیت و آرزوی ملاقاتی ییلدیکم حالده جلوئه الهیه نک کو سترمش اولدینی دوری صورتیه بر آرز ده صبر و تحمل ایلک لازمدر . اوراد و ازکار کرک قلیل اولدینی یلیورم (واذکر ربک فی نفسک) آیت جلیله سی اقتضا نجه مقام نفسده دخی اسم جلالی ذکر ایدیکز . شویله که : نفس ناصیه ده یعنی سجده محملده اولوب بر لطیفه ظلمانی در فکر آ قلبی ذا کر ایتدیککیزی کبی لطیفه نفسی دخی اوصورتله ذا کر ایدیکز صانکه نفس ناصیه ده الله بر در سو یلیور و بونک ایچون بر عدد معین یوقدر ایسته دیککیزی قدر سو یلیه بیلیر سکن انشا الله تعالی محفوظ اولور سکن نه زمان آرزو وینور یا پر سه

قلب ایله دمه مشغول اولمق ممکندر . زیرا قلبدن صو کرده کزی نفس و یرمک سالکانک بعضیلری حقنده تجویز اولمشدر . فقیر کزدخی زمان ملاقاته قدر خیر دعادن غافل اولمام باقی جناب الله امانت اوله سنر افندمن .

قرق اوچنجی مکتوب

عریضه درویشانه مدر .

اظهار در در فراق و افشای کالای اشتیاق ایچون وسائط افاده شدت احتیاج اولمقله برابر وادی حرمان و حیرتده پویان اولدیم بر زمانده . وصف الحال فقیرانه می مشعر و اقضای آلام اولان صحت عاقبت عالی برینی مبشر برقطه التفات و اشتیاق نامه نامیلرئی آبادی مسرتة الوب عیون افتخار ایله قرائت ایلدم . جزا کم الله تعالی خیر الجزاء سردوبیان اولنان حقایق باجمله احوال داعیانه می ترجمه ایدیسوردی اعتراض قبول ایتمز قلم مشکین رفیکزه باعث اولمسیدی فقیرده موجود اولان اشتیاق بوندن زیاده در سوزینی سو یلیه بیلیر ایدم لکن بیان تشکر دن باشقه برشی افاده ایدم جناب حق آب کوثرله مکافات بیورسون آمین مشاهده بیوریلان رؤیای صالحه پک ربعا بر ماده در سودن ایدم در حمد اولسون . کمال ایمان ایچون بر بشارته موفق اولمشکیز . شوق در وار که فبا بعد اوقات مبارکه و مخصوصه ده بکر می درت ساعت ظرفنده بر قاچ دفعه قلبی بر حناق هیستنده تصور ایدوب جناب حق انوار و فوضاتی ایچون معروض و متوجه بیوریکز ذکر اتمه یکز بومراقبه اخدی ذکره بدل ایدیکز سکون و بلاذ کر متفکیز اولکیز و ایسته دیککیزی قدر دوام و تعقیب ایدیکز قلب جانب فوقه متوجه اولسون چونکه نزول رحمت فوقه اولان

عشرش جهندن اولور یوقسه جناب حق جهادن مزهدر عالم معناده
تشوونماده اولان کهر بابو مراقبه اشارتدر اوقات سائرده دخی ذکر
ایده بیلیر سکز فقط بو مراقبه ذکرک فوقنده در باقی هر حال و کارده
سزنی جناب حقه امانت ویرم عزیزم .

قرق دردنجی مکتوب

ذات عالیری کبی بر ذات فاضلک دها طوغریسی بر فرد کاملک
زالال وصالیه ریان و انوار جمالیه شادان و خندان اولمش اولان فقیر
حقیر کز مهجور رنجور کز پنجه فراقه دوچار و بازوی هجرانه گرفتار
اوله لی مولانا حضر تلرینک .

بشنو ازنی چون حکایت می کند : واز جدا یها شکایت می کند
کز نیستان تامرا بریده اند : از نفیرم مرد وزن تالید اند

ابیات شریفه سی وصف الحال درویشانم اولدینی ادعاسنده بولنسم
روادر. اولدقجه بادی تسلیت و دنیا ده بولندقجه بادی تهنت اولان
بقای صحت و عافیت فاضلانه لرینک استشارینه وسیله جو ایکن اوتهدن
برو کاشانه بهجتی تنویر ایدن عنایتکزک دوامنی شامل و آشیانه
مسرتمی تطیر ایلین لطف و شفقتکزک ثباتی مشتمل حافظ مصطفی
افندی برادر مزک قلم مشکین رقیله یازلمش اولان بر قطعه کرنامه
صحت علامه لرینی قاچ کون مقدم ایادی شکرانه آلوب عیون محمدتله
مطالعه و لسان افتخار ایله قرائت ایلدم . الحمد لله تعالی علی ذلک جناب
الله جسمانی تکزنی ذروء سعادت و سلامته مقرر و روحانیتکزنی
حلقه اذکارنده منور و موقر بیورسون آمین . فقیر کزدخی حمد اولسون

عائله ایله برابر دائره صحت و مرکز سلامته مقرر بولندیغمی متشکراً
افاده و بالخاصه دعوات مرجوة الاجابتکزنی استرحام ایلرم .
طریق فقیرانه مزک بر رفیق شفیق و بر سالک کما هو بلیق اولوق
اوزره ایجاب ایدن وظیفه نک بیانی باینده سبق ایدن امر و آرزوی
فاضلانهرینی حافظ مصطفی ندی واسطه سیله تلقی ایلدم باقی السلام علیکم .

قرق بشنجی مکتوب

صحت و عافیت علیه لریله احوال صوریه و مغنوبه لرینک استتبا
و استبشاری خصوصنده تقدیمه موفق اولدیغم عریضه فقیرانه مه جواباً
اسطار بیوریان نامه نامی کرامیلری واصل انامل مسار اوله رق دعوات
خبریه لری ازار اجابتکاه جناب پروردگار قلندی . بیسان بیوریان
وقایع موقت بولوندینی حالده جالب رقت اولدینی دخی شبهه سزدر .
مولانا خالد قدس سره الماجد حضرتلری ذاتکز کبی سویلین برجانه
جواباً و صواباً :

دأب ارباب نخت نبود آسایش : لذت عاشق دل سوخته اندرالم است

ودها بوکا نمائل برقاچ بیت ایله مقابله بیورمشلردر . فقیر کز
بوکا علاوه شونی عرض ایلرم که انسان ایچون قوس قضادن آتیلان
تبری مدافعه باینده رضا کبی بر تحصنکاه بولنه مز . لکن بویه بر حصن
حصینی الله ایتمک قولای دکدر . شبهه سز بر الطاف عمومیه و بر تعطفات
عظیمة رحیمانهیه متوقفدر . بونی ده قولای ظن ایتیم علی التحقیق
بر وسیلهیه متوقفدر . قال الله تعالی (وابتغوا الیه الوسیلة) وسیله ایله
کمال محبت دوام رابطهیه وابسته در . (یا ایها الذین آمنوا اصبروا وصابروا

و رابطوا و اتقوا الله لعلکم تفلحون) آیت کریمه سنی بو مقامده استعمال ایدرسم علماء ظاهر طرفندن تخطئه اولنما مییم چونکه (ان للقرآن ظهراً و بطناً و بطنه بطناً الی سبعة ابطن) کبی احادیث شریفه دائره تفسیری توسیع بیورمشلردر . بناءً علیه وسیله اتخاذ بیورمش اولدیغکنز کسینه نك محبته کر میت و رابطه سینه مواظبت و بو وسیله ایله سلسله اولیاء الله مواصبت و هر محله حضور می ممکن اولان روحانیت شریفه لریله مواصبت بیورمکنزی و شئونات کونییه دن مصون اولیان بنی بشره توجهی ملحوظ اولان بالجمله آفات ارضیه و سماویه دن محفوظ بیورلمکنزی مجدد عرض وجداً آرزو ایدرم . باقی حفظکم الله تعالی بحرمه طه و یس .

قرق یدنیجی مکتوب

مشرق افکار کزدن طلوع ایدن پارلاق برجه لیه شامل بولنان التفاتنامه مخالفت علامه کزه بودغه دخی نائل اولوب تکرار تکرار مطالعه لازمکن دعوات خیریه کزی تذکار ایلدم او قودقه کندی کندی طعن و تشنیع ایده رک قوت و قدرتم وار ایکن نیچون بویله بر مرید اوله مدیغمه خیلی متأسف بولدم . کنجلك زماننده بویله بر مرید اولسه یدم شو اختیار لقمده محقق کامل بر شیخ اولوردم یعنی شیخ اولدیغمه قناعت حاصل ایدردم بویله یأس ایچنده بولنمزدم چونکه شیمدیکی مشیختم یالکنز اخوان کرامک بر حسن ظنی اوزرینه دوران ایدیور اوندن محروم اولورسم ارایرده برشی قالمیجغه امنیت برکالدر ای برادر نیکو سیر کیجه لری قالقبوب سنایه نظر ایدرکن طلوع ایدن ییلدیز لری سیما ی فقیرانه مه تشبیه ایتمک وجهنده بویله اولورسم تیک کزدن

آیرلماق ایچون جناب حقه تضرع ایتمک و فقیر کزله بولندیکنز تقدیرده جهنم دکل کل و کستان اوله جنفی محقق بیلیمک و بوکا مشابه اولان بر چوق حقیقت لری زه دن بولدیکنز . بوچیچک لری هانکی بر باغ ایرمدن طویلا دیکنز طوغریسنی سویله بو فکر لره ارن وارنار کوینده ظفر یاب اولدیکنز می؟ مشامکنزی اورال رک کلدر یله تعطیر ایتدیکنز می؟ و بودسته کلی اوباغک محصولدن اربیله کوندرمدیکنز می . (قولوا الحق ولو علی انفسکم) اوباغک صاحبنه بر چوق عرض تشکر ، اوباغک حامیسنه عرض تیخات ایلرم ، او باغک و او باغیانک دوامی ایچون ایدیلان دعا لری جناب حق شایان قبول ایلسون آمین . باقی السلام علیکم ورحمة الله و برکاته .

قرق یدنیجی مکتوب

مدار تسلیت و مستلزم تحمدت اولان و دوام عافیت و کمال عاطفت کزی مبشر بولنان التفاتنامه اخلاص علامه عالیکنزی آلوب مطالعه کذار عیون مباهات ایلدم اخلاص و محبت کزه شبهم اولمدینی کبی مصالح فقیرانه مزک ترویجی یاننده درکار اولان اهلیت و قابلیت کزده بر دیه حکم یوقدر . جناب حق سزی و ارایتسون بر خوردار ایتسون معلوم عالیکنز اولمدینی کبی الطاف عظیمه صمدانیه و اعطاف کریمه سبجانییه نائل اولمق ایچون اخلاص و محبت کبی بوسیله و خدمت فقرا کبی برفضیه تصور اولنه مز . اولیای بنام و حضرات فخام صره سنده بر موقع ممتازی احراز ایتش اولان عید الله الاحرار ی قدس الله تعالی سره السامی حضرت لری (اولیاء اللهک هربری بر طریق ایله جناب حقه واصل اولمشدر بن ایسه خدمت فقرا یولنده وصول بولشم) دیو فرمان بیورمشلردر .

الله تعالیٰ حضرت تباری سز برادر مرزی دخی مشارالیه افند مزك توجهاته
مظهر واحسان عالی فقرا نوازیلرندن بهره ور بیورسون آمین ملت
اسلامیه و امت محمدیه نك فوائد مادیه و معنویه سنی شامل و امثالی نامسبوق
بر طاقم اسرار و مزایای مشتمل بولان كنزالعرفان كتاب مستطابك
تكراز طبع و نشری حقنده خاطر خاطر كز دن خطور ایدن افكار
حسنه و نیات خیریه مستحسنه كنز جداً شایان شكر اندر صاحب كتاب
حبیب و هاب افند مزك شفاعتی یا ورواقفاس قدسیه لری مددكار اولدیغی
حاله عن قریب نائل مرام و مكافات دنیویه و اخرویه ايله بكام بیوریله جغكزی
باركاه اقدس الهیدن استرحام ایلرم .

قرق سگزننجی مکتوب

ایکي کچه مقدم ذات عالیلرینی رؤیاده کوردم (طاقئه عالیه کزی
رؤیاده کورن خیره نائل اولور) جمله جمیله سی ضرب المثل حکمنی المش
اولدیغی معلومدر داعیلزی دخی حمدا ولسون او کونك فرداسی احتمال
بعید ايله محتمل اولان برخیره مظهر اولدم تشکرایده رم جمله معترضه
قییلندن اوله رق شو حقیقت افاده اولندیسه ده تقدیم عرضیه دن مقصد
عاجزانه م بود کل بلکه کوردیکم رؤیانك بر درجه یه قدر بیان علویتی در
شویله که عالم معناده واقع اولان مواصات معنویه ده حس ایندیکم مسروریتی
نائل اولدیغم محظوظیتی اون اون بش سنه مدت معشوقندن آیرلمش
محبوبندن مهجور اولمش بر عاشق سوخته نك بروامق افر وخته نك هنگام
وصالنده کی حال و شانته احتساستنه تشبیه ایلمم مبالغه ایتمامش اولورم
زیرا عروق و اعصابم زده مودوع من عند الله اولان محبت قرابت مودت

مناسبت مرور زمان و تعاقب روزان و شبان ايله سحاب ایچنده مستور
اولان بر آفتاب کبی اولدیغی حالده کیجه یاریسنده بویه بر آفتابك طلوعی
وقوای باطنه خویشانه مزك تنویر یله حصوله کلن ابتهاج درویشانه مزك
تصویری ایچون یو کبی تشبیهلره حقیقت نظریله باقق اقتضایدر لقا کزله
منور اولان کچه مزقرا کلق بر صباچه مبدل اولندیسه ده خزانة
خیالمزده انعکاس ایدن جمال باکمال کزك تأثیر یله طول مدت خوشحال
و یاسکه برقچ ساعت قریر العین و البال اولدم دعوات خیریه کزی ایصال
سرا پرده رب متعال ایلدم جناب حقه امانت اوله سز افندم .
رؤیائی یازار كن (الناس نیام فاذا ماتوا انتبهوا) حدیث شریفی خاطر یه
کلدی .

یعنی انسانلر خواب غفلتده در بعد الموة متیقظ اولورلر فی الواقع
دنیا نك خواب و خیال اولدیغی و شایان اعتماد بولندیغی انسانه او کبره تن
موتدر شوقدر وار که جناب حقندن موتوا قبل ان تموتوا سرنی استرحام
ایدلم و اوسایه ده استقبالمزك تأمیننه موقق اوله لم باقی السلام علیکم .

قرق طقوزنجی مکتوب

توفیقات ربانی یاور و تأییدات صمدانی برابر اولدیغی حاله بادی
صلاح و باعث فوز و فلاح اولان سلسله علیة نقشبندیه التحا قکزی
خصوصیله خواجه بیهمتا فضیلتلو یکتا اقدی حضرت تبارینه بیوست اولان
دست اتفاق کزی تبریک ایلک فقیر ایچون الزم و بر وظیفه ملتزم
قییلندن ایکن هر نصلسه بو آنه قدر وقوع بولان تأخر دن طولانی
یالکنز ذات عالیکزه دکل بلکه کندی وجدانم بيله محجوبم باخصوص

بوهفته پوسته سیله ارسالنه عنایت بیوریلان نامه مکارم علامه ادیبانه لرنده.
 اظهار بیوریلان لطف و شفقت و دکر مک فوقده بولنان اخلاص
 و محبتکزه مقابل ایفای تشکر دین دخی عاجزم جناب علام الغیوب قلبکزی
 حاکم و نفسکزی محکوم عقلکزی غالب و شیطانکزی مغلوب بیورسون.
 دیده بصیرتکزی تماماً آچسون حیات دنیای موقت ثروت و سامانی
 اولدینی کی امانت کوسترسون درجات عقابی مؤبد و شایان اهمیت
 بیلیرسون قالاً بیلوبده حالاً بیلیمیان کور و هندن ائمه سون قال الله تبارک
 و تعالی (یا ایها الذین آمنوا لم تقولون مالا تفعلون کبر مقتاً عند الله ان تقولوا
 مالا تفعلون) مومی الیه خواجه افندی حضرت تارینک مصاحبه فی اختیار
 و قول فعلندن اقتباس فیوضات ایدن بختیارانه آیین شریعت و آداب
 طریقتدن بحث ایلمک معلومی اعلان قیلندن اوله جغنی بیلدیکم ایچون
 یالکزر دعا الیه ختم کلام و بودعالم قبولی جناب خقدن استرحام ایلمم.

النجی مکتوب

لسان عذب الییا نکزدن طامالایان رشحات بلاغت اذواق معنویه می
 لبریز نشاط و قلم مشکین رق نکزدن سیلان ایدن قطرات ظرافت اعماق
 خیالخانه می مستغرق مباهات ایلدی جناب قاضی الحاجات جل و علا
 حضرت تلی قلبکزی مورد فیوضات و قالکزی مظهر فتوحات بیورسون.
 آمین نام فقیرانه مک خوابگاه فیض پناه حضرت مولاناده یاد بیور مقدمه
 اولدینگکزی تبشیر ایتش ایدیکز ممنون اولدم بالخاصه شکران ایدر
 و مکافات معظمیه نائیتکزی تضرع و استرحام ایلمم. انشای مراقبه ده
 آثار فیوضاتک فقداندن متحصل مایوسیت ایله برابر سر ارقلیه و احوال.

روحیه لرندن عدم خشنودیتی متضمن اولان جهل جمیله لرینی دخی
 مطالعه ایلدم جواب اوله رق حضرت شاه نقشبند افندیمزک ایکی بیتنی
 یازیورم .

از هیچ کسی خود باخیرم از هیچ کسی به نیم الا برم
 هر چند بحال خویش مینکرم یک حبه نیز رد ز قدم تاب سرم

علاوه اوله رق مولانا جامی حضرتینک بر بیتنی تخمیس فقیرانمله
 برابر مطالعه بیوریکز :

درباغ بقانه کل شدم نه خاری نه مست می فانه هوشیاری
 سنجیدم بار خویش کفتم آری من هیچم و کم ز هیچ هم بسیاری
 از هیچ و کم از هیچ نیاید کاری

بو بیتلردن آکلاشیلیور که فیوضات کامله مشاهده فیوضاته منحصر
 اولیوب اکا بر طریقتک بر قسمی آثار فیوضاتک فقداندن و کمال
 محویت سایه سنده دکر سز بر مخلوق بولند قلرندن بحث ایتشله و بوضورتله ده
 سالکان طریقتی ارشاد و معارف سنیه لرندن بهره یاب ایتشله در باقی
 السلام علیکم .

اللی برنجی مکتوب

مسموعات ایله حاصل اولان محبت و التفاتکزک دوام و بقاسنه دلالت
 ایدن عنایتنامه کزی لسان مباهات ایله قرائت ایلدم دلائل عقلیه و نقلیه نک
 محصولی بولنان علم یقینک بو مرتبه حائز ثنات اولدینه متشکر بولندم
 چونکه صوفیه حضرتانک علم یقینه مبالات بیور مدقلرینی و برسالکک
 شاهراه حقیقتده کی سیر و سلو کنی تسهیل و ترقیسنه بخش امکان ایدن

عين اليقينك لازم كورد كاري شپه من بيلير سكر بوايه ملاقات جسمانه
وتحكيم روابط معنويه ايله حصول بوله جني سز جده معلوم اولسه كر كدر.
مولانا جلال الدين رومي حضرت تارينك (باي استداليان چوبين بود: باي
چوبين سخت بي تمكين بود) نظم عارفانه لري اثبات مدعا ايجون دليل
جليدر بناء عليه باره فقيرانه مده كي حسيات خالصانه وغائبانه لرينه قارشو
عرض شكران ايدر و سنين عديده دنبري محافظه دوام و ثبات ايدن
بواخلاص و محبتك مقدمه موفقيت اوله بيلمسي ايجون جناب ارحم الراحمينه
تضرع و عرض نياز ايلرم والسلام عليكم .

الهي ايكنجي مكشوب

بري برندن لائق و بلكه لاحقي ساهندن فائق اولان التفاتنامه لري كزك
تعاقب و توالي سييله ثابت بولنان فضائل و كالاتكز فقير كزك تقدير و تعاليسندن
متعاليدر هله بو پوسته ايله ارزان و خاطر محبت مظاهر درويشانه مك
تسريته احسان بيورلديغي ذريعه بديعه لرنده صاحبلمش اولان دريكتاي
شفقت و ساحة بصيفيه يابلش اولان كوهر بهمتاي عاطفته قارشونه كي
برتعير ايله بيان تشكر و محمدتمى بيله ميورم بروجله تصورايدم ميورم
خيردعادن بشقه سني دوشونه ميورم جناب الله ذات فضلانه كزي مراد
وعجز و حيرتم نسبتده علم و عرفانكزي مزداد بيورسون كاقيل (قوم
تسبق انوارهم از كارهم وهم المرادون و قوم نسبق از كارهم انوارهم
وهم المريدون و قوم تتساوي از كارهم وانوارهم وهم المجاهدون
و قوم لا اذكروا لانوار) نعوذ بالله تعالى من ذلك ومن سائر المهالك آمين.
بنای طريق تأييد واعلاء كلمه توحيد ايجون ذاتكز كي جسور و غيور

اولان بر فرزند جديدك موفقيتي بانبده هر نه قدر دعوات خيريه مي
تزييد و كال ابتهاج ايله تقديم بارگاه رب مجيد ايلرسه سزادر و من الله
تعالی القبول بوكون اخذ و مطالعه سييله مستغرق دريای امتنان اولديغ
ايكنجي براتفاقنامه كزده اخوان دينري خواب غفلتن بيدار و بيمار
اولان قلبلريني داروي اذكار ايله تيار و قیوضات بهائيه دن حصه دار
ايتك افكارنده بولنديغكزي اظهار بيورمش ايديكز بوبابده كي اجر
و ثوابت كزي تقدير و تصوير ايجون (الدال على الخير كفاعله) كي احاديث
شريفه بي قرائت ضمنتده كنز العرقان كتاب مستطابك (۵۵) نجبي بابنه
مراجعت بيورمكزي رجا و علاوه اوله رق مفتخر موجودات عليه افضل
الصلوات افندن حضرت تارينك امام علي كرم الله وجهه حضرت تارينه بيورمش
اولديغي (يا علي سنك دلالتكله جناب حق بر كسيه هدايت احسان ايدر
ايسه دنيا و ما فيهناسنك اولمقن خير ليدر) طرزنده كي بر حقيقتك افاده سييله
ختم معروضات ايلرم باقي السلام عليكم .

الهي اوچنجي مكشوب

خيري بكك احوالي حاوي اولان تحريرات فاضلان لري واصل
اولدي اعاده عافيتكز قاچمش اولان عاقيتي اعاده ايلدي جناب حق
ذاتكزي اكدار كونه دن مصون بيورسون آمين لطيفه نفس اوزرنده
مشاهده بيوريلان احوال سعادت اشتاله مقابل جناب مولايه و صاحب
شفاعت عظمايه عظيم تشكر لر اولندي سخته حمل اولندي محضا جناب الله
ايجون جناب اللهك بر مثال كد كميان بر قولنه بونجه شفقت بونجه عنايت
بونجه مرحمت البته ضاياع اوله من (من كان لله فقد كان الله له) حكم جليلة

داخل اولور. فضیلتو علی رضا افندی حقننده کی اعتقاد کامله وحسن ظنکزدن دخی آروجه متشکر اولدم استقبایوریلان کیفیت ایسه رأی عالیکزده محولدر عزتو عاصمیک برادریم ایله مذاکره بیوریکز فصل مناسب کورولورسه اولیه اولسون. حال سابقه نسبتاً احوال لاحقہ دنطولایی بیان بیوریلان ممنونیت عالیرینه تشکرایلدم اکابر طریقتدن برذاتک بیورمش اولدینی (من استوی یوماه فیهومغیون) قضیه مسلمہ سی ایجابجه بوکونکی کونی دونکی کونندن خیرلی اولیان مؤمن کندیسینی خسرانده بیلملیدرلر. تأمین استقبال مقصدیه انسان کاملک سعی وغیرتی دائماً ترایدده اولمیدر. فضیلتو خواجه یکتا افندی حضر تیرینه وقوع بولان انتسابی تبریک ایلرم فقیر کزی کوشه خاطر دن ودعوات خیریه دن فراموش بیورما کزی ده رجایدرم والسلام علیکم.

اللی دردنجی مکتوب

مشهود باصره امتانم اولان لطف واحسان بی پایانکزک طول زمان وبعدمکان ایله عذیم الامکان اولان تبدل وتزلزلی بیلدیکم حالده شو حقیقت معلومه بی حاکی وفراق مرالمذاقک آجیسنندن شاکی اولان التفاتنامه کزی ایکی ال ایله اخذ ودرت کوزله قرائت وهر اون لطائف ایله تشکر ومحمدته مسارعت ایلدم نفس الندن وقوعبولان شکایتکز حکایت دکل بلکه حقکزده برعایت صمدانیه کی تلقی اولندی (من عرف نفسه فقد عرف ربه) حدیث شریفی معلوم عالیکزدر مرید کثرت محبت ومصاحبه مربی ومرشد انساننده مشاهده ایتدیککی اصلاح نفسه پکده اعتماد ایتمه ملیدر زرا بوکی اصلاح انعکاس طریقیله وجوده

کیش بر اصلاح ظلیدر اصلی اولمق یعنی جناب حقک جزئی وکلی هر درلو اوامر ونواهیسنه قارشو عاصی اولماق ایچون دها برطاقم سعی وغیرتلازمدر فضیلتو خواجه یکتا افندی حضر تیرینک دلالت بیورمش اولدقیری اوراد واذکاره برشی علاوه اولمق لازمکلیسه اووده تفکر موتک اکثرایدبر امام غزالی قدس الله سره العالی حضر تیرینک آثار حقایق نثار عارفانه لیرینک برنده مصادف انظار فقیرانه اولان فقرات باهر البرکاتک بری وبلکه برنجیسی اصلاح نفسه مدار اولمق باینده تفکر موتک تقدیر وتقیدسیدر سرور کائنات وسبب موجودات علیه افضل الصلوات والتسلیمات افندی مزک بیورمش اولدقیری (اکثر واذ کرموت) کذلک (من اکثر ذکرموت احبه الله) حدیث شریفه امتثالاً ذات عالیکزنی حالاً ومألاً تفکر موتک اکثرینه دلالت ایدر وسعادت احوالکزنی لایسام ولایموت حضر تیرینک عنایت صمدانیه لرندن استرحام ایلرم.

معلوم عالیرلی اولدینی اوزره نفسک الک زیاده سومدیککی شیلرک بریسی تفکر موتدر امام علی کرم الله وجهه حضر تیرینک جمل جمیله سنندن بری (رحمتدن قاچارم فتنه بی سوهرم حتی اکراه ایلرم) قضیه لریدر مراد عالیرلی یاغموردن قاچارم اولادیمی سوهرم موتی سومدیمکدر مع مافیه دائماً شفا آجی شیلردن حاصل اولدیغندن امراض نفسانیه نک تدایوسی خصوصنده تفکر موتک فائده عظمیه سی خیلی تقدیر اولمشدر والسلام علیکم.

اللی بشنجی مکتوب

قال الله تعالى (الا ان اولیاء الله لا خوف علیهم ولا هم یحزنون) یعنی

جناب حقك سو كلی قوللری خوف و خشیتدن ابتلائی كدورتدن سالمدرلر
بر انسان كندینی حق تعالی حضرتلرینه سودیرمك ایسترسه (قل ان كنتم
تحبون الله فاتبعونی یحبكم الله) آیت جلیله سیله (علامة حب الله حب
ذكر الله) حدیث شریفندن او كر نملیدر یعنی تزین ظاهر ایچون علیه
الصلاة والسلام افندیمرك شریعت مطهره سنه و تزکیه باطن ایچون طریقت
علیه سنه اتباع ایلمیدر نفس اماره سی هیچ بر قیدایله مقید اولماق دهه
طوغریسی شریعت و طریقتك احكام جلیله لریله محكوم اولماق فكر نده
بولنانلر (جناب حق صلاحی مراد ایدرسه صالح اولورم ایتمزسه اوله مام)
طرزنده قاچماق و اوصورتله بر آو و قاتلق یا مق ایسته ینلر اكسیك دكلسه ده
لكن امین اولسونلر كه كندیلری آلداتیورلر زبرا بومثللو دعوالر آیات
كریمه واحادیث شریفه نك منطوق منیفه لرینه کلیاً مخالفدرلر قال الله تعالی
(والذین جاهدوا فینالهدینهم سبلنا) یعنی نرم هدا یتمز قوللرك مجاهده لرینه
وابسته در معیشت دنیویه حقنده استعمال ایلدكلری (وان لیس للانسان
الا ماسفی) آیت کریمه سی دخی معیشت اخرویه یه عائد بر حقیقتدر .
حق جل و علا حضرتلرینك محبت و مرحمت و عنایتنه مظهریت
ایچون فیخر رسالت اولان علیه الصلاة والسلام افندمن حضرتلرینه متابعتك
شرط اثخاذ بیورلمش اولدیغی آیت جلیله سابقه دن مستنبان اولدقدن
صكره بر طاقم او هام و خیالاته او مق اولور اولماز احتمالات بعیده ایله
متسلی اولق كار عقل اولسه كر كدر عاقل كامل اولانلر هر براحتماله
فارشی حاضر و مهیا بولنه جقلری طبعیدر مولام جله یه بر عقل كامل
احسان بیورسون آمین .

اللی آلتنجی مکتوب

۱ تاریخیه محرر اولان تحریرات منوره لری مدینه قلبه می تنویر

و تلطیفات مشكوره لری خاطر مهجورانه منی تسریر ایلدی جناب عالم
السر و مافی الصدور حضرتلری سیکیزی مشكور و خانه قلبكزی انوار
واذ كارایله بریت معمور بیورسون آمین بقای محبت و التفات فاضلانه لرینه
قلب فقیرانه م داثما شهادت ایتمكده ایسه ده اثبات مدعا ایچون شاهد
واحدك عدم كفایه سنه نظراً كاه كاه بوكی التفاته ده نائل بیوریله جغمزی
دیكر بر شاهد عادل مقامنده تلقی ایله جكمز طبعیدر علمای كرام
و فضلائی ذوی الاحترام ایله وجوده كلان محبتك قدر و قیمتنی اعلا ایچون
(بحشر المرء مع من احب) حدیث شریفی كافیدر معلوم غالیلری اولدیغی
اوزره پانهاده مه دو وجود اولمش و آخر انجای غنوده پستركاك اولق اوزره
یارادلمش اولان ملت اسلام و امت جناب خیر الانام ایچون شایان اهتام
برشی وار ایسه یالكرز تأمین استقبال مسئله سیندر بوكا مبندر كه اكابر
مشایخ نقشبندیه دن محمد معصوم حضرتلری اخوان طریقتنه كثر محبتی
منتج اولان رابطه یی توصیه بیورمشلردر زبرا محبت حقیقی اولنجه قلب
مؤمنده ذكر الله وجوده كلیر (رجال لاتلهیم . . .) آیت کریمه سنه
ما صدق اولور قلب سلامتی بولور (یوم لا ینفع . .) سربنه مظهر اولور .
مولام حضرتلری جمله منی (افضل العباد درجة عند الله یوم القيمة
الذاكرون الله کثیرا) فرقه ناجیه پنه ادخال و خانه قلبه می نقایس ایمان
و ایقان ایله مالا مال بیورسون آمین . مشارایله حضرتلرینك ذكردن
مقدم رابطه یی توصیه بیورمش اولدیغك حكمتی ایسه سالكان ایچون
رابطه نك عظیم بر عامل اولدیغی افاده ایتمكدن عبارتدر طریقت علیه
هنوز انتساب ایدنلر بالجمله فیضلری ذكردن بگه یوب رابطه یه لایقیله
اهتمام ایتمدكلری تقدیرده مأمول ایتدكلری غایه یه واصل اوله میه جقلری
لكن (وكونوا مع الصادقین) آیت جلیله سنه امثالاً رابطه یی مدار فیض

اتخاذ ایدنلر يك يقين بر زمان ایچون انوار ذکر ایله منور اوله جقاری .
اغلب احتمالی مشارالیه حضرت تارینی بوطریقہ سوق ایلشدرد و فقنا الله تعالی .
وایاکم امین .

اللی یدنجی مکتوب

کنجینه وسیعہ قریحه لرندن کهرباش اولان جواهر کلاتی کوشواره .
سامعہ افتخار ایتدیکم کی رضیعه جویبار حیات اولان خامه بلاغت .
علامه کزک اساله ایتدیکی نوادر عباراتی دخی آرایش بوستان من
ومسار ایلدم پرووده زلال التفات اولان شجره محبتکز خزان هجران
ایله قابل اصفرار اولدیغنه معترف بولندیغم حالده بهار موصلت وکنزار
موانست ایچون اظهار اولنان آهوزاریکزه حق ویرمن و بلکه اشتراك
ایتمزدکلم لکن (کل مافعل المحبوب محبوب) فجواسنجه اشبو حال حاضری
دخی خوش کورملی بز زمان ملاقاتک تعیین و تحدیدینی داعیلرندن
استیضاح بیورمش ایدیکنز (وماتدری نفس ماذاتکسب غذا) آیت
کریمه سی بو مقامه وصول ایچون سدباب ایش ایسه ده عالم معناده کی
مشهودات صادقانه لری عیون مشتاقان ایچون بیوک بریشار تدریشوای
اولیای احمدی و مقتدای اصفیای محمدی یعنی بهاء الدین نقشبندی حضرت تارینک
انفاس مطهره سنه مظهر وطی مقامات معنویه ایچون عطیه السیه اولان
مطیه نفس اوزرینه غالب ومظفر اوله جغکزی هادی اکبر حضرت تارندن
استرحام ایلرم نائل اولدیغم التفاته مقابل تقدیم تشکراتمه برشی علاوه
واشعار اولمق لازم کلیرسه اوده معروضات لاحقه دن عبارت درشویله که:
جناب واجب الوجود حضرت تارینک وحده لاشریک له ولاشیبه له

اولدیغی کی کتاب شریفک دخی کتب سائرده نسبتله لاشیه له اولدیغی
یدیعی بلکه ده طبعیدر . بونک ثانیسی ایسه معلوم فاضلان لری اولدیغی
اوزره آنحق احادیث شریفه در . اوچنجیسنه کنجه اولسه اولسه
ورثه انبیا حضرتانک آثار نفیسه لرنده آرامق اقتضا ایدر . زیرا آیت
جلیله ده (اطیعوا الله واطیعوا الرسول واولی الامر منکم) فرمان بیورلمشدر .
فقیر کز نتیجه تتبع اوله رق فتخربانی کتابنک اوچنجی اولدیغنه قناعت
حاصل ایش و اوصورتله ذات فاضلان لرینه افاده و برنسخه سنی تقدیم
ایلش ایدم شبهه سز شمدی یه دکن مطالعه بیورلمش و درجه سی تقدیر
اولمشدر . مع مافیه بودفعه کی التفاتنامه کزده کتاب مذکورہ عائد اولان
تدقیقات کزدن برشی اشعار بیورلماش ایدی (وفوق کل ذی علم علیم)
نقضیه سی مسلم اولقله برابر بو بایده کی فکر فقیرانه مزک اصابتنه قناعت
بیورلمش اولدیغی امید ایدیورم هر حالده کتاب شریفک بیوکلی تجلی
ایش و فیض و برکتی اغنام اولمشدر بناء علیه بو بایده کی فکر و مطالعه کزک
اشعار بیورلمسنی بالخاصه رجا واسترحام ایلرم .

اللی سکزنجی مکتوب

طائفه یازلمش ولطائف معانی ایله بزاتلمش اولان التفاتنامه عالیلری
ایادی شکرانه آلوب لسان امتنان ایله قرائت ایلدم او مزکا تعبیراتک
لطافتنه او معلا تلطیفاتک نفاسته مفتون اولدم ذوق آلام صفا بولدم
نشئه یاب اولدم او قودقچه او قودم طویمدم طویه مدم زمزم صوینی
احسان ایدن حضرت الله قلم عنبر رقکیزی کوثر افشان ایلسون
کرسی صاحبی اولان مولام فلکیزی عرش الرحمن ایلسون مأمن اسرار

و مخزن انوار ایلسون آمین سو کیلی بکم اعماق باطنم بدن نبعان و ناولدان
خامه دن جریان ایدن بودعاء خالصانه مه باقیکنز لطفاً باقیکنز نه عالی بردعادر
نه علوی بر مدعادر . معلوم عالیلری اولدینی اوزره انسان بر مؤمن
کامل یعنی بر ولی فاضل اولدقجه قلبی عرش الرحمن اوله ماز تجارت
عدیده و خدمات کثیره ایله صداقت و اهلیتینی اثبات ایتدقجه مأمین
اسرار اوله ماز مهر منیر نبوتک غره غرای شریعت و طریقیله مستنیر
اولدقجه مخزن انوار اوله ماز بو دعای معلائی الهام ایلان حضرت الله
جل جلاله ذات دولتریخی ایکی جهانده شادان و توالی تلطیفات ایله
هر شام و سحر خرم و خندان بیورسون . رب یسر و لا تعسر رب تم بالخير
دعای درویشانه می تصویر و بوضو رتله عرض مافی الضمیر ایتد کدنصکره
افاده اولنور که حد اولسون عافیتمز بر کالدر مفارقت جمالکنزدن بشقه
موجب ملال اوله جق بر حالز یوقدر علی و محمد داعیلریله برابر عرض
تعظیبات ایلرز بقای عافیتکنزی مولای متعال حضرت لرندن استرحام ایلرز
والسلام علیکم ورحمة الله تعالی وبرکاته .

الهی طقوزنجی مکتوب

دیده فراقدیده مزک تنویرینی وسینه هجران چشیده مزک تسیرینی
تضمن ایدن و باخصوص صحت و عافیتکنزی مبشر بولنان التفاتنامه
و فاعلامه محبوبانه لری و اصل ایادی افیخار اوله ررق عاشق جمالکنز و مشتاق
و صالکنزی مستغرق دریای من و مسار ایلدی شیوه سندن اکلایدینی کبی
زمان تحریرنده ذاتکنزی آغلانان عین مکتوب کولدیرمک . خاصه سنه ده
مالک ایتمش که داعیکنزی کولدیردی و بوضو رتله ایکیمزی دخی (فلیض حکوا)

قلیلاً و لیکوا کثیراً) آیت شریفه سنه ماصدق و (اغلامایان چوجعه
مه ویرلز) قاعده سنجه ذات عالیکنزی اولیای کرامک سودینه مستحق
ایلدی بکایی خفیف کوروب کچمیه لم دنیانک ثروت و نعمتک سرعت
زوالی مخاطره مالی ظاهر و باهر اولدینی قدر بکانک دخی کرامت ،
سلامت سعادت ، واستراحت استقبالی بدیهی و آشکاردر . اصحاب کزین
وسلف صالحین رضوان الله تعالی علیهم اجمعین حضرتانک هول قیامت
ودهشت آخرت ایچون مدارتسلیمت اتخاذا ایتدکلری و سائطک بری ده
آبدیده لرینی تولید ایدن خوف و خشیتدن عبارتدر . جناب حق و فیاض
مطلق حضرت لری مشهود و مسلم اولان خوف و خشیتکنزی مزداد و دنیا
حصه سنه اصابت ایدن محبتکنزک محویله ذاتکنزی ایکی جهانده آزاد
و دلشاد ایلسون آمین بحرمة طه ویس .

آلمشنجی مکتوب

۲۴ مایس ۳۲۱ تاریخله یازلمش اولان التفاتنامه کز دخی واصل
اوله ررق کال صحت و عافیتکنزه و حق درویشانه مده تزیاید ایتدکده اولان
لطف و عافیتکنزه مقابل حق تعالی حضرت لرنینه عرض شکران ایلدی .
جناب الله قلب شریفکنزی خانه عشق و محبت و آشیانه فیض و برکت
بیورسون . عشق و محبتکنزی سزکله مصاحبه ایدن اخوانه ده سرایت
ایتدیورسون . چونکه یالکنزحالی دوشونوب نجات املنده اولانلر
وراثت نبوته لایق اوله مازلر . (امتی امتی) بیورن و یوم جزاده کندی
نفسنی دوشونمه یوب یالکنز عباد الرحمنک نجاتی دوشونن ذات رسالتناه
نافد مزه اقتفا و اقتدا ایدنلر دائماً کندیلری اوکده و مصاحبیلری

آرقه‌ده اولدیغی حالده جناب حقه قریت ایچون غیرت ایدر لر عبادت و طاعتیه مانع اولان مشاغل دنیویه به اصلا التفات ایتمز لروتوکل سایه‌سنده دائماً رفاه حال و کمال استغاده بولور لر اوت مقام توکله ارتقا ایدن اهل تقوا معیشت دنیویه لرینی (ومن یتقی الله یجعل له مخرجاً و یرزقه من حیث لایحتسب) خزینة جلیله غیبیه‌سندن تأمین ایدر. و مقسوم اولان بررزقک تعقیب ایچون و قتلرینی ترضیع ایتمز لرو (ایش علی منی) جمله جلیله‌سنه نائل اوله رق جنید بغدادی حضرتلرینه اقتفا ایدر لر . بوجه‌نک معناسی (کندمی و بالجملة مهماتمی حتی و زقمی بیله دوشونمک نه‌مه لازم) دیمکدر . یعنی بنی خلق ایدن ذات‌اجل و اعلا بنی دوشونور و بنم معاوتمدن مستغیدر .

« رزقنا الله تعالى وایاکم آمین و حشرنا فی زمرة عبادہ العالمین »

۱ تموز ۳۲۱

التمش بر تبحی مکتوب

فضیلتلو خواجه یکتا افندی طرفندن کشیده اولنان بر تلغرافنامه‌ده تشریف عالیکنزلة تبشیر اولندم حق تعالی حضرتلرینه تشکر لر ایلدم . عرش الرحمن اولان قلب ایلله بیت الله شریفک اجتماعنده نائل اولدیغکنز نورانیق تبریک ایلرم فضلہ اوله رق « من زار قبری و جبت له شفاعتی » حدیث شریفنه مظهر اولدیغکنزدن طولانی هر نه قدر تشکر ایدرشم . سزادر زیرا شبهه‌سز اوکی مقدس بر آستان فیض آشیانده بزم کبی بیچاره‌کان امت ایچون دخی دعوات خیره‌ده بولنشسکنز وجود پڑمردم . و خاطر افسرده‌مزلکده احیاسی خصوصنده تضرع و نیاز بیورمشسکنز جناب حق جمله من حقنده کی ادعیه خیره‌کزی شایان قبول و وسیله

وصلت وصول بیورسون آمین شام شریفده رغبت و دلالت بیورمش اولدیغکنز جمال افندیکن مکتوبی آلام بوذات طرائق علیه خدمت ایتمش و سیر سلوک کورمش اولدیغی حالده شمیدیکی حالی بر دلیلہ محتاج بولندیغی کوزله کشف ایتمشسکنز معلوم عالیلری اولدیغی کبی اکمال نسخ ایتیان بر طالب علمک خواجه تدریسی وفات ایدنجه دیکر بر خواجهیه مراجعتی ضروری بولندیغی مثلاًو بر سالک طریقک دخی مرشدی وفات ایدنجه شریعت و آداب طریقتک شهادتیه صحت ارشادی مثبت بولنان برذاته انتساب ایتمی و جوب تحتنده درانشا الله تعالی کله‌جک پوسته ایلله جوابی یازیلیر و لازم اولان وصایا اجرا اولنور باقی دائماً جمالکنزک آجی و لطفکنزک محتاجی اولدیغکم غرض بیانیه ختم معروضات ایلرم والسلام علیکم .

آلتمش ایکسجی مکتوب

عریضه درویشانه‌مدر .

بقاء عاقبت و دوام عاطفت عالیلرینی مشعر اولان بر قطعه بشارتنامه منعمانه لرینی نه‌درجه بر شوق و سرور و نه‌مرتبه بر تعظیم و حبور ایلله دست تحلیله آلدیغمی تشریف و بیان و قرائتندن حس ایتدیکم لذائد وجدانیه‌نک تصویرینی اتیان خارج حوصله امکاندر . جناب خالق الکون و المکان قلب شریفکزی منبع عرقان و روح لطیفکزی معدن ایمان و اذعان بیورسون . عموم اقوال و افعالکزی شریعت احمدیه به تطبیق و بالجملة احوال میامن اشمالکزی طریقت محمدیه توفیقه موفق ایلسون آمین . معلوم عارفانه‌لری اولدیغی کبی دنیاده

سبب فیض و نجات و عقابده وسیلهٔ علو درجات اوله بیله جک برشی
وارایسه آنجق مهر منیر محمدیدن اقباس انوار و شمس تابان طریقت
سایه سنده افتقار آثاردن عبارتدر . قال تبارک و تعالی (قل ان کتم
تجبون الله فاتبعونی یحبکم الله) رزقنا الله تعالی و ایاکم حلاوة الایمان
والاسلام بماتبعة المصطفی علیه و علی آله افضل الصلوة والسلام تعطیل
احوال و افعاله هنوز موفق اوله مامش بر داعی بی پروبال حقنده
شایان بیورلمش و حد کماله ایصال ایدلمش اولان التفات معالی عنایات
منعمانه لرینه مقابل دعوات خیریه دن بشقه برشیئه مالک اوله مدینعی
انبا و غایت محترم طانیدیغ توجهات فائده لرینک حق فقیرانه مده اقباسنی
استدعا ایلرم باقی السلام علیکم ورحمة الله وبرکاته ۱ تموز ۳۲۰

آلتش اوچنچی مکتوب

صحت و عافیت فاضلانله لرله احوال مادیه و معنویئه نازکانه لرینک
استنبا و استبشاری خصوصنده موفق تقدیمی اولدیغیم عریضهٔ داعیانهمه
جواباً و ۱۲ نisan سنه ۳۲۰ تاریخله مورخ بولنان التفاتنامه کرامیلری
واصل ایادی امتنان اوله رق ادعیه خیریه لری بتکرار ایصال سرپرده
رب متعال قلندی خانهٔ جدیدیکز حقنده یکیدن دعا اولندی حق
تعالی حضرتلری لانه محبت و آشیانه طریقت بیورسون راحت و حضور
احسان ایتسون فقط معلوم عالیلری اولدینی کبی بو حضور کله سندن
مقصد یالکز متعارف اولان حضور دکلدیر بلکه « الاحسان ان تعبدالله
کانک تراه فان لم تکن تراه فانه یراک » حدیث شریفنه لازم اولان بر
حضور دخی مطاوبدر شبهه سز بودعا یه آمین خوان اولورسکز و فقیر

حتیر کزی دخی فکرآ کندی کزدن آیرمازسکز . اللهم ارزقنا . رفیقہ
خانمک سلامندن وصلات و سلامه دوامندن دخی ممنون اولدم بالوکاله
شوحدیث شریفی کندی لرینه او قورسکز اودجی ممنون اوله جغه شبههم
قالز (قال النبی علیه السلام من سره ان یلقی الله راضیاً فلیکثر بالصلاة
علی فانها تکشف الهموم والنموم والکروب وتکثر الارزاق وتقضی
الحوائج) یعنی جناب اللهه راضیاً ملاقی اولمق آرزوسنده بولونانلربکا
چوئجه صلاة کوندزسونلر تحقیقاً صلوات و سلام ازاله غموم و تکشیر
ارزاق و حل مشکلات ایچون یکانه وسیله در . والسلام علیکم اولاً
و آخراً ظاهراً و باطناً .

آلتش دودنچی مکتوب

عریضهٔ مقدمهٔ جوابیه مزک وصولیه مندرجاتنک دخی شایان قبول
بیورلمش اولدیغنی مبشر ۲۶ حزیران ۳۲۱ تاریخلی برقطعه التفاتنامه
فاضلانله لرلی واصل دست امتنان اوله رق دعوات خیریه لرلی بتکرار
تقدیم بارکاه خالق پروردکار قلندی حق تعالی حضرتلری ذات فاضلانله کزی
« العلماء ورثة الانبیاء » شرفه مظهر بیورسون « من عمل بما علم رزق الله
علم ما لم یعلم » سریله مشرف ایتسون آمین علم و علماء کرام حقنده وارد
اولان برچوق احادیث شریفه بی ذات عالیکزه بیان ایلک معلومی اعلام
قیلندن اولاجنی جهتله یالکز شوقدر عرض و افاده اولنورکه مقبول
بارکاد الهی اولان علم اعمال صالحه ایله مقارن اولان بر علم در کمال علیه السلام
« تعلموا من العلم ما شئتم فوالله لا تؤجروا بجمع العیم حتی تعملوها » وقال تبارک
وتعالی « قد افلیح المؤمنین الذینهم فی صلاتهم خاشعون » خشوع ایسه دوام

اذکار وافکار ایله میسر اوله بیله چکندن جناب الله ذات علیرله کافه
اخوان طریقتی ذا کرین خاشعین عدادینه داخل بیورسون انوار اذکار یله
قلمزى منور ایلسون ذات عالیکزدن مشهودم اولان لطف وشفقتہ
قارشو بیان تشکر و محمدت فریضه ذمت اولدیغنی بیلهرک بودفعه دخی
تقدیم عریضه جوابیه به مجاسرت قلندی باقی السلام علیکم ورحمة الله
وبرکاته .

آلتمش بشتنجی مکتوب

التفاتنامه کز واصل اولدی مشاهده بیورمش اولدیغکز معنارک
مالی اکلشیلدی اولکی معناده خانه نک آشغی قدمندن آهسته آهسته
اوله رق فوقه قدر بالسلامه مواصلتکز شایان بریکدر . انشاالله تعالی
خانه قلبه مدار ترقی اولان درجه و مسافر لک قطعه موفق اولورسکز .
ایکینجی معناده جهر آمکه معظمه اصولی اوزره اقامته باشلامش اولدیغکز
جمعیت اسلامیة دن بعضیلرینی ذکر الله تعالی به دعوت بیوره چنگز
اشارتدر . (الدال علی الخیر کفعله) حدیث شریفی موجب ججه سفر
آخرتی دوشونمندن بی خبر اولان و لازم اولان زاد و ذخیره تدارکندن
بی اثر اولان غافلاری ایقاظ ایدوب توبه واستغفاره و بر طاقم اوراد
وازکاره دلالت و وساطت ایلمکز نه قدرشان و شرفی موجب اولاجنی
معلوم فضیلتکزدر . جناب حق بوو بوکی شرف و مزیتلردن جمله مزى
محروم بیورسون تحصیل رضالرینه مدار اوله حق اعمال صالحه اوزرینه
موفق بیورسون آمین . اذکار وافکار کز کیفیتدن برشی بیان بیورلماش
انشاالله تعالی محور لائمه دوره دوران ایتمکده در فقیر یکزی دخی دعوات

صالحه دن محروم بیورم ماکزی رجا و بقای توجهاتکزک استرحامیه
ختم معروضات ایلم و السلام علیکم .

آلتمش آلتنجی مکتوب

بودفعه دخی انشاسی کوزل اخلاصی کوزل شیوه اداسی کوزل
اولان و کوشکک هواسندن بلبلرینک نغمه و نواسندن مقتبس بولنان
التفاتنامه کز واصل اولدی ۵ مایس ۳۲۱ تاریخیه محررایدی یک عاشقانه
ایدی صادقانه ایدی همان همان بر عشق مجسم ایدی فراقک احراقندن و صالاک
اذواقندن باحث ایدی بر نصف مواصله کی داعیکزی محظوظ ایلدی
نعمت وصال ایچون ادعیه خیریه به مجبور ایلدی اولتان دعائزک قبولی
مقصودیه سز دخی آمین سوله یککز انشاالله تعالی شایان قبول اولور
وسيله وصول اولور . سماحتلو افندی حضر تلرینک التفاتیه بتکرار
مفتخر اولدم درجات معنویه لرینک ترفی ایچون تضرعه بولندم چونکه
حقیقه بودات عالی کندی نفسی لایقیه سافل ایتشدر یوقسه بزلر کی
بر موجود معدومه و یا خود بر نقطه موهومه بودرجه تواضع والتفات
بیورمزدی جناب الله ذات سماحتناهی لرینی عارضه ارضیه و سماویه دن
محفوظ و قلب انور لرینی عطیه السیه سیله محظوظ بیورسون آمین (من
تواضع فتدرفعه الله) حدیث شریفه مظهر بولنان بودات عالی حقنه کی
نعم جلیله السیه بی عن صمیم القلب تبریک ایدر و جناب حق ذکر و فکرندن
خالی قالمیان حقیقه لرنده کی اوراق اشجار و نورسیده کان حدیقه کلزار اولان
عالم ازهار ایله طول زمان اصرار حیات ایلم لرینی تضرع و نیاز ایلم
الباقی هو الله .

آتش یدنجی مکتوب

مشتاق وصال و تشنه زلال جمال کز ره احسان بیورلمش اولان لال
فائق الامثال و نامه نامی عال العاله مقابل ایفای وظیفه شکرانی قال و قلم ایله
محال اندر محال کورمکدهم ربم تبارک و تعالی حضر تتری ذات عالی کز ی
لامک فیه سیله اولان مخلصین کروهنه ادخال ایلسون لان النبی المکرم
صلی الله علیه وسلم قال (الناس کلهم هلکة الا العاملين والعالمون کلهم هلکة
الا العاملين والعالمون کلهم هلکة الا المخلصین والمخلصون علی خطر عظیم)
حدیث شریفندن مستبان اولدینی کبی امور دینییه سنی او کره نوب موجبنه
عامل و عملنده مخلص اولانلر دخی خطر عظیمدن سالم اوله میور .
ادعای عبودیتی بیئه صبر و ثبات ایله اثبات ایتیمان واستمراره دلائل
ایدن صیغه مفعول ایله مخلص اولیان مؤمن مقریندن معدود اوله من .
(من ازداد علماً ولم یزد فی الدنیا زهداً لم یزد من الله الابدال)
حدیث شریفی دخی بومعنائی مؤیددر . شوقدر وار که زهددن مقصد
زهد صوری دکدر بلکه محبت ماسوانک سلبی معناسنه اولان زهد
قلیدر . قال الغوث الاعظم سید محی الدین عبدالقادر الجیلانی رضی الله تعالی
عنه «المال فی الکیس یجوز و فی الیدت یجوز و فی القلب لا یجوز» یعنی برانسان
کیسه سندم بر مقدار نقودی وار جائزدر خانه سندم بیله فضله نقودی وار
اودخی جائز یالکز قلبنده اولور ایسه یعنی محبوب التجاذب ایتمش ایسه
جائز دکدر زیرا جناب حق خانه محبت اولان قلبی یالکز کندی محبتی
ایچون تخصیض بیورمشدر . (چیسیت دنیا از خدا غافل شدن . نهر
وسیم است و نه فرزند وزن) نفعنا الله تعالی وایا کم من برکاتهم و متعنه

برکات خلواتهم و جلواتهم آمین والصلاة والسلام علی حبیبه محمد وآله
وصحبه اجمعین .

آتش سکزنجی مکتوب

قال تبارک و تعالی (ان النفس لامارة بالسوء) قوللرک بلیه جهل
ونادانیدن نجات و موهبه علوم و عرفان ایله تزین ذاتلری ایچون مطالعه کتیبک
کافی اولامیه جنی و هر حالده بر عالم عاملک بر مربی کاملک حلقه تدریس
و تربیه سندم بولمق ضروری اوله جنی کبی نفس اماره نکده امیال
و احتیاسات باطله دن بالتجرید کالات معنویه ایله محلا و تجلیات صمدانیه
ایلله بجلا اولمق مقصد مقدسی یالکز ذکر الله ایلله حصول پذیرا اوله میه .
جغندن بوبابده دخی بر دلیل راهه و بر مرشد دل آگاهه ربط قلب
ایلمک و جویدر انوار معارفی قلوب سالکینه ایداع واسرار حقایقی افنده
مسترشدینه افراغ رابطه قویه قلبیه متوققدر اخذ فیوضات ایچون
بر سالکک رابطه مرشده اولان اعتمادی تحصیل علم خصوصنده بر طالبک
خواجه افندیکن اقاده شفاهیه سنه درکار اولان اعتمادک فوقنده اولمیدر .
رابطه بومرتبه مهم و ملتزم اولدقن صکره قلب سالکده ذکر الله
تعالی بلا اجبار و لا اختیار وجوده کلیر خالق ایلله مخلوق میاننده الفت
و محبت ظهور ایدر قال علیه السلام (من اکثر ذکر الله احبه الله تعالی
و قال ایضاً) (علامة حب الله حب ذکر الله) تفصیلات سابقه دن مستبان
اولدینی اوزره بر انسان نفس اماره نک شر و شتائمندن تخلیص جان
و عنایت صمدانیه جناب رحیم و رحمانه موفق اولمق ایچون بر طریقت
علیه دخال و بر شاهراه حقیقته سلوک ایلله استقبالی تأمینیه مسارعت
ایلمیدر و فقنا الله تعالی وایا کم آمین .

آتش طقوزنجی مکتوب

۱۱ نیشان ۳۲۰ تاریخی اولان التفاتنامه عالیلری ایله برابر احسان بیورمش اولدیغکیز کوزک چشمان امتنان فقیرانه می تنویر ایلدی .
حق تعالی حضرتلری چشمان باطنکیزی تنویر ایتسون کل یاراغک هر نقطه سنده موجود اولان کل صوی کبی وجود عالیکیزک هر ذره سنی رایحه طیبیه محبت و حضور ایله تطهیر بیورسون آمین . معلوم عالیلری اولدینی کبی مقصد سیرسلو کدن دولت محبت و حضوره نائل اولمقدرد .
بوشرفه نائل اولانلر ایچون عادی اولان ذکره احتیاج مس ایتیز چونکه ذکر بر نقطه دهر حضور ایسه کافه وجودی احیا ایدیور .
حضورک مبادیسی (یاد) دیمکدر یاد اولورسه خانه وجود آباد اولور حق تعالی حضرتلری بروقت عبادندن غافل اولمدینی کبی خالقندن غافل اولمیان و خاطرندن چیقارمیان بر عبدک حاله ده (یاد) تعمیر اولنور .
شرع شریف دائره سنده بولنوب محافظه یاد ایلین بنده سنی جناب حق چوق سوه . ایشه بونک ایچون رجای فقیرانه بودرکه بوشرفدن محروم اولیم لم محبت ماسوايه مفتون بر قلب ایله محبوب حقیقینک حضورینه واریم لم رب بسر ولا تعسر رب تمم بالخیر یا الله آمین . فضیلتلویکتا فندی حضرتلرینه واقع اولان زیارتکیزی تبریک ایلرم . قال علیه السلام (اتبعوا العلماء فانهم سراج الدنیا و مصابیح الآخرة) یعنی علماء عالمینک اقوال و افعاله تابع اولکیز چونکه آنلر دنیا و آخرتک ایشغیدرلر . انسانلرک ظلمت جهل و نادانیدن مهالک معاصیدن خلاصی ایچون علمانک علم و عرفانه احتیاج معلوم اولدینی کبی آخرتده دخی جناب حق نه کبی احسانلرینک استرحامنده بولنق ایچون علمانک علم و عرفانه

مراجعت اولنه جنی روایت اولمشدر هدا نا الله تعالی وایا کم آمین و آخر دعوانا ان الحمد لله رب العالمین .

یتیمشنجی مکتوب

عافیت عالیلرینی مشعر و بقای عاطفت جهانقیمتارینی مبشر ۳۳۰ مایش ۳۲۰ تاریخی احساننامه مروت علامه لرینی ایادی امتنانه آلام قلم عارفانه لرندن جریان ایدن تعیرات رائقه و تقدیرات فائقه بی مطالعه ایتدیکه دعوات خیریه کیزی بتکرار تقدیم قبولگاه جناب پروردگار ایلدم . معروضات متقدمه فقیرانه مک وصولندن کونلرجه مقدم (کل شیء هالاک الا وجهه) آیت جلیله سنک سرینه مظهر و تفکر موتک اکثر ایله کثافت ماسوادن قلب عالیکیزک مطهر اولدینی اشارت بیورلمش ایدی جناب حقه تشکر ایلدم . اکسیر اعظمک فوقنده بولنان طریقت علیه نک فعالیتنه متشکر اولدم الهی سیمکیز وارا ولسون ، فیضکیز برقرار اولسون ، مراقبه شریفیه دوام سایه سنده هر کون بر احسان ایله قرین امتنان اوله جفکیز شبهه سزدر . معلوم عالیلری اولدینی کبی بر سالک طریقت لطیفه قلبی کثافت ماسوادن تطهیر ایدنجه خانه محبت و آشیانه های معرفت اوله جنی طبعیدر کاقیل (الضدان لا یجتمعان ولا یرتفعان) (رویک نیاززی ایله خاک در دایله بغرک ایله چاک : قلبک سراین ایله پاک شاید کله سلطان سکا) بیورمش اولدقلری مثللو هر حالده نائل اوله جفکیز حالات شریفه و مقامات منیفه نک تبشیریه داعی پر تقصیر کیزی تسیرر ایلک شان عارفانه لرندن اوله جفنه امنیم بر کالدر . انشاء الله تعالی سابق

مئللو برخیلی بشارتارله کامیاب اوله جغم طیدر وقت مساعدا اولمדיغندن
شمذیلک عفو عالیکنری استرحام ایلرم .

یتیمش برنجی مکتوب

۳۴ مایس تاریخیله برقطعه کرنامه کریمانه لرینی آلوب مؤدای
دلا راسیله کسب ابتهاج ایلدم هر بازار ایتسی کونلری ایوب سلطانده
خواجه افندی ایله ملاقات ایتک اوزره بولندیگیزی و مشغولیت ایچون
مناسب کورلمش اولان اوراد واذ کارگری بیان بیورمشی ایدیکز پک
مناسب کوردم نية المؤمن خیر من عمله (حدیث شریفه نظر آقیض
الته عشق الله محبت الله اوزرینه مبتیدر . عشق و محبت اولدقجه علی
اختلاف المراتب عملدن برنتیجه حاصل اوله من . عشق و محبت لرینی ا کمال
ایدنلر جناب حقه خدمتدن بشقه برشی تصور ایده منزلر نیتلری هپ
تحصیل رضای باری یه منحصر اولور . ایستر عمل ایتسون ایستراتیمسون ،
ایستر آز ایتسون ایستر خوق (نوم العالم خیر من عبادة الجاهل) حدیث
شریقی بو مدعای اثبات ایدر . شو قدر وار که بو نیت مالک اولمق قولای
دکلدر . فنا فی الشیخ ، فنا فی الرسول کی مقدماته محتاجدر غالباً
جذبته نک حصولی ایچون اظهار اولنان آرزو کز بر سرعت برقیه ایله
مقام فایه وصول مقصدینه مبتی اولمشدر اوت جذبته سی غالب اولانلر
بختیاردر لر قال علیه السلام (جذبته من جذبات الرحمن توازی عمل الثقلین)
شو قدر وار که جذبته نک سکرک و حرارتک زیادی هر کسک حال و شانیه
وبلکه ده موقعیه پک متناسب اولمدیغندن بوبانده حد اعتداله رعایت
وار باب وقوفه مراجعت و اطاعت هر حالده اول والیقدر . عالم معناده

مشاهده بیوردیگیز آل و قیرمزی رنگلر لطیفه روحده ذکر و حرارت
اولسندن ناشیدر شبهه سز شمذی ذکر کز لطیفه سره انتقال ایتش
ولطیفه روحک زمانی کچمشدر . حق تعالی حضرتلری فیضکزی مرزاد
بیورسون انشاء الله تعالی .

یتیمش ایکنجی مکتوب

۲۵ تموز ۳۲۲ تاریخیله مورخ و تلطیفات فائقه ایله موشخ اولان
التفاتنامه فاضلانہ لرینی آلوب دوام عافیت و بقای عاطفتلرینی مبشر بولندیغندن
حق تعالی حضرتلرینه عرض شکران ایلدم . الهی . دائماً عافیتله بکام
وعافیتله بر دوام اوله سز . حمد اولسون وجود فقیرانه من دخی عافیتده
ارلوب مفارقت صوریه دن بشقه بر غائله من یوقدر (ربنا اتنا فی الدنیا
حسنةً و فی الآخرة حسنةً و قنا عذاب النار) دنیا من کرچه محدود بر
زماندر شایان اهمیت دکلدر لیکن مزرعه آخرت اوله بیله جکی ایچون
عزیز اولسه کر کدر . قال علیه السلام (الدنیا ملعونة و ملعون مافیها الا
ما ابتغی به وجه الله) تحصیل رضای ربانی یه وسیله اولان بر دنیا محترمدر .
مقبول جناب باری در والا فلا مشاهده بیوریلان معنا معلوم فقیرانه من
اولدی لحیه داعیانیه منک تقبیل و صاغ جهتمده اجلاسکز قریت . عنویه
و مواصلت مادییه اشارتدر . رب یسر و لاتعسر دیگر بر معناده بر طاقم
شیطانک هجومی و تلاوت اولتان آیات کریمه دن صکره مندفع اولدیغی
بیلدیر یلیور ایدی احتمالکه حالت یقظه ده ملاقی اولدیگیز جلیس سوؤن
ناشی اولسون . زیرا جلیس سوء دائماً شایطیندن خالی دکلدر (ایا کم و جلیس
السوء . معلوم فاضلانہ لریدر لیکن نه چاره بعضاً واقع اولور که نجات

قابل اوله ماز . کما قیل (ما کل یتقی المرء یدرکه تجری الراح بما لا تشتمیه
لسفن) مولام موفق بیورسون اناجلیس من ذکرنی سرینه مظهر
ایاسون آمین باقی السلام علیکم ورحمة الله وبرکاته .

یتیمش اوچنجی مکتوب

نعمت مواصلتی مبشر اولان برمعنائک مشاهده بیورلیدینی تبشیر
بیورمش ایدیکیز بشرک الله، حقیقه بیوک بر بشارتدر . فقیر کزه دخی
اویولده بر خاطره خطور ایدیور . آرتی ایر، کیجی یالکیز جناب
حق بیلیر (الخیر فیما اختاره الله) بک حضرت تلرینک اجازه نامه سندن
بیان محظوظیت بیورلمش ایدی الحمد لله تعالی علی ذالک . دیمک که اصابت
ذهن فقیرانه من خطایه کیتامش در بوکاده الحمد لله اوچنجی بر الحمد لله
دهاسویلرم که بودخی ذات عالیکنزک عمل قلیل مقابلنده ظن ایتدیکیز
فیوضاب کثیره یه نائلیتکنزه قارشودر او عمل قلیل دخی قالمینجه ارتق بتون
یتون متحیر اوله جعمنز تحق ایدر . چونکه فقیر کز شمدی اصلا علم
یوقدر یالکیز بر نماز قلیور لکن اوده عادت اقتضاسندمیدر؟ لومه ناسک
مخافتندن میدر؟ نه در بیله میورم الخاصل خالص الله ایچون اولدینغه هیچ
اینا میورم . نفسک حیلده و دسایسندن امین اوله میورم جناب حق جمله مزه
ایمان حقیقی احسان بیورسون . صورت ایمان ایچنده بر اقامسون آمین
مولانا بیورمشدیکیز وقتک امام ربانینی اولمشسکیز جناب حق ذات
فاضلانه کزی خواجه محمد معصوم یاپسونده بو فقیر کزی نه یاپارسه یاپسون
مع مافیه کریمدر ، رحیمدر احتمالکه قصور لریمی اسلافندن و یا خود
اخلافندن بر ذات کرامه باعشدر (وما ذالک علی الله بعزیز) حاجی عاصم بک
یرادر مزه باعشله سیدی فوق العاده ممنون اولوردم .

یتیمش دردنجی مکتوب

۲۹ مارت ۳۲۰ تاریخیه احسان بیوریلان التفاتنامه فاضلانه لریله
عیون تشکر و محمدی بودفعه دخی منور ایلدم . حق تعالی حضرت تاری
مدینه وجودیکیزی انوار فیوضات ایلله منور و لطائف عشره کزی
هوائف رحمانیه ایلله مبشر بیورسون آمین . فضیلتلو خواجه یکتا افندی
حضرت تلرینک دولتخانه عالیکزی تشریف بیوردقلرینی و بر کیجه
محبت و مصاحبه جان یزورانه لریله اکتساب ابتهاج اولندینینی بیان
بیورمش ایدیکیز . فوق العاده محظوظ اولدم . (آسمان رشک بردسوی
زمینی که درو : دوسه یاری دوسه دم بهر خدا بنشینند) خواجه
امجد حضرت شاه نقشبند بیورمشلردر .

« طریقه ما در محبت است » محبت و مصاحبه ایلله حاصل اولان
فیض و برکت ریاضات و عبادات ایلله میسر اوله میه جنی اربابنک
معلومیدر . (آنکه زتبریز یافت یک نظر از شمس دین : طعنه زند
بردهه سیخره کند بر چله) مولام بوکی اجتماعی جمله مزه نصیب
واحسان بیورسون . اول مجلس ملائک انیسک فیوضاتندن فقیر یکزیده
مستفید ایاسون آمین .

یتیمش بشنجی مکتوب

۲۵ تموز ۳۲۱ تاریخیه مورخ و التفات مخالصت آیات عارفانه لریله
موشخ اولان عنایتنامه لرینی آلوب مطالعه سیله ممنون و محظوظ اولدم .
بوالفتاننامه ده بین النوم والیقظه ظهور ایدن احوال دن معلومات ویرمش
ایدیکیز معلوم فقیرانه اولدی . ذکر و فکریله اشتغال ایدن اخوان

کرام ایچون دائماً بوکبی نمایشلرک ظهوری معلوم عالیلریدر. حضراتک بریسی «درطریقت هرچه پیش سالک آید خیر اوست» بیورمشدر. مع مافیه مشغولیت اثناسنده اکثریا ظهور ایدن غفلت لسان صوفیه ده (یخودلق) دیمک درمقبولدر. بوکبی یخودلق تکثر ایتدکجه وباخصوص قبض و بسط توالی و تعافب ایتدکجه نفس کنندی آرزولرینک تعقیدن فارغ بولماز. اولیاءالله حضراتی قبض و بسطی بر سالکک تعالی و ترقیاتی ایچون ایکی قنادر مقامنده تلقی بیورمشلردر. قبضدن مقصد هیچ بر سبب ظاهری اولدینی محله سالکک قلبه عارض اولان هم و حزنندن عبارت اولدینی کبی بسطندن دخی مهرا بلسبب روحنه توجه ایدن فرح و سروردن کنایه در. سالک بعضاً حزن و بعضاً سرور ایچنده بولنور و بعضاًده هر شیئی اونودور بر غفلت تامهیه معروض قالیرسه شهنه سز نفس اماردنک مألوف و مشتهیاتنی تدریجاً ترکنه موفق اولور و جناب حقک رضاسی دائر دسنده بولنان بر عبد مطیع اوله بیلیر. غفلت بوکبی بر فائدهنی انتاج ایدنجه عبادتده دهامفید اوله جنی طبعیدر. جناب حق اسباب توفیقکری و بالجله اقوال و افعالکزی طریقت و حقیقته تطبیق بیورسون آمین. و صلی الله علی سیدنا محمد و آله و صحبه اجمعین. ۱۹ آغستوس ۳۲۱

یتیمش آلتنجی مکتوب

شرفرسان بنان اشتیاق اولان کرنامه مخالصت علامه کز بودفعه دخی کمال مسار ایله مطالعه کذار درویشانم اولدی. مشتاق وصال اولان داعی بی پروبالکزی تکرار ایتدکجه ایلدی حق تعالی حضرت تلی

ذات موفقیت علامتکزی دائره اخلاص محبتدن بیرون ایتسون و (محشر المرء مع من احب) حدیث شریفک سرینه مظهر ایلسون آمین. کاه پدرافندی برادر مزله و کاه حافظ مصطفی و ذهنی برادر مزله فضیلتلو خواجه یکتا افندی حضرت تلیینه واقع اولان زیارتکزموجب تشکر در (النظر الی وجوه العلماء عبادة) حدیث شریفی معلوم عالیکزدر. نطق عالیلری حجت قاطعه مقامنده بولنان احمد سعید مجددی حضرت تلیینک آثار سعادت نثارنده مشهود فقیرانه اولان (یک نظر بیر به از چل چله) مصراع شریفی دخی اومعنائی مؤیددر. کذا شاهد نقشبند قدس الله سره الامجد حضرت تلی (طریقه مادر صحبت است) بیورمشلردر. بناء علیه قلبلرینی ذکر الله ایله احیالیتش اولان ذوات کرامک صحبت و زیارتلریله سعادت یاب هر دوسرا اوله یغفکزی مراحم جلیله جناب رب العالمیندن استرحام ایلرم. باقی خدایه امانت اوله سز افندم.

یتیمش یدنجی مکتوب

۳۰ مایس ۳۲۱ تاریخله مطرا اولان التفاتنامه معلولری بودفعه دخی. قلب درویشانم می محال ایلدی سجنجل ضمیر منیر کزدن اقتباس شادی و سرور ایلدی قال النبی المکرم صلی الله علیه وسلم (قلب المؤمن عرش الرحمن) معلوم عالیلری اولدینی کبی بومؤمندن مقصد مؤمن کاملدر یعنی باطلدن غافل و حق ایله شاغل اولان بر مؤمن عاقلدر عباد الله ایچون مقرر اولان ارزاق عرش مادییه تودیع بیورلمش اولدینی مثلاً بر عبد مراد الله ایچون دخی مقدر اولان فیوضات روحانیه قلب مؤمنندن عبارت بولنان عرش معنوییه توجیه بیورلمشدر قلوب اصداقاه توجه ایدن لذائذ معنویه

سابقه مرك تكرار تكرار مطالعه سيله حاصل اولان مسرتكزى بيان بيورمش ايدىكز فقير كزده مسرور اولدم جناب حقه تشكر ايلدم فصل ايتيميم بونجق عيارنده اولان كلمات درويشانه مزى كوهرشناس اولان ذواتك نظر تقديرينه مظهر ايدىيور بو مظهرينه سبب مستقل برشى وارايسه يالكز كندى عجز واقفارى اقرار و اعتراف ايلكدن عبارتدر . قال تبارك وتعالى « وما اوتيم من العلم الا قليلا » ظاهرى اولسون باطنى اولسون ادعاى علم وعرفان ايدنلرك حاله تأسف اولمليدر « من قال انا عالم فهو جاهل » حديث شريفى شاهد عادلدر ايشته برادر « الفقر فخرى » حديث شريفنه توفيقاً حالاً ، قالاً ، بدناً ، مالاً بالجملة ايشاي . مودوعه يي جناب حقتك بيلوب كند مزى فقير و محتاج بيلديكمز حالده (من عرف نفسه فقد عرف ربه) حديث شريفنه توفيقاً جناب حقى بيلمش اولورز و بوضو رتبه موجود اولان فقر مزى وسيله افتخار ايلرز مولا معينمز اولسون جهل مركبندن محافظه بيورسون آمين .

سكسان برنجى مکتوب

۱۲ نيسان ۳۴۰ تاريخيله محرر اولان احساننامه مراحم علامه شفقت كسترانه لرى آرايش انامل امتنان اولدى حق فقيرانه مده تعاقب وتوالى ايدن وخانه قلبى انوار مسرتله تنوير ايلين نير التفات بيغاياتكزده قارشوايفاي تشكر دن عاجز بولونديغمى اظهاره لزوم كورميورم هر پوسته ده آلدنم نامه كزك بياضى صهيغه سينه مزى تسرير سوادى ايسه سويداى قلبم مزى تنوير ايتكمده در جناب حق قادر بى نظير فيض وبر كتكزى تكشير ومشام جانكزى غير نسبتله تعطير بيورسون آمين . چونكه

طريقه عليه بهائيه مزه مخصوص اولان نسبتك بوى دلجوسى كى دنيا ده بر رايحه طيه تصور اولنه مز بورايحه جسته مخصوص اولسه كر كدر « ولن خاف مقام ربه جنتان » آيت كريمه سى موجب جسته طريقه عليه ايله مشرف اولنلراچونده اوله بيلور ايشته جناب الله جل جلاله حق عايكزده تكرار ايتكمده اولديغم بو كى دعا ليمى بردفعه جق اولورسه اولسون شاين قبول ايدره اوزمان كنديمى بختيار بيليرم وظيفه تشكر برقسعنى ادا ايتش اولورم . والا فلا . رب يسر ولا تعسر آمين بحرمه طه ويس .

سكسان ايكنجى مکتوب

ايكى قطعه التفاتنامه كزى آلدم او قودم شيوه كفتار يكزه طويمق ممكن دكلدر غايت كوزل ياپيورسكز طاتلى حوادث ويريورسكز حقيقتدن وبخصوص اخوان طريقك صفاي حالندن بحث ايدىيورسكز جناب الله قال و حالكزى دائماً عال العال ايتسون اخص امالكزى تحصيل رب متعادلن عبارت بيورسون آمين . ضرورت خارجنده بولنان دنيا ايشلرنده اهمال دن باشقه چاره اولمديغى اشعار بيورمش ايدىكز فوق العاده محظوظ اولدم چونكه دنيا ايشلرني تعقيب ايلك عادتاً كولكه يي تعقيب كيدر اولاشمق قابل دكلدر انسان عاقبت عزيز اولان عمرى او بولده صرف ايدره كندينى آلدنمش اولاجنى بديهيدر . زيرا « ارجى » امر جليلنه اجابت ايدنجه سعيتك هبايه كيتمش او وطن حقيق اولان قبر ايجون كر كى كى تدارك انده بولونماش اولديغى تظاهرايدرنه كيم سعادت ابديه يي تأمين مقصديله رضاي رب العالمين بولنده صرف مساعى ايدنلر ايكى جهتي دخى قرانمش اولورلر قال عليه السلام « ان الله تعالى

و فواید لدنیه نك جمله سی علی طریق الانعكاس بر قلب شریفك بر نور لطیفك اثر التفاتیدر . قال علیه السلام (مثل امی مثل المطر الخ) یعنی امتك كمینی رحمت کیدر . عشق الله، محبت الله، ذكر الله ايله قلبك احیاسنی آرزوایدنار قلبی رخی روحانیت اولیانك توجهنه معروض ایتمیدر لر مبتدیلر رابطه دن مأذون اولانلر ایسه مراقبه دن غفلت ایتمایلدی لر . گاه رابطه وگاه مراقبه سایه سنده سلامت دنیویه و سعادت اخروییه نك حصولی شبهه سزدر . رب یسر ولا تعسر . داعیكز مظهر اولدیغ لطف و شفقتكزه قارشو نه صورتله بیان محمدت ایلیه جكمی بیله میورم خیر دعادن بشقه بر شئی دوشونه میورم حضرت الله ذاتكزی مراد وكون بكون فیض و بركتكزی مراد ییورسون باقی السلام علیکم ورحمة الله و برکاته .

یتیم سکزنجی مکتوب

عریضة درویشانه مدر

انواع التفات ايله موشح و انماء تعطفات ايله مرشح اولان مکتوب بلاغت اسلوب عالیری دست تکریمه آله رق لسان تعظیم ايله قرائت ایدلدی . مال مکارم اشمالی مشتاق جمال و عاشق کمالرینی غریق لجه من و مسار ایلدی برهفته صکره بشارت سعادت ايله اراسته و فیوض بیغایات ايله پیراسته اولان دیگر بر التفاتنامه یه، پارلاق بر سعادتنامه یه ده نائل اولدم شویله که سپهسالارانیا علیه افضل التحایا افدمن حضرت تیرینك حضور لامع النور لرنده شرف مثوله نائل بیورلدیغكزدن و اخیراً صورت درویشانه مزله مصور اولان بر عالیجنابك روحانیت شریفه لرندن قلب عالیرینه قایمق دنكسندده علم حکمت و معرفت و جناب حقه محبتك افاضه

بیورلمسندن اعطای معلومات اولنش ایدی بوندن طولای حق تعالی حضرت تیرینه عظیم تشکر لرده بولدم اساساً اولانجه اعتماد ايله سلسله اولیاء الله درکار اولان تابعیت و هر بر اوامر و ارادات خالصانه لرینه کوستر مکده اولدیغكز عرض تسلیمته فارشو بوکی فضائل مفتخره ايله سرافراز و بین الامائل والاقران ممتاز بیوریه جغكز معلوم فقیرانه ایدی شمدی یالکز بر تبریک ايله اکتفا ایدر و بوندن بویله دخی کرک ماده و کرک معناً حائز اولدیغكز سعادتلرک صره سیله تشبیر بیورلمسنی نیاز و استرحام ایلرم باقی السلام علیکم ورحمة الله و برکاته .

یتیم طقوزنجی مکتوب

جناب فخر عالم و مرشد مکرم سید العرب والعجم افدمن حضرت تیرینك التفات جهاندرجات معنویه لرینه مظهر و ورثه کرانك توجهات باهر الفیوضات قلبیه لرینه نائل و مظفر اولدیغكزدن طولای ذات صداقت آیاتكزی تبریک ایدر و طالب رشد و رشاد اولان عباد صالحینه تعلیم طریقت و القاء نسبت فیض و برکت ایچون عزیمذن حائز اولدیم رخصت المجانجه ذاتكزی مأذون ایلرم جناب حق و فیاض مطلق حضرت تیرلی قلبكزی منبع ایمان و لسانكزی مجرای عرفان ایلسون و ذات عارفانه لرینه اختیار صحبت ایدن اخوان دینی شرف صحبتكزدن مستفید بیورسون آمین و صلی الله علی سیدنا و هادینا محمد وآله و صحبه اجمعین . و آخر دعوانا ان الحمد لله رب العالمین .

سکساننجی مکتوب

۱۲ نیسان ۳۲۰ تاریخیه اولان التفاتنامه کز واصل اولدی عریضة

سابقه مرگ تکرار تکرار مطالعه سیله حاصل اولان مسرتکیزی بیان. بیورمش ایدیکیز فقیر کزده مسرور اولدم جناب حقه تشکرا ایدلم نصل. ایتیمیم بونجق عیارنده اولان کلمات درویشانه منی کوهر شناس اولان. ذواتک نظر تقدیرینه مظهر ایدیور بو مظهرینه سبب مستقل برشی. وارایسه یالکیز کندی عجز و افقارمی اقرار و اعتراف ایلکدن عبارتدر. قال تبارک و تعالی « وما اویتیم من العلم الا قلیلا » ظاهری اولسون باطنی. اولسون ادعای علم و عرفان ایدنلرک حاله تأسف اولمیلدر « من قال انا عالم فهو جاهل » حدیث شریفی شاهد عادلدر ایشته برادر « الفقر فخری » حدیث شریفنه توفیقاً حالاً، قالاً، بذناً، مالاً بالجملة اشیای مودوعه بی جناب حقک بیلوب کند منی فقیر و محتاج بیلدیکمز حاله (من عرف نفسه فقد عرف ربه) حدیث شریفنه توفیقاً جناب حق بیلمش اولورز و بوضوئله موجود اولان فقر منی وسیله افتخار ایرلز مولا معینمز اولسون جهل مرکبندن محافظه بیورسون آمین.

سکسان برنجی مکتوب

۱۲ نisan ۳۳۰ تاریخله محرر اولان احساننامه مزاحم علامه شفقت. کسترانه لری آرایش انامل امتنان اولدی حق فقیرانه مده تعاقب و توالی ایدن و خانه قلبی انوار مسرتله تنویر ایلین نیر التفات بیغایا تکیزه. قارشو ایفای تشکر دن عاجز بولوندیغمی اظهاره لزوم کور میورم هر پوسته ده. آلدیغم نامه کزک بیاضی صحیفه سینه منی تسریر سوادى ايسه سويدای قلب منی تنویر ایتکده در جناب حق قادر بی نظیر فیض و برکتکزی تکشیر و مشام جانکزی غیر نسبتله تعطیر بیورسون آمین. چونکه

طریقه علیه بهائیه مزه مخصوص اولان نسبتک بوی دلجوسی کی دنیا ده بر رايحه طیه تصور اولنه من بورايحه جسته مخصوص اولسه کر کدر « ولن خاف مقام ربه جنتان » آیت کریمه سی موجب جسته طریقه علیه ایله مشرف اولنلرایچونده اوله بیلور ایشته جناب الله جل جلاله حق عالی کزده تکرار ایتکده اولدیغم بو کی دعا لریمی بر دفعه حق اولورسه اولسون شایان قبول ایدر سه اوزمان کندیمی بختیار بیلیرم وظیفه تشکرک بر قسمنی ادا ایتمش اولورم. والا فلا. رب یسر ولا تعسر آمین بحرمه طه ویس.

سکسان ایکنجی مکتوب

ایکی قطعه التفاتنامه کزی آلدیم او قودم شیوه کفتار یکزه طویمق ممکن دکدر غایت کوزل یاییورسکیز طاتلی حوادث ویریورسکیز حقیقتدن و باخصوص اخوان طریقتک صفای حالندن بحث ایدیورسکیز جناب الله قال و جالکیزی دائماً عال العال ایتسون اخص امالکیزی تحصیل رب متعالدن عبارت بیورسون آمین. ضرورت خار جنده بولنان دنیا ایشلرنده اهمالندن باشقه چاره اولمادیغی اشعار بیورمش ایدیکیز فوق العاده محظوظ اولدم چونکه دنیا ایشلری تعقیب ایلک عادتاً کولک کی تعقیب کیدر اولاشمق قابل دکدر انسان عاقبت عزیز اولان عمرینی او یولدم صرف ایدر سه کندینی آلداتمش اولاجنی بدیدر. زیرا « ارجی » امر جلیله اجابت ایدنجه سعینک هبایه کیتمش و وطن حقیقی اولان قبر ایچون کرکی کی تدارکاتده بولونما مش اولدینی تظاهر ایدر نته کیم سعادت ابدیه بی تأمین مقصدیله رضای رب العالمین یولنده صرف مساعی ایدنلر ایکی جهتی دخی قرانمش اولورلر قال علیه السلام « ان الله تعالی

يعطى الدنيا على نية الآخرة « حق تعالى حضرتلری بزی سزی وكافه
اخوانمزی عبث ايله اشتغالدن محافظه بيورسون هم و همتمزی سعادت
ابديه مصروف ايلسون آمين . سيداقدی برادرمنك انشاآتی تبريك
ايلرم مولام مبارك ايلسون خانه محبت لائه طريقت بيورسون آمين .

سكسان اوچنجی مکتوب

تلغرافكز تاريخدن برآی صوكره پوسته ده ظهورايتدی سوكیلی
حسنمك خاطرینه سبب برشی سويله يه ميورم . يوقسه سويله نه جك سوز
چوقدر . هله مقابله كونلری ، او حلاوتلی ، او حرارتلی اوفیض و برکتلی
او اولیاء اللهك توجه و عنایتلی كونلری ، صادقك ، عاشقك ذكرا لله
ايچون اجتماع ايليه جك كونلری كورمش اولسه ايديكز شهبه سز آغلارديكز
جالكزی كورمكدن دور اولان باصره منك وكفتار كزی ايشتمكدن
مهجور بولان سامعه منك حالي ايشتمش اولسه ايديكز محقق باطنكزی
داغلارد كز ! (السفر قطعة من السقر) حديث مشهوری اكلار
وسفر كزك سقردن برقطعه اولديغی جان ايله وجدان ايله ادراك ايلرديكز
نه چاره كه شيمدی نصیتمزی مائده صبر وشكيدن آرامق اضطرارند
بوليورز مع مافیه آزا جقده نارك محسناتی تعداد ایدلم : شويله كه اولان
نارك فراق اولسه ایدی زلال وصالك قدر و قیمتی شهبه سز لایق اولديغی
قدر تقدیر اولمازدی . ثانیاً كيجه لری نائرة محبت شعله فشان اولسه ایدی !
شراره خيالخانه یی تصویره اصلا امكان بولمازدی . ثالثاً نار اشتیاق
اجرای خدمات مهمه و محسنات معظمه سی انكار اولناملیدر ازان جمله
مغشوش اولان آلتونلری خالص العیار ایدن آنجق آتشدر . كذلك دنيا ده
ايكن حسنات ايله سيئاتی امحا ایتیم مذنبلری وبالا خره مظهر عفو

ومغفرت اولمین . مؤمن عاصیلری داخل جنت و نائل نعمت اولمق ايچون
مهيا ايلین ينه آتشدر . شونی ده علاوه ديه بيليرم كه وصالده يم فراق ؛
فراقده ايسه اميد وصال موجود اولديغدن نافر فراقی زلال وصاله
ترجیح ایدن فكر لرده اكسيك دكلدر . لكن بن بوكی افكاری
جف القلم انكار ایتمه مكله برابر مختار اولور سه اختیاراتك طرفداري
دكلم . چونكه اختیارم ؛ بی تاب توأم ، بر كرده اولمليح النداء اولطيف
الصداء او ظريف الادا اولان بلبلجكاره دقت ايديكز بهار موسمی كلنجه
بروجهله تحمل ایده ميور . فرياده باشلايور . كلارك خالفه يالوار ييور .
كيم بيلير نه لر دوشونيور ، نه لر سويله يور ، نه دعالر ايد ييور ! الحاصل
نه لازمه اجرا ايد ييور . بلبلك مرادينه نائل اوليور جناب حق
بزيده ، سزيده ، حسنی ده مرادينه نائل بيورسون آمين .

سكسان دردنجی مکتوب

۳۷ نسان ۳۲۰ تاريخلی اولان عنایتنامه كز عیون انتظار و جفون
افقرانه می ترین و تنور ایلدی . زلال الطاف ايله آبدار و مهر منیر اعطاف
ايله تابدار اولديغی کلمات رنگین و عبارات شیرینكزی علی التكرار مطالعه
ایتمش اولديغم حالد بروجهله استغنا حاصل ایدمدم لذاذ مادیه و مغنویه
سندن طویه مدم جناب الله قوة قلمیه كزه امداد و لطف و شفقتكز
نسبتنده علم و عرفانكزی مزداد بيورسون بز فقیر حقیر ده خاطر
عاطر كزدن چقارمسون آمين . مولانا جامی قدس الله سره السامی
حضرتلری بيورمشلردر « مپیچ از عشق رو كچه مجازيست - كه اوهر
حقیقت كار سازيست » یعنی عشق دن یوزچو یرمه ولو كه مجازی اولسون

زیرا عشق حقیقی ایچون بر مقدمه مواصلتدر . لسان عربی ده الحجاز
قنطره الحقیقه بیورلمشدر . معلوم عالیلری اولدینی کبی مقامات دنیویه
ذروه بالاسنه ارتقا ایچون مبدأندن منتهاسنه قدر وسائط متعدده
ووسائل متنوعیه مراجعت ضروری اولدینی مثللو بالافرق وبلاتقاوت
انسان فنا فی الشیخ اولدقچه فنا فی الرسول وفنا فی الرسول اولدقچه فنا فی الله
اوله میه جنی طبعیدر . هیچ شبهه یوقدر که حق عالیگزده محضامو هبه
الشی اولان ایمان واذعان و بزرگی درویشانه قارشو اتیان ایتمکده اولدیغکنز
لطف واحسانه قارشو جناب حق ثانی یه ثانییدن ثالثه ایصال ایله جکدر .
رب یسر ولا تعسر رب تم بالحیر یا الله .

سکسان بشنجی مکتوب

زیرده کی سید الاستغفار ترجمه سله برار اخواندن بر ذاتک طای
اوزرینه تحریر اولنمشدر . اللهم انت ربی لا اله الا انت خلقتنی وانا عبدک
وانا علی عهدک ووعدک ما استطعت اعوذ بک من شر ما صنعت ابوء لک بنعمتک
علی وابوء بدینی فاغفر لی ذنوبی فانه لا یغفر الذنوب الا انت .

(اللهم) ای بنم اللهم اعتراف ایده رمکه (انت ربی) سلسله بشریتک
مبدأندن منتهاسنه قدر بتون معناسیله بنی تربیه ایدن انحق سنک ذات
اجل واعلا کدر چونکه (لا اله الا انت) سندن بشقه بر الله یوقدر (خلقتنی)
و اعتراف ایدرمکه بنی خلق ایدن وغمدن وجوده کترین سنسک
وانا عبدک (بن ایسه سنک قولک و مخلوقکم یعنی اوامر جلیله سبحانیه نک
انفاذینه مهییم) (وانا علی عهدک ووعدک ما استطعت) کذلک ایقای
وظیفه عبودیتیه دائر قالو ابلی ده سبق ایدن عهد و پیمانک اجرا سنه

استطاعت بشریه لاحق اولدینی قدر آمادیم شو قدر وارکه (اغوذ بک
من سرماصنت) سائقه غفلت وجهالتله واقع اولان تقصیرات گذشته مک
شر وشائفتندن تخلیص جان و جنان خصوصنده دارالامان مغفرتکه
التجا ایدیورم (ابوء لک بنعمتک علی) ای بنم سو کیلی اللهم بارئه عیبانه مده
رایکان اولان نعم کونا کونکه مقرر اولدیغ کبی (وابوء بدینی) هیچ بر
عقل ومنطقه صیغیمان کناهلری ده بیلیر واعتراف ایدیورم اوله ایسه
یاربی (فاغفر لی ذنوبی) واقع اولان خطایامی عفو و مغفرت ایت
(فانه لا یغفر الذنوب الا انت) زیرا ذات اجل واعلا کدن بشقه عفو
ذنوب ایده جک بر الله یوقدر .

سکسان آلتنجی مکتوب

۱۴ نیشان تاریخی تحریرات خالصانه لرینی کالی مسرتله الووب مطالعه
ایلدیم مع عائله صحت وعافیتده بولندیغکنزی تبشیر ایتمش ایدیکنز . جناب حق
عرض تشکرده بولندیم بزر دخی حمد الله تعالی عموماً عافیتده یز . مولام
حضر تلی مادی معنوی اولان انعام واحسانلرینی اوزر مزدن اکسیک
بیور مسون آمین . لطائفک زک مقدا بر درجه توقفده بولندیغنی شمدی
ایسه له الحمد انتظام واعتداله نائل اولدیغنی بیان ایتمش ایدیکنز . معلوم
اولدینی اوزره قلب امور خارجیه دن متأثر اولور . مثلاً کوتو هوادن
صحت بدن محتل اوله جنی کبی اهل قسوت وغفلت ایله مصاحبه دن ده
قلب متأثر اولور . زمانزده ایسه بوندن تمامیه قور تولوق ممکن
اوله میه جغندن اکثر اوقات رابطیه دقت ایلک لازمدر . رابطه نک
خفیف وقولای جهتی ده واردر . حق جل وعلا حضر تلی (و کونوا

مع الصادقین) بیورمش اولدقلری کبی انسان فکر آمرشدینی در خاطر ایتک و بوجهتله معیتده بولندیغی دوشونمکده رابطه در. سز اولودیمز دخی بوصوفته امرار اوقات ایدوب جناب حقی لطفندن مایوس اولمالیسکمز. مع مافیہ یوللر کسب صلاح ایدر. وانشاء الله تعالی صله رحم اولق اوزره بردفعه دها بورالره کلوب پدر مغویکزی مسرور ایدر سیکز.

خواجه محمد معصوم حضر تارینک رابطه یه فوق العاده اهمیت و یردیرمش اولدینی مکتوباتده کوردم. زیرا رابطه منتظم اولدقدنصکره لطائفک ذکر ی انتظامی غائب ایتز وعادتا انسانه مرشدینک وظیفه سنی ایفا ایدر یعنی سالک طریقتی ارشاد ایلر و شرعاً حسن ویا قبیح اولدینی اشیای الهام ایلر.

سکسان یدنجی مکتوب

بودفعه دخی تنزلاً احسان بیورمش اولدیغکمز برقطعه مکتوب واصل اولدی حق فقیرانه مده شایان بیوریلان لطف و شفقت و باخصوص دلالت اولنان اذکار شریفه یه ایدیلن مداومه قارشو حق تعالی حضر تارینه عرض شکران ایدلای معلوم عالیری اولدینی کبی امراض مادییه مبتلا اولانلر منزل مقصوده اولاشتمق ایچون قطع مسافیه اقتدار بدنیه لری مفقوددر کذلک (قد افلح من زکیها) آیت جلیله سی موجب جه علی العموم هر بر شخصده موجود اولان نفس اماره ده کی علل امراض معنویه (ذکر الله شفاء القلوب) حدیث شیرینی ایله معالجه پذیر اولدقجه جنات عالیاته منتهی اولان طریق نجاتک سیر و سلو کنه موفق اوله ماز دو قنور سز،

برچته سز، اجزاخانه سز اولدینی حالدده حدیث شریف ایله مثبت بولنان برشفای حاجله دلالت ایلن فقیرکزی دعوات خیریه دن محروم بیورمیه. جنکزه امنیتم برکالدر. انشاء الله تعالی رابطه شریفه یه یاورور و حایت اولیا زابر اولدینی حالدده قریباً مهم مسافر لک قطعیه داعیکزی تبشیر بیوررسکمز جناب حق موفق بیورسون آمین بحرمه طه و یس والسلام علیکم ورحمة الله و برکاته.

سکسان سکزنجی مکتوب

بودفعه دخی غایت آبدار و غایت معنی دار اولان برقطعه التفاتنامه کززه نائل اولدیغمدن طولانی کنیدی تبریک ایدر و ذات صادقانه کززه تشکر ایلرم. مخدومک خسته لکندن و معاتبه داخلیه یه تحمک کوجلکندن و تدبیر کزله حرکت ایتیمان عتابجیلرک حق سز انخدندن بحث و بیان بیورمش ایدیکز جناب حقی صنعنه و سودیکی قولاری حقنده کی امتحانه و سیر حکمتدن ییخبر اولان بر طاققریله اجتماع ایتدیر مسنه ترکی عرب، عربی عجمله برآزاده بولندیر مقدمه اولسنه ندیملی یز هر نه قدر حضرت موسی علیه السلام (ان هی الا فتنتک) بیورمشدر لکن دوغریسی بوکی تجلیلر فقیرکزه غایت کوزل کوزیکور (ضرب الحیید ذییب) خاطره کلیور محبوب هر نه قدر اذا حفا ایدر سه صادق اولان عاشق خوش کورملیدر. اویله دکلی یا! برغم کدردن راحت ایتک آرزو ایدنلر موتی اختیار ایتیلدرلر (موتوا قبل ان تموتوا) مقامنه داخل اولمیلدرلر طریقت علیه ده سیر و سلوک ایدنلر سعی و غیر تارینه و باخصوص استعداد لری نه هر شدلرینک دخی محبت و التفاتی انضمام ایدر سه مقاملرینک تعالی ایده چکی

طبیعی در جناب حق و فیاض مطلق حضرت تریونیک محض احسانیه بر سالک مقام موته نائل اولور سه غم و کدردن سالم و (الان اولیاء الله لا خوف علیهم ولا هم یحزنون) سرینه مظهر اولور مولام سزی و بزى بوعلی مقامه واصل بیورسون .

سکسان طقوزنجی مکتوب

بودفعه دخی شرف و رودیله تلطف بیورلدیغم احساننامه معلاى عارفانه لری رسیده دست تکریم و تعظیم اوله رق اظهار بیورلمش اولان لطف و شفقت و قات اندرقات دکر مک فوقنده بولنان اخلاص و محبتک ایفای تشکرینی بروجهله ایفا ایده میه حکم و ارسته قید و تعریفدر حق تهالی فیض و برکتکیزی مزداد بیورسون طریقه علیه بهائییه درکار اولان حرمت و رعایتکیز نسبتنده ترقی و تعالی کیزی احسان بیورسون آمین حق عالی کزده موهبه جلیله السیه اولان توجهات معنویه پیرانه اتباعاً طرف داعیانه مدن سبق ایدن اجازتنامه بو دفعه دخی بالخاصه تبریک ایلرم جناب الله حق خالصانه لرنده مبارک و مسعود و تجلیات مادیه و معنویه ایچون مقدمه مکارم نامعدود بیورسون . مراقبه شریفه اثناسنده و سرمست باده محبت اولدی عکیز برهنه کامده بوفیق حقیر یکیزی دخی یاد ایدوب دعوات خیریه دن محروم بیورما مکزى بالخاصه رجا ایلرم اعظم اولیای نقشبندیه دن عبدالله احراری قدس الله سره العالی حضرت تری ملاقی اولدیغی اخوان دین و عباد صالحینک دعوات خیریه لری دائماً اعتنام بیورمش و جنات حقیق رضا و رحمتی قزاق ایچون عمل و عباداته اعتقاد بیورما مشدراوت (وما خلقت الجن والانس الا ليعبدون)

آیت جلیله سی ایجا بنجه بر قول ، بر مخلوق ، عمل و عبادت سایه سنده انجق عصیانندن نفسی قوربارمش اولور فضله بر فضیلت ادعاسنده بولنه ماز و هر زمان فیضی دعوات خیریه و اولیا الهک توجهات قلبیه لری مثللو وسائط بهیه دن انتظار ایلر و فقنا الله تعالی وایا کم آمین .

طقساننجی مکتوب

قریحه صبیحه لرندن ظهور ایش و کمال عرفان ایله سلاک سطورده چکلمش اولان و باخصوص کوه کرا نه های عاطفت و جوهر فرح فزای عزت کیزی مبشر بولنان عبارات لطیفه و تعییرات منیفه لریخی تحریرات مخصوصه ایله آلوب لسان شکران ایله قرائت و عیون مباحات ایله تماشا سانه مسارعت ایلدم شمش تابان التفاتکیزه معروض اولان بو ذره بی مقدارک شمدیه د کین فراموش بیورلدیغی نعمته مقابل حق تعالی حضرت تریینه تشکرده بولندم . جناب الله قلب شریف کیزی دریای علم و عرفان و روح پرفتوح کیزی عمان ایمان و ایقان ایتسون آمین . معلوم عارفانه لری اولدیغی کبی جنات خالق عظیمک ضعیف قوللرینه احسان بیورمش اولدیغی نعم جلیله نک الهمی ایمان و ایقاندن عبارتدرکه نجات اخرویه به مدار اولمله برابر نشاط قلبیه و آسایش دنیویه ایچون دخی بر عطیه السیه در قالی علیه السلام (الایمان بالقدر بذهب الهم والحزن) شونی ده علاوه معروضات ایده لم که ایمان لغه یالکیز ایتنا مقندن عبارت ایه سه ده فضائل دنیویه و اخرویه بی جامع و کافل اولان ایمان عمل ایله مقارن اولان بر ایماندر حدیث شریفده (لا یقبل الله ایماناً بلا عمل و عملاً بلا ایمان) رزقنا الله تعالی وایا کم آمین . در سعادتده بولندیغم اثناسده مشهودم

اولان عنایت و مرحمت جلیله کز قارشو وجود مک هر ذره سنده موجود
اولان حسن محبت و آرزوی موصلتی کشف و ایضاً ایچون سر اثر معنویه
عالیترینک کفایتی کور مکده اولدیغمدن بوباده کی اظناب و تطویل ایچون
محل بوله میورم. یالکیز شو قدر سویلر مک مجلس ملائک انیس روحانیلر زنده
بردها باصره کوروشمک، سامعه ایشتمک، زبان سویله مک شرفه
نائل اولورسه قلبه جلا، روحه عدا، چانه ده بشقه بر ذوق وصفانک کله چکی
شبه سزدر مولام احسان بیر رسون آمین والسلام علیکم ورحمة الله وبرکاته

طقسان برنجی مکتوب

اقصای آمالم اولان سعادت و سلامت احوالکیزی مبشر و بقای
التفات خالصانه اصدقانه لرینی مشعر بر قطعه احساننامه کزی الوب
مطالعہ سیله محظوظ اولدم جناب خالق عظیم و واهب رحیمه تشکر ایلدم
معلوم عالیلری اولدیغی کی سالتک راه اولان ذات دائماً بر نقطه ده
بولمز منزل بمنزل قطع مسافه ایتدیکه هر بر مقامه مخصوص بولنان اطوار
احوالی مشاهده ایدر و بو کی احوالک نیک و بدنی تمیز و تفریق ایچون
اولا مرشد و ثانیاً شرع شریفه مراجعت ایلر شریعت نقطه نظر زنده
مردود اولیان احواله مقبول نظریه باقیلیر بناء علیه اشعار بیورمش
اولدیغکیز کیفیت حد اولسون شائبه غائله دن آزاده در. موجب تشکر در
مع مافیه مادامک فضايتلو خواهجه یکتا افندی برادر مزله ده کوروشمک
قولایجه در بعضاً مصاحبه بیوریکز چونکه اوزاتک تجربه لرینه علاوه
اولق اوزره قوه علمیه لریده مکملدر انشاء الله تعالی فائده دن خالی اولمز
جناب الله جمله کزی مکائد شیطانیه دن محافظه بیورسون آمین.

طقسان ایکنجی مکتوب

بو مکتوبکیز پک طباتلی ایدی پک تحف ایدی بلکده تحف
ایدی. و قتم مساعد اولدیغی حالده برایی سطرک تقدیمه مجبور اولدم
شویه که حالکیزی هیچ بکنمیوب باشند قره خواجه افندیکنک زیارته
کیتدیگکیز بر کون مأمولک خلافتده بر التفاته، بر تحسینه نائلیتکیز
داعی حیرت اولدیغی یازمش ایدیگیز اوت؛ بو کی احوالی برنجی
دفعه مشاهده ایلین ذات فوق العاده بر حیرته، بر حجاب، بر اضطرابه
دوچار اولور سببی ده اصلاً کشف و مشاهده ایده میور ایشته سزه
توجه ایدن شوحالی تصویر و تقدیر ایدنجه فوق العاده سویندم؛ کولدم
وخیر دعاده بولندم چونکه حق جل و علا حضر تلرینک اولایمان
ثانیاً عقل عرفان ثالثاً اجزای بدنیه و قوای معنویه کی قیمتی تقدیر مزک
فوقنده بولنان نعم جلیله ربانیه سنک ادای فریضه تشکرندن عاجز همد
مقصر اولان بر انسان کنیدیسنی غایت مجرم، غایت کنه کار، غایت
شرمسار کورمدیکه آفرین قرانه مز، مقبول بارگاه. وحدانیت اوله مز
بتون موجودیتک و دیعة الله اولدیغی یلمدیکه واجب الوجود حضر تلرینی
توحید ایده مز. شرک اصغر دن نجات بوله مز (وجودک ذنب لایقاس
یه ذنب آخر) بیورلشدر. حضرت الله ذاتکزه ایمان حقیقی توحید
حقیقی احسان بیورسون، صورت ایمانن بتون بتون خلاص ایلسون
آمین.

طقسان اوچنجی مکتوب

عریضه متقدمه فقیرانه مده صرف ایتمش اولدیغم تنزلاً کله سینه

ذهنكزك ايلششمس وتوجيهي ايجون خيلي مشكلاته دوششمس اولديغى .
 اظهار بيورمش ايدىكز . لطفكز وار اولسون . معلوم عاليارى
 اولديغى كي داعيلريكز كرك اثنائى تقريرده وكر كسه زمان تحريده بالمله
 صرف ايتديكم كلات مهمما امكن دقت ايدر وبر حقيقتة توافق ايجون
 صوك درجه رعابت ايلرم . وتنزلاً كله سنه كلنجه : داعيكز كائناتك
 وبله ذراتك هر هانكي بريله كندى موازنه و تطبيق ايدىيور ايسه
 لى التحقيق او شيك مادوننده قاليورم بيكناه اولان مور ضعيفه
 بيله كندى ترجيح ايدىيورم لکن جناب حق اخوان كرامى مستفيد
 ايتك ايجون فقيريكزى بيوك كوسترييور . بوايسه كندى بيله چكيدر .
 الحمد لله على ذالك عاشقلى متأثر ايتك اوزره كافه معارفدن خالى
 اولان (نى) ده دخى بر چوق پردلر ، نغمه لر ، كوزل ضدالر خلق
 ايدىيور . وهو على كل شى قدير . مولام عاقبت و انجام كاريمزى
 خير ايتسون هر نفسده جناب حقه محتاج اولان نفسمى كندمزه
 بيوك كوسترمسون آمين) قاله عليه السلام (اللهم اجعاني في عني
 صغيراً وفي عين الناس كبيراً) باقى السلام عليكم ورحمة الله تعالى وبركاته

طقسان دردنجي مکتوب

تسليمات افقرانه مى تحفه مجلس شريف وتحيات احقرانه مى هديه
 موقف مينفكز ايتد كدنصكره افاده اولنوركه : تسريورؤاد مفخرته
 سزا وتنوبر نهاد محمده بحق بجا اولان نامه دلکشانه كز داعى بى
 ریاكزه واصل اوله رقى فحوای كرانها سندن حاصل ايتديكم حس
 شكرانه مقابل دعای واجب الاداكزى تقديم بارگاه كبريا ايلدم . ساحة
 سينده ديكمش وزلال اخلاص ايله اسقا بيورمش اولديغكز شجره

محببتكزك ثمره سعادته نائل بيورييله جفكز آشكار ايدى . پيشواى
 اولياى احمدى و مقتداى اصفياى محمدى اولان بهاء الدين نقشبندى
 حضرت تليرينك انقاس مطهره سنه مظهر وشاهراه حقيقت ايجون عطيه
 الهيه اولان مطيه نفس اوزرينه غالب ومظفر اولما كزى هادى اكبر
 حضرت تليردن استرحام ايلرم . عذاب اخرويه دن مقدمات نجاتى احسان
 بيوران جناب الله مقاصد معظمه فوز و فلاحه لازم اولان كال استقامتى
 دخى سهل وآسان بيورسون آمين . تطويل مقال ايله ذات با كال كزى
 تصديق ايتماك فقيريكز ايجون بر وظيفه اهم اولديغى حالده كاه كاه
 ظهورات سعادت علاماتكزك تبشيره تلطيف وتسريور بيورييله جغمى
 استرحام ايدر و اندنصكره ارتق ايتري ايتسه من ختم كلام ايلرم باقى
 جناب حقه امانت .

طقسان بشنچي مکتوب

۱۱۳۳ نيسان ۳۲۱ تاريخلريله تحرير بيورلمش اولان عنايتنامه لر
 تور كي نور كي قلب درويشانه مزى مسرور ايلدى . فضلتلو خواجه يكتا
 افندى برادرمنك انضمام رأييله بلغورلى قريه سنه نقل خانه بيورلمش
 اولديغى معلوم فقيرانم اولدى . «وهو معكم ايما گتم» آيت جليله سى
 معلوم عاليكزدر . محبت فقرايور و رابطه شريفه برابر اولديغى حالده
 معيت معنويه مظهر اوله بيله جككز طبيعيدر . معافيه زمان ومكانك
 وبله كده ما كولات ومشروباتك جياتندن جسم وجانه عائد اوله جق
 ترقياتى مجدد الف ثانى جناب امام ربانى حضرت تلى دخى قبول وتصديق
 بيورمشلردر . حق تعالى حضرت تلى خانه وجوديكزى انوار مراقبات

ایله پر نور ولانه قلیکزی سلطان اذ کارک وجودیله مسرور بیورسون
آمین . داعیکز حصه وظیفه عائد اولان ادعیه خیریه کزی ایفایه
غیرت ایتمکده قصور ایتیم چونکه رجال طریقت قدما سندن واولیای
گرام ایله الفت ایدنلرک ظرفاسندن اولدیغکیز معلوم فقیرانه م اولمشدر
جناب الله دعای ناچیرانه منی قبوله شایان و بوضو رتله ده قلب مهجورانه
منی شادان و خندان بیورسون آمین و صلی الله علی سیدنا محمد و آله
و صحبه اجمعین .

طقسان آلتنجی مکتوب

بوندن برسنه مقدم مشاهده بیورمش اولدیغکیز رؤیای صادقانه ک
سابقه سیله طریقه علیه نقشبندییه شرف اتسا بکزی مشعر و شمدیکی
حالده صلات و سلام ایله ذکر نفسه مأمور بولدیغکیزی مبشر ساء
نیسان سنه ۳۳۱ تاریخی برقطعه التفاتنامه یه نائل اولدم جناب حق
احسان بیورمش اولدینی اخلاص و محبتکزی عادتاً تجسم ایتیم کبی
تلقی ایلدم . پدر عالیکزه تشکرده بولدم زیرا « و حسن نبات الارض
من کرم البذر » بیورمشدر حق تعالی حضرتلری ذاتکزی کبی بر اصل
و فرعی اصول و فروع دین ایله فیضیاب وایکی جهانده موفق و کامیاب
ایلسون آمین .

حافظ مصطفی افندی و ذهنی افندی برادرلرمزدن بیان ممنونیت
بیورمش ایدی اوت بونلرده اولان اخلاص و محبته فقیر کزدخی غبطه
ایدیورم . بونلرده اولان قوه جاذبه یه خیرت ایدیورم بونلرک دروغ
مصلحت آمیزینه تعجب ایدیورم فقیرکزه اسناد ایتدکلی مناقبدن کلیاً

محروم اولدیغیم حالده فائده سنی دخی حس ایدیورم . مولام حضرتلری
بونلری اخلاص و محبتلری نسبتنده بزمه و سرکه برابر معبر بیورسون .
نفس اماره یه زبون ، حیلله و دسایسه مغبون اولان غافلاندن
ایتمسون فقیر کز بونلرک جماعتندن محروم ایسه مده حمد اولسون التفاتلرینه
مشمول (اول رفیق ثم الطريق) بیورمش اولدینی کبی ذات عالیکزی بو
کبی ذاتلرک و باخصوص فضیلتو خواجه یکتا افندی برادر مرک صحبت
و محبتنه دلالت و ترغیب ایدر . و حق فقیرانه مده کی تمائل قلبیه نک دوام
و بقاسنی استرحام ایله رک ختم کفتار ایلرم و السلام علیکم ورحمة الله
و برکاته .

طقسان یدنجی مکتوب

۱۱ ایلول ۳۳۱ تاریخلو احساننامه مخالفت علامه عالیلری واصل
آیادی بهجت اوله رق لسان شادمانی ایله قرائت ایدلدی دعوات خیریه
موفقیتلری تلاوت و تکرار اولندی حق تعالی حضرتلری طریقه علیه
مشهود اولان هم و همتکزی عالی و متعاقب اولان واردات و فیوضاتکزی
متتابع و متوالی بیورسون آمین . سوره شریفه حدیده محسوس
فقیرانه م اولان دقائق و غوامضک تفسیر و ایضاحی اراده بیورمشدیکن
فقیر کز برکون تفسیر شریف مطالعه ایدر کن او سوره مبارک یه
معادف اولدم جناب حق لایعد و لایحصى اولان نعمتلرینی مشاهده
ایتد کدنصکرده کز و عبادتنده بطائت کوستر مک نه قدر بیوک بروجدان سر
لق اولدیغنی مؤدی اولان «الم بان» الی اخره و مزخرفات دنیویه نک عادتاً
بر او یونجاق مثابه سنده اولدیغنی اعلام ایدن «اعلموا انما الحیوة الدنیا
لعب و لهو الی آخره» و درجات اخرویه نه نائل اولق ایچون عبادتک

لرومنی ارأئه ایلین « سابقوالی مغفرة الخ » وهر بر خصوص ده جناب
حقه متوجه اوله جغمزی لازم کوسترن « ما صاب من مصیبه الی آخره »
کبی بر چوق آیات حکمیه به مصادف اولنجه هیچ کور مامش واستماع
ایتمامش کبی متلذذ اولدم و بولتدن ذات عالیکزک دخی لدی المظالعه
حصه مند اولسنی آرزو ایلدم آیات کریمه نک علم الله تعالی ده عقول بشرک
خارجنده بولنان بر چوق معناسی واریسه ده معلوم فقیرانه م اولان قسمی
ذات عالیلرینک دخی معلومیدر. بناء علیه زیاده تصدیعه لزوم کور مدم
انشاء الله تعالی مطالعه بیوریر و مندرجات باهره الفیوضات. فرقایه لرندن
مستفیض اولورسکز و من الله تعالی التوفیق .

طقسان سکزننجی مکتوب

۹۱ مایس سنه ۳۳۱ تاریخلی التفاتنامه کز واصل اولدی متأثر
بر قلب، متألم بر خاطر ایله یازلمش اولان اونامه مودت غلامه یی تماشا
ایدن کوز، قرائت ایلین لسان فقیرانه یی توصیف ایتک ایستیورم . لکن
بری دریاه دوشان و دیگری مقام اقتداردن دوشان ایکی پریشانندن
نشان ویرمک ایچون بر عارف عالیشان و بر کاتب بلاغت افشان لازمدر
ذاعیکز کبی خادم درویشانک اقتدارندن خارجدر. زیارت فاضلانله لریله
شریاب اولان خلیل افندی نک صورت ملاقات و محبتنی اوقود قجه
واو مجلس ملائک انیسک علویت شانی دوشوندکجه وجود فقیرانه مه
توجه ایدن اندوه فرقت و آرزوی وصلتی بوجه ایله تعریف ایده م
حق جل و علا حضرتلری او خلیل صادق احسان ایدن شرف دیداری
بو علیل وامته ده احسان بیورسون . ایدیلان ادعیه خیریه یی بارگاه

اجابتنده شایان قبول ایلسون آمین . انشاء الله تعالی بر قاچ کونه قدر
مومی الیه خلیل افندی بورایه کلوب جمال جانانی کورن کوزلرینک
مشاهده سیله تنویر عیون ایلرز . بو کون زیارت اخوان پک زیاده
اولدیغندن شو ورقپارده یی اوچ درت فاصله ایله تحریر ایتمش اولدیغم
کبی علی ذاعیکز دخی تقدیم غریضه ایچون اصلا وقت بوله مامشدر
الریکز یی او پیور استغای قصور ایدیور لطفاً عفویوریکز عفو قصور
خصوصنده توقف ایتیه یکز (الجزا من جنس العمل) قضیه سی معلوم
عالیلیدر . عبادات و طاعات ایچون مساعد زمانلرک کمال غفلت ایله
کچمش اولدینی داخل حساب اولورایسه واقع اولان قصورلرک عفوی
ایچون بر زمین مساعد احضار ایتمش اولورسکز . باقی وفقکم الله
تعالی آمین . والسلام علیکم .

طقسان طقوزنجی مکتوب

اخلاص مجسمه و محبت معظمه اطلاقنه سزا اولان ۱۵ آغستوس
۳۳۱ تاریخلو التفاتنامه کز بو دفعه دخی مشتاق وصالکزی دلشاد
ایلدی اخلاص و محبت کامله نک معناسنی تمامیه بزره بیلدیورسکز
لکن نه چاره که اختیار اولدم عمل مانده اولدم حضرت پیرک دنیاده
بولدینی وقت بدن موجود اولدینی بر زمانده اخلاصکز کبی بر اخلاصه
مالک اولسیدم دودیکی چالمش اولوردم شمدی زمان سز کدر فرصت
سز کدر بو کبی بر اعتقاد ایله طاشه متوجه اولسه کز عظیم بر فیوضاته
نائل اولورسکز . تبریک ایلرم حق تعالی حضرتلری بو عاجز قولنی
تقلید صورتند بر افسون صحیح بر محبته مالک بیورسون اختیارلق

زمانك يالكيز برحاني سويورم اوده بوندن عبارتدر اكثر اوقات خاطره كليوركه وقت بتدي رحلت زمانى تقرب ايتسدى . شمدى به دكين دنيا ايچون چالشسيدك بلسكه معقول ايدى لكن بوندن صكره ناوله جقسك كنيجمى اوله جقسك . هشياراولملى (ارجى) امر جليل الهى ايجانجه واقع اولان دعوت حقك اجابى ايچون مهيا اولمليست . ايسته بوكي شيارى دوشوندكجه نفس مدافعه دن اظهار عجز ايدىور ومعقول بر جواب بوله ميور جناب حق جمله منى موفق بيورسون غفلته بر اقسون آمين .

يوزنجى مکتوب

بو پوسته ايله اولان تحريرات بهيه كزى دخى آلوب مطالعه سنى سرمايه مسار ايلدم وار اوله سز برخوردار اوله سز، برطاقم اخوان ايله واقع اولان ملاقات ومحببتكز موجب محظوظيت اولدى جمله كز ايچون خير دعا اولندى جناب حق شايان قبول بيورسون آمين . سماحتلو افندى حضرتلرينك سلام وبقاى التفاتندن فوق العاده ممنون اولدم (من تواضع فقد رفعه الله) حديث شريفه مظهر اولسونلر . كنديكزى مشاراليه حضرتلرينك حضورنده كورديككز حالده جمله ايچون احسان الهى اولان وجذبه ذائبولنان رؤيا كز جاى تشكردر قال النبي عليه السلام (جذبة من جذبات الرحمن توازى عمل الثقلين) مشاراليه حضرتلرينك سايه سنده سز دخى بو شرفه نائل اولمشكز الحمد لله على ذلك معلوم عاليكز اولدينى كبي اكابردينك منتهى آرزولرى جناب حقه تهربدن عبارتدر . كا قال تبارك وتعالى فى حديثه القدس

(لا يزال عبدى يتقرب الى بالنوافل الى آخره) لكن عبدك كندى عبادتى ايله واقع اولان قربيت ومشى وحركتى جناب قوه المتين حضرتلرينك جروجذبه نسبة . برقرارنجيك رفتاريله بر شمندوفرك قطع منازلنده كى فرقدن ده زياده در مشاراليه حضرتلرينك قلب انورلرنده موجود اولان كمال استعدادى سزك بو معنا كز لايقيله كشف وايضاح ايدىيور . جناب الله بز فقيرلى دخى نظر التفاتلرندن محروم بيورسون عرض خلوصى كنديلرينه تقديم ايديكز داماد عاليرينه وسائر اخوانه كذا والسلام عليكم .

يوز برنجى مکتوب

درجه استحقاقك فوقنده ابراز بيورلمش اولان محويت وكال رحم وشفقتى ناطق بر قطعه التفاتنامه كرى آلوب مطالعه سيله دعوات خيريه كزى بخلوص البال ايصال قبولكاه رب متعال ايلدم . بودرجه محويت هر نه قدر علم وعرفانكزله متناسب ايسه ده فقير كز دنيا ده وآخرته ذات مكارم صفاتكزله افتخار ايدرسه م روادر . جناب حق بو عبد مجرمى شفاعتكزه مظهر بيورسون آمين . بيان بيوريلان حقايق معلوم فقيرانه م اولدى . طرف داعيانه مزدن ظهور ايدن (صبر ايديكز) جمله سى (من صبر ظفر) حديث شريفيله موافق اولمشدر (الحق يعمر) فحواسنجه انشاء الله تعالى نفس وشيطانك مكائدى هپ ضعيف دوشر حق غالب اولور . عليه الصلاة والسلام افنديز حامل الاذا ايمش وارث اولانلر دخى اويله اوله جقدردر . انفاس قدسيه عزيزندن مأمول ايده رمكه ذات عاليكزه يار وه بر حال وكار كرده مددكار

اولسونلر . جناب حق فيضكزى مزداد وقلبكزى شاد بيورسون .
 اخوان كرامتك ترقيرينه مدار ايلسون آمين . انشاء الله تعالى صبر
 سايه سنده هر برمشكل حل اولور . شمدريك كندم ايچون براسترحام
 ايتك ايسته يورم شويله كه برماه اوليور جناب حقندن اولا كنديمه ثانياً
 اخوان كرامه كمال ايماني رجا ايديورم . بناء عليه دعوات خيريه كزه
 محتاجم بلكه اوسايله موفق اولورم چونكه بعض علاماته باقنجه كمال
 ايمانه اشد احتياج ايله محتاج اولديغى آكلايورم لطفاً ملاقي اولديغكز
 اخوانه بيان كيفيت ايديكز غفلت بيورماسونلر . رابطه ده بيله بو
 مقصدي هر بر مقصدلرينه تقديم و ترجيح ايتسونلر ذات عاليكز دخي توجه
 بيورر كن كمال ايماني القايه غيرت بيوريكز حمد اولسونكه جناب الله
 بوقضائى بيلديردى جهل مريكمه بر اقادى (ذلك فضل الله يؤتيه
 من يشاء) مكتوب عاليكزى سراپا اوچ درت دفعه او قودم هيچ
 فقره سنى جوابسز بر اقامدم عند التامل معلوم فاضلانلرى اوله جقدر .

يوز ايكنجى مکتوب

ه نيسان ۳۲۰ تاريخيله سيواسدن يازلمش اولان احساننامه كز
 واصل اولدى . فوق العاده محظوظ اولدم . الهى محظوظ وهر بر كدر
 و ائلمدن محفوظ اوله سز مرحوم پدرك مقامنه تعين بيورلديغكزى يازلمش
 ايديكز . مفارقتكزى محزون اولدم ايسه ده ينه جناب حقه تشكرده
 بولمقدن بشقه چاره مزيوقدر . چله تمامش انشاء الله تعالى مدتي بيتدده
 سزك وسزك كبي عاشق صادقك لقاسيله تشريف اولنور . رابطه ايله
 شمدريك اكتفا ايليز (وكونوا مع الصادقين) آيت جليله سى او معنائى

مشعردر . حرارت فضله اولور سه صلاه وسلامه دوام بيوريكز در سعادتده كي
 اخوان كرامدن مشاهده ايتديكز لطف و شفقت و بوداعيلرى حقنده
 فرط مرحمتلى بيان بيوريليور ايدى جناب حقه شكر . اوت بويجه
 كلنجه : لسان قال و قلم كوتاهدر . اربيله ايكن بيكمه برندن ده ناقصاتي
 عرض ايتش ايدم . ليكن بودخى معلومدر كه انواع كالات ايله آراسته
 وانجاء مزيات ايله پيراسته اولان بر قومي علم و عرفان ايله جلب ايلك
 قابل اوله ماز . آنجق بو ذاتك فقير كز حقنده كي حسيات شفقتكارانه لرى
 داعيكزك عجز و بيچاره لكندن منبعثدر . دنيا ده كندمدن بر عاجز
 و بريچاره كوره ميورم ، بيله ميورم . ذاتكز دده شو حقيقى تصديق ايدرسكز
 شوقدر وار كه حضرات نقشبنديه موجود اولان بنده كيت سايه سلنده
 بر خوق ذوات كرامك حسن توجهنه مظهر اوليورز . حضرت الله
 اوسايله آخرتمزى دخي سهل و آسان بيورسون آمين .

مواصلتدن محروميت اولديسه ده كاه كاه مراسله ايله تلطيف بيورمكزى
 بالخاصه رجا و شمدريك شوقدر معروضات ايله اكتفا ايلرم . على و محمد
 داعيكز ايله خلفا و مريدانك بر طاقى يعنى ذاتكزى بيلنلرى مخصوص
 سلام ايدر لر افندم .

يوز اوچنجى مکتوب

ادهم افندى برادر مذك خانه سنده او طور وب يازديغكز التفاتنامه يي
 او قودم درگاه شريفده نائل اولديغكز روحانيتك بر مثلنه او كيجه نائل
 اولديغكزه و داعيكزك كويا او مجلسده حاضر بولنديغم حقنده كي حسن
 ظنكزه خيلي محظوظ اولدمسده بر خوق دخي محجوب اولدم . آه
 عجب بويله مى ؟ صد آه آيا جناب حق بو عبد عاجزى عفو مغفرت شايان

ایدرمی؟ اما نه دن؟ چونکه عادتاً براوتل ایله فرقی اولمیان مسافر خانه دنیاده کی اقامتی دوشونان و «انا الله وانا الیه راجعون» جمله سنی حقیله تأمل و تفکر ایلمن بر عبد عاقل، بر عاقل کامل شبهه سز هم و همتی، او امانسز، او چاره سز اولان مقام دهشت و اربخوابگاه وحشت و وحدت ایچون صرف ایله دنیانک سریع الزوال اولان جاه و مالنی نتیجه آمال ایلمن مع مافیه بزینه «انا الله وانا الیه راجعون» سویلرز یالکیز لساناً اولسون سویلرز و تمامنه نائل اولق ایچون جناب حقه تضرع ایلرز و من الله تعالی القبول.

یوز دردنجی مکتوب

عائله نك، عائله نك كثر تندن، نفس طارلنندن واقع اولان شکایت کزیه يك ممنون اولدم. بیوک مصیبت اودرکه انسان بو کثرتك مضرتی بیلمسون مرضی تشخیص ایتمسون او حالده چاره اوله من. علاج بولنه من، حکیمه مراجعت اولنه من. حفظنا الله تعالی وایا کم آمین. فقیر کزیه قالورسه ذات معارف صفات کز نائل اولدیغ کز ادراک واذعان سایه سنده مکائد شیطانیه قایلرز و نفس اماره یه تمامیله مغلوب اولمزر سکیز. کیجه قارا کاخنده اولسون راه سلامت و سعادت بولوب تعقیب ایدرس کز. شیطانی اغفال نفس اماره یی اقناع ایدرس کز یقینی قورتارر سکیز. کندیکیزی مسئولیت اخرویه دن مهمما مکن خلاص ایدرس کز. مولام معین کز اولسون، مشایخ دست کیر کز اولسون رابطه دلیل کز اولسون. ذکر خفی رفیق شفیع کز اولسون آمین. التفاتنامه کزی کورنجه واسکی. مراجع کز بقاسنی مشاهده ایدمجه یکی دعا لیمی لسان شکران ایله تکرار و کمال اخلاص ایله تقدیم بارگاه جناب پروردکار ایلدم والسلام علیکم.

یوز بشنجی مکتوب

کاغذ، قلم و مرکب کی آلات و ادوات کنایه منتظماً ارسال بیوردیکز لکن کتابت خصوصنده کی نقصان لیمی ا کمال ایچون نه یاپه. بیلیرس کز؟ بوبابده ذات کز کی برکاتب شرین زبان ودها طوغریسی برمنشی. معجز بیان لازمکه اوجهی ده تأمین بیورسون علوم و فنونک تحصیلنه مساعد بر زمان بولنان اوائل عمر می تنزه و اختلاط و استماع ترنم و نغمات ایله تار و مار و خیول نجییه درکار اولان فرط محبتی یکه میوب هر کون براسب سبک رفتارده سوار اوله رق دشت و کلزاره کشت و کذار ایله امرار ایلدم. قرائت، کتابت، عبادت کی مقاصد معظمه دن همان همان بتون بتون محروم اولق درجه سنه کلدم. جناب حقه حمد اولسون که بر زمان او یاندم وزمین تضرعده حضرت پیرک درگاه مهجته طیاندم و محضاً اوسایه ده یعنی بلا محاهده مقاصد مذکورده نك بهرندن آنجق بر نبنده جکنه و بلکه ده اقل قلیله نائل اولدم حق تعالی حضرت تباری ضایعاً تمزی یالکیز بوندن عبارت بیورسون. تحصیل رضای باری و نعم جلیله پروردکاری یه صرفی لار مکن بقیه عمر منی آرزوی نفسانییه تابع بیورسون و جمله منی «من رضی عن الله رضی الله عنه» حدیث شریفه مظهر اولان فرقه ناجیه یه الحاق ایلسون آمین.

یوز آلتنجی مکتوب

۱۱ تمور ۳۴۰ تاریخله اولان التفاتنامه کز واصل اوله رق صوک درجه محظوظیت فقیرانه می موجب اولدی. هله آرن او وودک دکر حقنده کی فکر و مطالعه سنی و چار کی اولسه بیله امنیت ایدمه جکی نفسه

تشبیه ایدوب کوزه ل کوزه ل بیان بیوردیغکزی کورونجه فوق العاده مسرور اولوب خیلی کولدم بوکی طلوعاتکزه مقابل جناب حقه تشکر ایلدم انشاءالله تعالی (من عرف نفسه فقد عرف ربه) سرینه مظهر اولورسکیز . واقعا نفسک حيله و دسائسه نهایت یوقدر عبادت یولنده انسانی اولادینی ممکندر . حق تعالی حضرتلری جمله مزى محافظه بیورسون . فقیر کزده کندیسندن قورقورم « و ما ابری نفسی » سویلیورم هله اوال اولک، دعا طلب اولمق، برچوقلری انتساب ایلک نه قدر مخاطره لی در بونارک بر ذره سی کندیجه عطف ایدرسم هلاکه کیده حکم شبهه سزدر . لکن حیاتم هر بر قسم کنديک اولدیغی و کافه افعال واقوالایه برابر امانت من عندالله اولدیغی دائماً کندیسنه افهامدن غافل بولمخورم مولام موفق ایلسون آمین .

یوز یدنجی مکتوب

۲۸ شباط ۳۲۲ تاریخیه تلطیف بیورلدیغم التفاتنامه کزی کمال شوق و نشاط ایله آلوب حق تعالی حضرتلرینه عرض شکران ایلدم چونکه حق فقیرانه مده رایگان بیوریلان آثار التفاتکیز وسیله مباهات و نائل اولمقده اولدیغم دعوات پر برکاتکیز بر نعمت تمتع المکافات قیلندن بولندیغی بدیهیدر . جناب الله قلبکیزی معدن انوار و سری کزی مخزن اسرار ایلسون محبت ماسوا سبیلله دوچار ا کدار ایتسون آمین . بحسب الوظیفه مشاغل رسمیه دنیا و غوائل کثیره ماسودن واقع اولان شکایتکیز معلوم فقیرانم اولدی . اشبو دارفانک بحیره محیطنده هر کون بر صورتله تجسم و هر ساعت بر سر غلته تهاجم ایدن امواج مدهشه دن استخلاص

ایچون دامن خواصه صارلمق و جناح مستوجب الفلاح عن یزانه ضعف مقدر بشقه بر چاره اوله میه جنی معلوم عامر فانه لریدر (ظاهری باخلق باطنی باحق) حضرات نقشبندیه قدس الله تعالی اسرارهم العلیه افندیلر مزک توجهلریدر . انشاءالله تعالی قریباً مشاهد سیله محظوظ اولورسکیز یالکیز رابطه و مراقبه به کریمیت ویرمیسکیز . غوث الصمدانی عبدالقادر الجیلانی قدس سره (یقدر ماتشتریکم ابیع) بیورمشلردر . فهم من فهم سر چاوشکیزک طریقت علیه مزه اتسابیله نشه یاب اولدم . الهمی فیضیاب اولسون . قال النبی المکرم صلی الله علیه وسلم (ما من شیء احب الی الله من شاب تائب) هنیئاً له تبریک و تسلیات فقیرانه می کندیلرینه تبلیغ بیوریکیز . ذ کربل سبیلله حرارت زیاده و فوق الطاق اولدیغی حاله ذ کری موقتاً تعطیل و یالکیز رابطه و صلاة و سلام ایله اکتفا ایلسنی دخی توصیه ایلرم جناب الله امثالرینی تکثیر و اسباب ارشاد و توفیق کزی تیسیر بیورسون آمین بحرمة طه و یس و السلام علیکم ورحمة الله و برکاته .

یوزسکیزنجی مکتوب

فقیر حقیر ایچون بادی سربلندی و داعی پرتقصیریکیز ایچون سرمایه سعادتندی اولان بر قطعه عنایتنامه کزی آلوب شرف مطالعه سیله خوشحال اولدم الهمی خوشحال اوله سز . نائل اقصابی درجات کمال اوله سز . ذاتاً اخلاق جمیله نک اعلا سنه نائل و اوصاف حمیده بر کزیده نک بالاسنه و اصل و حقیقه بر ذات نادرالامائلدن بولدیغکزه آثار نادره شعار کز دلیل جلی و برهان لازم التسلی ایدی . بودفعه دخی استعداد ازلی یاور و امداد لم یزلی برابر اولدیغی حاله نور علی نور قیلندن

اوله رق طریقت علیه بهائیه ایله تنویر عیون روحانیت و تقریر جفون جسمانیت باینده کی تشبث و اتساب عالی جنابانه لری بشقه جده بادی بهجت و شادمان اولمشدر. تشبثاتکیزی تبریک و تشکراتمی تقدیم ایله افتخار ایدرسم بحاجدر. چونکه قال النبی صلی الله علیه وسلم (المؤمن للمؤمن کالبنیان یشد بعضهم بعضاً) جناب الله شجره طریقتکیزی ثمره حقیقتله بهره یاب و سرمایه غیرتکیزی. فائده سعادت و سلامتله کامل النصاب بیورسون آمین طریقه علیه منک ارکاتی کلیلله یکتا افندی طرفندن افاده و بیان بیورلدیغنه امنیم برکال بولوندیغندن بوبابده تطویل مقاله لزوم کوریم یالکیز کنزالعرفان کتاب مستطابنده بولان احادیث شریفه دن و باخصوص ذکره دائر بولنانلردن اقتطاف اثمارکیزی انتظار ایدر و بقای عافیتکیزی جناب حقندن استرحام ایلم .

یوز طقوزنجی مکتوب

زهنی افندی برادرمنله برابر قوناقدہ تحریر بیورمش اولدیغکیز تحریراتک مطالعه سندن فوق العاده محظوظ اولدم حق تعالی حضر تلی طریقت علیه اولان رغبتکیزی و آنک ثمره حسنه سی اولان فیض و برکتکیزی مزداد بیورسون آمین . امام علی کرم الله وجهه افندمن حضر تلی بیورمشلردر . دنیاده جمع ماله حصر افکارایدوب ثروت سامانه مالک اولانلر حیاتده ایکن اموات قیابندندر . حیات ابدیه یه نائل اولان آنحق معارف الیه و ازکار باطنیه یه مالک اولان برکیمسه در فی الواقع برانسان حقیله مطالعه ایدرسه فردایه قدر بقاسی معلوم اولمیان بر موجود ایچون ابدی بردولتی فدا ایتمز کذلک هم و همتک معظمی مالک علی الاطلاق اولان خالق عظیمک تحصیل رضای یولنه صرف ایلم . وفقنا الله تعالی وایا کم آمین .

کالی محبت و اخلاصکزه بر دلیل جلی اولان لطفنامه لریکیز هر هفته پوسته سیله منتظماً وارد اولمقده اولدینی کی بو هفته دخی بر قطعه سنه نائل اولدم ملاقات ایچون اظهار بیوریان آرزو و اشتیاقه اشتراک ایلدم . حق تعالی حضر تلی شو جدی اولان آرزولره مرحمت ایدوب نعمت مواصلتی احسان بیورسون آمین فی الواقع رابطه بر درجه یه قدر مدار تسلیت و مستلزم فیض و برکت اولور ولکن مواصلتده موجود اولان فائده یالکیز روحانیه مخصوص اولیوب جسمانیه دخی شامل بولدینی طبعیدر مولام مقصودکیزی حاصل مطلوبکیزه واصل بیورسون . الحاصل فقیرکیز لطفکیزک منون و شرمندہ سی اولدینم کی تکاسله میدان ویرمیان بردعای جسیم و بقای التفاتکیزک تمیائیه ختم معروضات ایلم والسلام .

یوز او تنجی مکتوب

عریضه فقیرانه مدر ؛

اصحاب عرفان ایچندن مشار بالنبان اولمغه شایان اولان بر فاضل عالیشان قارشویم کی بر خادم درویشان طرفندن بیان مطالعه خطا اولمسیدی مصرأ عرض وافاده ایده بیلیردمکه دنیاده الکیبوک موفقیته بر مشفق مهربانه بر مهربان صاحب اللطف و الاحسانه مالک اولمقندن عبارتدر . هر پوسته ایله منتظماً واصل دست افتخار اولان مراحم نامه لریکیز اوکی بر موفقیتهی تأمین آیمکده اولدیغندن ایفای وجیه شکران ایچون بحق عبارده بوله میورم واقع اولان تقصیراتی ستر ایتیمکه واسع اولان دامن عاطفتکزه التجا ایدیورم چونکه بر حسنه یه عشر امثال ایله

مقابله لازم ایکن بر عشرينه بيله موفق اوله ميورم . مع مافيه باره عايليرنده كي عطيه الهيه وموهبه سبحانهك بخش ايتمش اولديني علم وعرفان سايه سنده خانه توحيد اولان لانه قلبكزي محبت ماسوادن تطهير وانوار از كار ايله تنوير بيور مقده اولديغكزي احسان ايتكمده . وبويوزدن حصوله كان تسليت ومحظوظيت عظيمه يه مقابل حق جل وعلى حضرت تيرينه عرض شكران ايلكمده يم الهى موفق اوله سز در سعادت كي بر منبع معارف وارن كوي كي بر معدن لطائف خلق ايدن خلاق عظيم بلابل اشتياقزي كالستان مجالس وسنبلستان محافل كز دن محروم بيور مسون . رسل ورسائله دركار اولان اشد افتقار منري بتون بتون زائل بيورسون محض عاطفت محض لطف وشفقت يوزندن داعيكز كي بر بيجاره وفقير كز كي بر آواره يه ارزان بيوريلان احساننامه كز شبهه سز عندالله تعالى عظيم بر مكافاته نائل اوله جقدر قال النبي المكرم صلى الله عليه وسلم (من تواضع لله فقد رفعه الله) چونكه دنيا ده ديكري اولميان بر درويشه نزل ايدوب التفات ايلك عين تواضع اولديني بديهيدر . معلوم عاليلري بولنديني كي عباداللهك محروميتته سبب اولان مناهينك نري وياخود برنجيسى وجود وانانيتدر قال عليه السلام (وجودك ذنب لا يقاس به ذنب آخر) بناء عليه اميد ايدرمكه جناب الله ذات عارفانه كزي متواضع اولان سو كليلر دفترينه ادخال وقلب شريفكزي ذكر الله شوق الله ايله مالا مال ايدوب ميل ومحبت ماسوادن بتون بتون فارغ البال بيورسون دعوات خيريه وتلطيفات بهيه كز دن بزيجاره لري دخی محروم بيور مسون آمين .

يوزاون برنجي مکتوب

منطوق منور، مفهومي معبر، معنای معطر، مناسبی موقراولان

برقطعه التفاتنامه كزي آلدیم كال استعجال ايله او قودم . او قود قجه نشه ياب اولدم . صانكه خزينه سعادتى بولدم ، كنجينه عافيتى يقلا دم جانمه عزت، روحه صفوت قيلدم (چه مبارك سحرى بود چه فرخنده شبي : آن شب قدر كه آن نازه بر اتم دادند) قلمكز وارا ولسون، مشكبار اولسون عنبر نثار اولسون آمين . مولا (ناشكر معروف يقابل النعمة) دن عبارت ايسه كنجينه عاطفت عليه لرنده شرفباش اولوب اثر ناچيزانه مزك تقدير وتعزيفي خصوص صنده مبذول بيوريلان جواهر منشورهك مقابلنده ايفاي تشكر ذات عاليكز كي بر فاضل اديبك بر كامل نجيبك سرمايه اقتدارينه متوقف بولنديغدن بووظيفه مقدسه دن فك رقبه عاجزانه ام ايچون عفوي رحمانه لرينه جدا محتاجم لكن شكر دعا و ثنا معناسنه اولديني حالده (دعا المحسن اليه للمحسن لا يرد) حديث شريفنه اعتماداً سعادت دارين واستجلاب توجهات سيد الكونينه موفقيت عاليلري ايچون روزان وشبان جبين ساي آستان استرحام اوله جغمي تأميناً عريضه تشكريه مي مسكي الحتام ايلرم اولبا بنده وهر حالده لطف وشفقت رفق ومرحمت والكرم افندم حضرت تيرينكدر .

يوزاون ايكنجى مکتوب

مدار مفخرت ومايه محمدت اولان وكال عاطفت ومرحمتكزي مبشر بولنان برقطعه عنايتنامه كز واصل ايدى امتنان اوله رق ادعيه خيريه كزي رفع باركاه حضرت يزدان ايلدم . طريقت عليه بهائيه ده ذات دولتكز كي بر رفيق شفقت كستر وبر شفيق حقيقت پروره نائل اولديغمدن طولايي شكران فراوانمي تقديم وطالع برجسته فقيرانه مي .

دخی تبریک ایلرم. نتیجه تشکراوله رق وسیله اتخاذ بیورمش اولدیغکز روحانیت ايله الفت و رابطه شریفیه کرمیت و اهمیتله جماعت اولیا ايله حشر اولنه جغکزی و بنی بشره توجهی ملحوظ بولنان بالمله آفات ارضیه و سماویه دن محفوظ بیورلمکزی پیران عظامک شفاعتیه جناب حقک عون عنایتدن استرحام ایلرم مشهود باصره محظوظیم اولان طریقت علیه ده کی استقامتکزدن فوق العاده بمنون و جناب حقه متشکرم فاتح مدرسیندن فضیلتلو خواجه محمد افندینک سلامیه برابر درسینک خواجه یکتا افندی واسطه سیله نفسه ارتقا بیورلمسنى یازمش ایدیکز الحله تعالی علی ذلك مولانا معلوم اوله که لطائف عشر دنک جمله سی تصفییه محتاج بولندیندن سالک ایچون علی الترتیب جمله سیله ذکر ایلمک لازم. برانسان اوزرینه غسل شرعی لازم اولنجه بدنک هرجهتی و بلکه هر نقطه سنی ییقامق لازم اولدینی کی تصفییه باطنه رغبت ایدن ذات ایچون دخی لطائفک و بلکه ده اجزای جسمانیه سنک دخی کافه سیله ذکر ایلمک ضروری بولنمشدر شوقدروار که استعداد متفاوت بولندیقندن سالک اولان کیمسه ایچون هر هانکی لطیفه ده ترقی زیاده اولاجق ایسه او لطیفه به مداومت و دیگر لطیفه دن زیاده اکا رغبت الیمی مناسب بولنمشدر. بناء علیه اخوان کرامک کافه سی طهارت ظاهریه و نظافت باطنیه موفق اوله رق چرکاب معاصی و مظالمدن محفوظاً حضور باریده اجتماعزی و احسان بی پایانیله محظوظ بیوریله جغمزی رجا و تضرع و استرحام ایلرم.

یوز اون اوچنجی مکتوب

لطفاً ارساله عنایت بیوریلان تحریرات و فایات منعمانه لری واصل

ایادی تشکر اولدی غائب ایتدیگکز اولاد حقنده حاصل اولان غم و کدر ایچون انشاءالله مسئول اولمازسکز چونکه علیه الصلاة والسلام افندیمز حضرتلری دخی حضرت ابراهیمک فقدانده محزون اولدیلمز. مولام ایکی جهانده مکافات بیورسون موتی رابطه ایلمک بوکی مصای تهوین ایده جک اولدینی کی کندی موتی دخی تسهیل ایدر انسانی معذب ایدن دنیا محبتی تقلیل ایلر چونکه دنیانک اموالی و مراتبی و نفایسنی محبت فوق العاده آرزو ایلمک هر دورلو کناهک هر دورلو راحتسز لنگ اس الیاسیدر. جناب الله قلبکزی بوکی محبتلردن پاک بیورسون خانه ذکر و محبتی بیورسون و دوام رابطه و ذکر کزی وسیله نجات آخرت بیورسون آمین. ذهنی افندی برادر منک بو پوسته ايله کوندردیکی مکتوبنده سلام عالیکزی تلقی ایلدم محظوظ اولدم علیه الصلاة والسلام افندیمز حضرتلری آخرتی تشریفلرنده امت مرحومه سنه قرآن کریم ايله تفکر موتی یادگار براقش اولدینی معلوم سعادتکزدرد. مشایخ کرام حضرتانی دخی (و کونوا مع الصادقین) آیت کریمه سندن اقتباساً رابطه شریفیه اخوان کراملرینه توصیه و زمان مضایقه ده وسیله تسلیت اتخاذ بیورمش اولدقلمی جای تشکدر فقیر کز معناً اخوان کرامدن اوزاق اولما دیغم کی اخوان باصفا دخی ایسته دکلمی برزمانده فقیر کزی شرفیاب ایده بیلرلر بومیانده محروم اولان یالکز بر جسمانیتدر. یونک چارده سنی دخی جناب مولادن استرحام ایلر شوصره ده مواصلت ایچون ظهورات اولیور انشاءالله عن قریب نعمت وصاله نائل اولورز.

یوز اون دردنجی مکتوب

محترم ذوات حقنده یاپله جق برتواضع داعیکزه قالیرسه هنردن

معدود اوله ماز لکن نرم کبی ادنا بردرویش ایله اجرا بیور مقده اولدیغکنز
لطف و شفقت و ایفای و جائب مرحمت هر نه قدر تقدیر اولنور سه یری
واردر . جناب قادر مطلق ذات عالیکنزی موفق و مکافات معظمیہ
مستحق بیورسون . نفسکنزی اسیر و شیطانکنزی تسخیر ایتمش اولدینی
کبی قلبکنزی تنویر و مشام روحکنزی عبیر عنایتیله تعطیر بیورسون آمین
یالکنز پدردن موروث بر مشیخت عنواندن بشقه بر فضیلتیله مالک
اولیان بوقیر حقیری هر هفته تلطیف و هر دفعه بر طاقم جواهر عبارات
ایله تکریم و تشریف ایلک نجابتک کرامتک الکیوک شانندن بولندینی
بدیهیدر . وارا اوله سز . بذل کنجینه عنایتده برقرار اوله سز . بو پوسته ایله
احسان بیوریلان التفاتنامه ده سعادتلو ضیا یک افندیکن دخی سلامی
ایله تلطیف بیورلمش ایدم و علیکم السلام ذیہرک دعوات خیریہ کنزی
رفع بارکام اجابت ایلدم کمال تشکر و محمدت فقیرانه می لطفاً تبلیع بیوریکنز
باقی حفظکم الله تعالی وایانا آمین و صلی الله علی سیدنا و مولانا محمد و آلہ
وصحبہ اجمعین .

یوز اون بشنجی مکتوب

خاطر غمیدده وفواد ماتم چشیده فقیرانه مک تلطیف و تسیری
خصوصنه مصروف بیوریلان التفاتنامه مراحم علامه لرینک مطالعه سیله
بودفعه دخی مدیون شکران و مستغرق دریای امتنان اولدم . جناب
رحیم و رحمان ذات عالیکنزی (موتوا قبل ان تموتوا) حدیث شریفک
سرینه مظهر و خانه قلبکنزی انوار عرفان ایله منور و محبت ماسوادن
مظهر بیورسون (یوم لایقطع مال و لاینون الا من اتی الله بقلب سلیم)

آیت جلیله سی جمله نک معلومیله عاقبت و انجائی عنوده پسترخاک و اسیر
سر نیجه هلاک اولمق اوزره یارادلش و پانهاده مهد وجود اولمش اولان
ملت خیر الانام ایچون شتایان اهتمام اوله جق برشی وار ایسه یالکنز
سلامت قلبک اسبابنه توسل و تحصیل رضای باری یه توغلدن عبارتدر
جناب هادی السبل جل و علا حضر تلمری داعیلریله برابر ذات مکارم
صفاتکنزی «افضل العباد درجه عند الله یوم القیمة الذاکرون الله کثیرا»
حدیث شریفنه ماصدق ایدوب عباد صادقین صره سنه ادخال و قلب
روحزی کمال ایمان و تمام ایقان ایله مالامال بیورسون هاروت و ماروته
مشابه اولان ساحره دنیانک آرایش کاذبه سنه مفتون و میال ایتسون
آمین و السلام علیکم وعلینا وعلی جمیع المسلمین .

یوز اون آلتنجی مکتوب

سلف صالحین و اولیای کاملین افندیلریمزک حقنده کی اخلاص و محبت
و حواس معنویه آصفانه لرینک ال معزز بر نقطه سنده بسله نیلان حسن نیته
مقابل ایفای و جیه تشکر و محمدته وجدان فقیرانه من مدیون اولمقددر .
عهده درویشانه مزه تقویض بیورمش اولدقلری اوفه جق بر خدمت
سایه سنده بولیورکه ایکنجی دفعه اوله رق متعاقباً التفاتنامه دولتکنزله
بختیار و اظهار لطف و عاطفتکنزله نائل شرف و افتخار اولیورز .
دنیا ده بختیار و عقباده شایان افتخار اوله سز . قالنی المحترم صلی الله
علیه وسلم (یحشر المرء مع من احب) اولیای کرامه محبت ایدنار یعنی
آنلرک عمل و عبادت لربنه اتباع ایلانلر هر حالده شفاعت و لایینا هبارینه
مظهر و بشریت اقتضاسنجه وقوع بولمش اولان سهو نقصانلرینک اعمال

صالحه ايله جبر و تعميرينه مظفر اولورلر (يشفع يوم الجمعة ثلثة الانبياء
ثم العلماء ثم الشهداء) حديث شريفى دخى بومدعاي معلندر . (من قال
لا اله الا الله دخل الجنة) حديث شريفك ظاهرينه باقوب نجات آخرى .
قولاي ظن ايدنلر و محبت و شفاعت اوليايى لايقيه هم ييلمشلك كنديلرني
آلدتمش اولورلر . عليه الصلاة افدمزك نبوة و شريعتك حق اولديغنى .
اثبات مقصديله كفارك عناد و استكبارينه قارشو اصحاب كزيندن
خاله بن وليد رضى الله تعالى عنه افدمزك قوة قلب و كمال ايمان ايله
او قوديني بسمله شريفنى متعاقب بالا ترددولا توقف بر كاسه سمك تناول
ايتديكى روايت اولمشدر مشاراليه حضرتلرينك ايمان و ايقانيه متناسب
برايمان صاحبي تصور اولنورسه كلمه توحيدينه ده اعتماد اولنقى جائز
اولور . يوقسه عرش الرحمن اولان خانه قلبدى برخيلي مقاصد و ماسوا
موجود اولديغى حالده (لا اله . لا مقصود الا الله) لساناً سويلك نه درجه
حائز اعتبار اوله بيله چكى بديهدر . جناب الله خانه قلبمى لانه محبت
ايدوب انوار اكاراييه محظوظ (وقد جاء الحق و زهق الباطل) فهو اسنجه
ظلمت غفلت و محبت ماسوادن محفوظ بيور مسون آمين بحرمة طه ويس
وصلى الله عليه وعلى آله و صحبه اجمعين .

يوز اون يدنجي مكتوب

۲۸ شباط سنه ۳۲۰ تاريخيله محرر اولان تحريرات منوره لى
مدينه قلبمى تنوير و صاعقه مفارقتله خراب اولان رخنه لريني بدرجه
تعمير ايلدى جناب حق جل و علا حضرتلرى خانه قلبكزى برينت
معمور ايلسون بارقه عشق محبتله پر نور ايلسون عزتلو حاجى عاصم بك

برادر مرمى دخى ذات عاليكز دن آير مسون آمين عريضه متقدمه
حقير انمده مندرج اولان ادعيه خيريه وقت و زمانكزك حال و شانيله متناسب
بولنديغنى بيان بيورمش ايديكز و برحق تشكر و بيان ممنونيتده بولمش
ايديكز فقير كز دخى بوتصادفدن محظوظ اولدم انشاء الله تعالى قبوله
قرين اولمشدر چونكه جناب حق سوكيلى بر عبدك تسيرير و تلطيفنى
مراد ايدرسه دكل داعيكز كجى بر عبدك زبانه بلكه خامه دوزبانه بيله
ادعيه خيريه يى الهام ايلر انسانه لازم اولان شى كنديسنى كل اشيايه
قادر اولان بر ذات اجل و اعلايه سودير مكدن عبارتدر دولت محيته
نائل اولدقند نصكره نعمت دينويه و اخرويه جائز اوله جنى طيعيدر
(ولن خاف مقام ربه جنتان) حافظ افندى او غلمزك معالري شايان
تبريكدر ذات عاليكز دن كيديكى فانيله ايله داعيكز قيافتنده مشاهده
اولنان ديكر ذات طرفدن نائل اولديغى تاج شريفك تعبيرى بديهدر
كونشك آناختارينه كلنجه فقير كزك اعتقادنجه ذكر الله اولسه كر كدر
يداختارينه توديع اولمش ذكر ايدرسه انوار معنوى ايله بختيار اولور
والافلا رزقنا الله تعالى و اياكم مع سائر الاخوان بحرمة مرشدنا محمد
سيد ولد عدنان آمين يامعين .

يوز اون سكزنجي مكتوب

تاتار خليل افندى برادر مزله برابر ذهنى افنديك خانه سنده
قالديغكز كيجه نك حال شائى مصورو بريسى كولديريجى ديكرى آغلاديجى
اولان غبطه و تحسركزى مبشر بولنان التفاتنامه كز واصل اولدى مطالعه
اولندى بالا تردد ذاتكز حقه ويرلدى قلب فقيرانهم بوكجى مدعالرى

تصدیق ایتکه غایت مهیادر . اثبات ایچون استماع شهود احتیاجندن
مبرادر . بمنه تعالی قریباً مومی الیه خلیل افندی اربیله مواصلت ایدوب
زیارتلریله ذوقیاب اولورز حق تعالی حضرتلری دها بیوک زیارتلریده احسان
بیورسون و بو غبطه و تحسیر کله لرینی اورته دن قالدیرسون ، طرفینی
مستریح ایلسون آمین . اخوان کرامه تقدیم اولنان معروضات فقیرانه مک
فضیلتلو خواهیکتا فندیله قرائت و مزایا و نکاتندن عادتاغشی اولدیغکیزی
لطفاً اشارت و بلکه ده بشارت بیورمش ایدیکز جناب حقه حد و ثنا
ایلدیم زیرا برباقیری خالص آلتون عیارینه اعتلایتدیرن یالکز کندیسیدر
برکیمسه خدمت ایتمک و خدمته مقابل بالغاً ما بلغ مکافات آلق ایسترسه
یالکز اوزات اجل و اعلا یه خدمت ایلسون بشقه سنی موتا کی لاینفع
ولا یضر بیلسون ایسته اوزمان بحق لاله الا الله کله سنی سویلش اولور
معلوم عالیری اولدینی کبی الله اسم شریفی اسماء حسناتک کافه سنی
جامع بولنان بر ذات اجل و اعلا ایچون علمدر اوجالده لاله الا الله
دیمک لانا نفع لامانع لارازق الی آخره الا الله دیمکدر بناء علیه برانسان
مؤمن کامل اولمق ایچون ذکر شریف الیه لطیفه قلبی احیا و بو کله
طبیعی لسان قلبندن دخی اجرا اولمنسه اعتنا الیلیدر و فقنا الله تعالی
وایاکم آمین . باقی السلام علیکم ورحمة الله و برکاته .

یوز اون طقوزنجی مکتوب

۷ حزیران ۳۲۰ تاریخی برقطعه التفاتنامه کزه نائل اولدم یازدیغکیز
برقره دن او مرتبه محظوظ اولدمکه تعزیف ایدم مذکور فقره شوایدی
(بهر احیانامه کز صوراسرافیل کبی در معنیات و قبضه عزرائیل کبی نفس

چشمه ممت مثابه سند تأثیرایدر) الله ایچون تحف بر تشبیه ایتمشکیز
بوکی تشبیهلر نفس ملهمیه مخصوص اولدیغندن برآزدها ارتقا ایتسه کز
انشاء الله نفس مطمئنه الیه مشرف اولورسکیز اللهم ارزقنا آمین (یا ایها
النفس المطمئنة) نک نهایتده (وادخلی جنتی در) ایسته شهادت ، سعادت ،
سلامت بوندن عبارتدر . غیرت همت صرف قدرت بوکی بر نعمته سزادر بحدار
دنیا ده بو کون طوپلادیغک یارین اولور هیچ . عقبایه مفید اولدینی اعمالی بولوب
سییچ : ربط الیه قلبک غم دنیا یه بوراق کیچ . دربندینه موتک یولک او غرار
تیز اکر کیچ . اول کیچمسی دیشوار کز رکاهی اوتمه « افندی حضرتلرینک
کوشکنده قرائت اولنان مولد شریف حضرت نبویه حاضر بولندیغکیزی
وحاصل اولان فیض و برکت و کمال تأثیریکزی و او مجلس شریفده روحانیت
فقیرانه می مشاهده ایتکده اولدیغکیزی بیان بیورمش ایدیکز مولای
متعال حضرتلرینه عظیم تشکرلر ایلدم ناصل ایتیمیم صباحه قدر خواب
واستراحتده بولنان بر جسم کشفک روحانیتی ضیای شمس مثلودر سعاده
قدر ایصال و بوضو رتله سزک کبی بر ذات ستوده خصالی مسرور و خوشحال
بیورمسند کی آثار مرحمت و عنایت قال و قلم الیه تعریف اولنه من بر عطیه
سبحانیه و بر موهبه صمدانیه در ربنا آتنا فی الدنیا حسنة و فی الآخرة حسنة
وقنا عذاب النار باقی السلام علیکم .

یوز یکرمنجی مکتوب

التفاتنامه کز واصل اولدی صحت و سلامتکزه و بقای توجهاتکزه
مقابل نه یولده عرض تشکر ایدم جکمی بیله میورم جذباتکزی تبریک
ایلرم (جذبة من جذبات الرحمن توازی عمل الثقلین) حدیث شریفدر
انسانک کندی قوت و طاقتیله جناب حقه سلوک و قرینتی الیه جناب

حقك اخذ و جذبی آرالنده اولان فرق و تفاوت بین السماء والارضدر انسانده اولان قوت جناب اللهك قوته نسبة یوق کیدر . لكن شو قدر وارکه جذبه حقیقه سلو کدن صوکره اولان جذبه در که بوقسم مجذوبه سالک مجذوب اطلاق اولنور . مجذوب سالک ایسه متدیارک حال و شانیدر . استقامت ایسه لر مستفید اولورلر . والا فلا : حاجی عاصم بك افندی یه بالحاصه عرض تسلیات و تکریمات ایلمر غالباً مراقبه ایله احیای اوقات اییدیورلر . مبارک اولسون جناب حق اولان توجه و معیتلری مزداد اولسون .

معلوم فاضلانله لری اولدینی کبی مراقبه معیتک ساحه سی واسعدر (وهو معکم اینما کنتم) آیت جلیله سندن مأخوذدر . مراقبه اقربته منتهیدر (ونحن اقرب الیه من جبل الورد) آیت کریمه سنک معناسی آنجق بو مراقبه سالکالر ایچون اولدقچه منکشف اولور . اگرچه جناب حقک معیت و قرینتی هر بر مؤمن اعتقاد ایدرسده لکن مسموعات ایله مشهودات بیننده کی فرق عظیم دخی نظر اعتباردن دور طولمالیدر . بالک حلاوتی آکلامق استماع ایله ده میسر اوله بیلیر لکن ذوق ایله حاصل اولان معلومات شبهه سز بشقه در . رزقنا الله تعالی وایا کم آمین .

یوز یکریمی برنجی مکتوب

یوزیمی کولدرن و کوزیمی تنویر ایدن دست خطر نکین و عبارات شیرین والتفات سنکشکزی بودفعه دخی آلوب مژده عافیتکزه اولان آتش عطش ایچون مدارتسکین ایلدم فکری افندی برادر مزله ایفا سنه مأمور بولندیفک : وظیفه لک ماهی سندن ویردی ککزه معلومات لایقيله مفهوم

اولدی . مشاغل کثیره و غوائل وفیره کز آکلاشیلدی لکن اکلامق ایسته میورم و بوکبی معذرتی دیکله مک آرزوایتمیورم سز آجی برتوتونی اونوته میه جق اولدیغکزه حلاله فقیر کز او طاتلی جمله لری کزی مألوفی بولندیتم آثار لطف کزی ناصل اونوته یم ونه یولده آرزوایتمیه یم ! هر حاله ایلمر : اوت : یوم قیامتده (شغلنا اموالنا واهلونا) معذرتنک مسموع بیورلمیه جفی دخی بوبابده فقیر کزه حق کوستریور و آده صره ایکی سطر اولسون محرراتکزدن واز کچمیه جکمه ارئه طریق اییدیور . معلوم عالیکن اولدینی کبی غایت مخدود و موقت اولان حیات دنیا بک جلوه نمایشاری او یونجاق شکلی کوستر مکده بولندیغندن بتون اخوان کرامک طریقت علیه نک فیوضات مغنویه سیله (رجال لانله یم تجارة ولا بیع عن ذکرا لله) آیت جلیله سنه توفیقاً مشاغل کثیره و غوائل وفیره سنک ذکرو فیکر لرینه مانع تشکیل ایدمه میه جکلرینی و کندیلرینه بر پدر مغنوی اتخاذ ایدلمش اولان بوقیر حقیری ولو که مکتوب ایله اولسون صله رحمن محروم بیور میه جکلرینی شبهه سز انتظار ایدر و تنیه الغافلین کتابنک مطالعه سنه احتیاج اولقس سزین رابطه مادیه و مغنویه مرکز برقات ده تقویه بیورلمسنی آرزوایلمر الباقی هو الله .

یوز یکریمی ایکنجی مکتوب

۳۰ مارت سنه ۳۲۰ تاریخیه اولان عنایت نامه کز واصل اوله ورق ذات هالیکزله اولاد و اقارب و اخوان کرامک صحت و سلامتی مشعر بولندیغندن جناب حقه قارشو مدیون شکران اولدم . صحرای محشرده امتنک کثرتیه ائم سالفه اوزرینه افتخار بیوران حضرت رسالتناه

افندمن مددکار و جناب خالق پروردگار ایکی جهانده یارکز اولسون
 اخوان دینیزک بر خیلیمسی حال و قالکیزدن مستفید بیورسون آمین
 معلوم فاضلانلری اولدیگی کی نفس اماره دائماً سهواتی التزام و حقیقی
 ستره اهتمام ایله . و کندی آلداتیر چونکه حدیث شریف نبویدم
 (من قال لا اله الا الله دخل الجنة) فرمان بیورلمش ایسهده دیگر
 بر حدیث شریفلرله « خالصاً » کلهسی دخی مذکوردر . ریا
 کی ، حسد ، طمع ، بخل کی امراض قلبیه و زائلدن تزکیه نفس
 ایله خلوص نیتک اهمیتتی بیان ایتلیسکیز . وجود بشرده مثلاً باسور کی
 بر مرض موجود اولدقجه اطعمه لذیذهدن استفاده اولنهمیه جنی معلوم
 عالیکزدر . كذلك امراض مذکوره نیک بری باخصوص بر قاجی موجود
 اولدقجه رضای رب منان و نعم روضه رضوان ایله متمم اولق ایچون
 بالکیز عبادات ظاهره نیک فائدهسی اولمیه جنی شبهه سرور . قال الله
 تبارک و تعالی (الا الله الدین الخالص) مولام او خلوص عبادتی احسان
 بیورسون آمین .

یوز یکریمی اوچنجی مکتوب

دیدار بهجت شعار دولتکیزدن دور، و کفتار کوهر نثار عاطفتکیزدن
 مهجور ایسهده اسم شریفکیزی قاله آلدقجه قلبمده بر سرور و رسم
 منیفکیزی خیاله صالدقجه روحده بر حبور حس ایدیورم و واسایده
 سراپا مسرت و حضور کس ایدیورم جناب عالم السر و مافی الصیدور
 حضرتلری اسکی شفقتکیزی و یاخود یکی مرحمتکیزی اوزرمدن
 دور و وجود ذیجودکیزی صرصر حوادثله رنجور بیورمسون آمین .

اولاد معنویه مزدن عزتو فکری افندی بنده لری واسطه سیله تقدیم
 اولنان عریضه فقیرانه مک جوابنه نائل و حقارنده میذول بیوریلان
 التفات جهاندر جاتلرندن طولای بتکرار بارمقی حامل اولدم باخصوص
 انشای زیارتلرله حق فقیرانه مده اظهار بیورلمش و دکر مک فوقنده
 یولتمش اولان نصیرات فائده و تلطیفات رائقه دولتکیز عظیم بر حس
 شکران ایله تلقی اولندی . لکن دوغریسی اک زیاده سودیکم (افندی
 حضرتلرینه اعتراض ایتکی سورم) کفتار حقائق نثار کزایدی ایشته
 عزم اولدقجه بوتعبیر عبیرک حق تشکرینی ایفا ایدم .

چاملیجهدن فرهاد پاشا چیفتلکینه واقع اولان سیاحت اثناسنده
 مسموع فقیرانه اولان کلمات آصفانلری کرامته محل اولنه مازسهده
 فراسته عطف ایلک دخی آز کله جکدر لکن تمچاره که بونلزمیاندی
 اوچنجی بر مقام تصور ایدم یورم بناء علیه « ذاتکیزله شرف بولان
 فراست : ترجیح اولنور کرامت اوزره » بیتله اکتفا ایلک مجبوریدر
 مولام کرامتیده احسان بیورسون و بوذره بی مقداری شمس تابان
 شفقتکیزدن محروم بیورمسون آمین .

یوز یکریمی دردنجی مکتوب

کمال محبت و صمیمتله یازلمش اولان تحریراتکیز واصل دست
 محظوظیت اولدی ذات خالصانلری کی بر خادم شریعت و طالب طریقتک
 انضمام اخوتیه جناب رب عزت حضرتلرینه عرض تحمید اولندی امتنک
 کثرتیه بیان مسرت بیورمش اولان مفتخر موجودات علیه و علی آله
 افضل الصلوات افندیم حضرتلرینک مظهر عیون و عنایتی اوله سز آمین

اولاد معنویه مزدن قواق امامی خلوصی افندی واسطه سیله اخذ وتلقی
ایتمش اولدینکیز اوراد واذکاری بالخاصه تبریک ایلرم طریقت علیه یه
متعلق افاده اولنه جق بشقه برشی وار ایسه اودخی رابطه نك اهمیت
و کثرت فوائدندن عبارتدر قال تبارک وتعالی (وکونوا مع الصادقین)
علم وعمل کبی امتعه نفیسه یی حامل حائز بولنان سالکان راه حقیقتک
مفاسد نفسانیه و مکائد شیطانیه دن سلامتی البته قوای معنویه نك معاوت
روحانیه سنه محتاج بولندیغندن حق جل وعلا حضرتلری بوآیت جلیله
ایله رابطه معروفه نك لزومنی بیان بیورمشلردر .

معلوم عالیلری اولدینی اوزره خواص امتك اقصای امل ومنهای
آرزولری جناب حق ایله پیدای محبت ایسه « قل ان کنتم تحبون الله
فاتبعونی » نظم جلیله سنه نظراً آنحق اتباع سنت سایه سنده حصول
بوله جغندن هر حالده طریقت علیه یه مراجعتله « تنام عینای ولاینام
قلبی » ای عن ذکر الله حدیث شریفه ده متابعت ضروریدر مولام
حضرتلری جمله مزی بوشرفدن محروم بیورمسون آمین .

یوز یکریمی بشنجی مکتوب

(ان من البیان سحرآ) حدیث شریفنی تمامیه تفهیم ایلین سلاست
بلاغت و ظرافت نقطه نظرنده احراز مسابقت ایدن تحریرات باهر
النکاتکیزی بودفعه دخی آلوب مطالعه سیله اکتساب مسرات ایلدم
الحق سزك اومصفا اومزکا اولان اخلاص محبتکیزی آنحق بو کبی
برکاتب شیرین زبان بومثللو برادیب معجز بیان ادا ایده بیلیر . اواباطی
آنحق بویه بر ظاهر میدانه چقاره بیلیر ایکیکیزی دخی هوالظاهر

هوالباطن حضرتلرینک عنایت صمدانیه سنه تودیع ایلرم مکافات معظمه -
کیزی مراحم جلیله لرندن استرحام ایلرم امان برادر کاتیکز نه کوزه ل
کاتبدر نه عالی بز فکره مالکدر بوزات کیمدر اسم شریفی نه در وظیفه سی
نه دن عبارتدر نزد مزده یادکار اولمق اوزره لطفاً و موضعاً بیلدریکز سلام
فقیرانه می تبلیغ بیوریکز مولام کندیلرندن راضی اولسون روز محشرده
جماعت اخواند آیرمسون حضرت صدیق اکبرک زیر حمایه سنده
حشر اولنسنه مساعد اولسون آمین فقیر کزک حالندن سوال بیوریلورسه
حمد اولسون عافیتله یشایورز اخوان کرامک سعادت وسلامت احوالی
ایچون دعا لیدیورز مولام قبول بیورسون مشاهده جسمانیه لرینی بتکرار
احسان ایلسون باقی السلام علیکم .

یوز یکریمی آلتنجی مکتوب

حق عالیکزیه موهبه مخصوصه الهیه اولان اخلاق حمیده و اوصاف
برکزیده یه ترجمان حقیقی بولنان زیبا مراسله معالی مقاله لری بودفعه
دخی حس منت و محفوظیت افقرانه می ایقاظ ایلدی . حضرات نقشبندیه یه
ادنا برمنسویتی حائز اولان بو عبد عاجز حقنده کی لطف و شفقتیه مقابل
عظیم مکافات نائل اوله جغکیز طبعیدر . « من کان لله فقد کان الله له »
جناب خالق اکبر جل وعلا حضرتلری ظاهر کیزی انوار شریعت
وباطنکیزی اسرار طریقت ایله منور بیورسون هم و همیتکیزی اذکار
وافکارینه منحصراً یلسون بر ساعت ایچون اولسون بقاسنه اعتماد اولنمیان دنیا
ومافیها نك آرایش کاذبه سیله مکدر بیورمسون آمین رفعتلو حافظ افندی
بودهنی افندیلرک مصاحبه و محبتیه حاصل اولان اذواق روحانیدن فقیر کز

دخی ذوقیاب اولدم (آسمان رشك بردسوی زمینی که درو: دوسه یاری
دوسه دم بهر خدا بنشینند) جناب الله جمله کزی فیضیاب وفقیر کزی
دخی حسن ظنکیز نسبتبنده داخل حساب بیورسون آمین مخدوم
نجات ملزوم عالیکیز بها الدین افندی به عرض کلدسته تسلیات ایلم
باقی السلام علیکم .

یوز یکر می یدنجی مکتوب

۱۵۷ مارت سنه ۳۲۰ تاریخیه احسان بیورلش اولان التفاتنامه
کزی آلوب مطالعه سیله محظوظ اولدم لوحه اوزرینه یازلمش ودوام اولنق
ایچون امر ایدلمش اولان کله توحیدک عالم معناده مشاهده ایتدیکنکیز
موجب تشکر اولدی فقیر حقیرایله دوام زابطه و کمال اخلاص و محبتکزی
اثبات ایدیور الحمد لله تعالی علی ذلك جناب حق التفاتکزی مزداد
بیورسون .

وقزیم بوذ کر شریفک حصولی نصیب ایلسون آمین . فضیلتلو
خواجه یکتا افندی حضرتلریله مذاکره بیوریکیز لطائف ذکرینی
علی الترتیب تعلیم و هم بریله بش اون کون مشغول ایتد کدنصکره بوذ کر
شریف دخی تعلیم و حضور جمعیت ایچون توجه بیورسونلر فی الواقع
بر ماه قدر اولیور فقیر کزده هم کندیمه و هم اخوان کراممه کمال
ایمان احسان بیورلمسی مراقبده بولنیورم بزمله اولان کترت محبت
و اتحاد کز اقتضاسنی بومخاذا تکزده ظهور ایتددر حق تعالی حضرت تری
جمله منری حقیقتده مسلمان و اهل ایمان ایتسون انساناً عبدالله و قلباً
عبد ماسوالله اولان کیمسه لردن ایتسون آمین .

یوز یکر می سکسنجی مکتوب

دعوات خیریه و تلطیفات بهیه منعمانه لرینی ابشارایلمن کرامتنامه لر
باران رحمت کبی منتظماً توالی و تعاقب ایتدکجه بهار عمر عاجزانه من
ازهار فیوضات ایله عنبر نثار اولمقده و زلال شفقتلریله سیراب اولان
قلوب پرمردده من اظهار مساریایله افتخار ایلکده در . بونعمتله مقابل
بیان تشکر قابل اولمیه جنی کبی توجهات فاضلانه لرینک دوام و ثباتی
دخی کمال شرم و حجاب ایله استرحام اولمقده در . فقیر کز دخی دیلم
دوندکجه و فرصت بولدکجه ادعیه خیریه کزی تلاوت و او زرمده اولان
بار منق ممکن مرتبه تخفیفه مبادرت ایلم .

حاجی عاصم بك برادر منك رؤیاسندن محظوظ اولدم باشمده کی
تاجه روحانیتلرنده ظهور ایدن طمع او قدر کوزلدرکه مافوقی تصور
اولنه من برکت و یرسونک قاپاماش و یا خود قاپاماش یالکیز شکر
صوجوغنه قناعت بیورمشدر . الهی عافیت اولسون قوت اولسون قوت
معنوی اولسون باشنده کورمش اولدینی صاریقلی فسی تبریک ایلم انشاء الله
تاج شریفده نائل اولورلر . معلوم اولدینی اوزره صاریقلی فسن کسوه
علمادن اولدینی کبی تاج شریف دخی مشایخ طریقه مخصوص بر
علامتدر . علمک عملدن مقدم اولدینی و علوم دینیه سنک تحصیلنه موفق
بولندینی و باخصوص باشمزده بولنان تاج طریقه طمع ایلدیکنی افاده
ایدن بوروای صادقلری شایان تبریکدر همده بویله اولمیدر . چونکه
سعادت ابدیهی قرانق ایچون فرائض دینیهی تعلم و او علم ایله عمل
ایلم ضروریدر . قال علیه السلام (الناس کلهم هلكة الا العاملون
و العاملون کلهم هلكة الا العاملون و العاملون کلهم هلكة الا المخلصون)

والمخلصون على خطر عظيم) انشاء الله تعالى موفق اولور لر. جمله كره.
عرض سلام واحترام ايلرم.

يوز يكرمي طقوزنجي مكتوب

۷ مارت سنه ۳۲۱ تاريخي التفاتنامه فاضلانه ليله دخي شرفياب اولديغمدن طولاني تشكراتي بالخاصه تقديم ايدييورم حضرت الله بزي وسزي شاكر قوللرك جماعتندن تفريق ايتسون شكرده اداي واجب فضيلتي موجود اولقله برابر (لازيدنكم) بشارتي دخي علاوه بيورلمش اولديني معلوم فاضلانه ليدر فضيلتو طرنولي خواجه افندي، حضرتلرينك تفسير درسي دخي شكردر بلكه افضلدر چونكه شكر (صرف الجهد جميع ما انعم اليه لما خلق له) معنائه كلش يالكن لسانا ياري، شكر اولسون كافي دكلدر شكر بركنجيسي ساري يعني امت مرحومه ي، مستفيد ايتمكنن عبارتدر ايكنجيسي لطائف عشره انسانيه ايله اولنان ذكر وفكر اولسه كر كدر. قال عليه السلام (خير الذكر الخفي وخير الرزق ما يكتفي) وفقنا الله تعالى آمين.

التفاتنامه لريكنرك مطالعه سيله خيلي محظوظ اوليورم چونكه حقيقه كمال اخلاص ومحبت وتمامي لطف وشفقتله يازمش اولديني زعنا بيليورم حضرت الله خوف وخشيتكزي وتحصيل رضاي باري باند. موجود اولان شوق وشطارتكزي مزداد ايلسون بزم كبي برطوپراغه اوزا تديمكنن الى آلتون ايله مملو بيورسون آمين. قال النبي المكرم صلى الله عليه وسلم (يحشر المرء مع من احب) اولياي كرام بيران عظام ايله محبت اولور ايسه يوم قيامته آنلرك ظل حمايه سنده حشر اولنه جنبي حديث

شريف ايله مبتدر لكن محبت ايتك آنلرك رضاي دائره سنده عمل وعباده متوقفدر جناب الله بزي وسزي او كبي عمل وعباده موفق بيورسون محبت ماسواسييله قاب كوزلرمزي مشاهده حقندن محروم ايتسون.

يوز اونوزنجي مكتوب

(المراسلة نصف المواصله) قضيه سي صحيح ايسده بعض مراسيله به تصادف اولنور كه مواصله كامله كي جانه جلا وقلبه صفاي انتاج ايدر ازان جمله بودفعه احسان بيورلمش اولان عنايتنامه كرك مشاهده سيله حائز اولديغم نعمت سروري ونائل اولديغم دولت بهجت وحبوري قال ايله تقرير ايدمديكم كبي قلم ايله ده تحرير ايله هم چونكه بومسرت «الحب لله» منبعندن نبعان ايدن بر مسرت رباني و «من كان لله» مطلعندن لمعان ايدن بر محظوظيت نوراني ايدى. ايتسته ديكي قوللريني حضيض جسمانيتدن ذروه روحانيته اعتلا والقاء محبتله رجال كامله مقامه قدر اعلا ايلين جناب حق قليكزي ينوع حكمت ولسانكزي ترجمان حقيقت بيورسون. نفسه مخالفت ايچون اقدام وغيرت كزي وطريق صوفيه ده مدار ترقى اوله بيله جك معلوماتكزي مضاعف ايلسون سعادت اخرويه به خادم اولق ايچون ثروت دنويه كزي ده مزداد بيورسون آمين. قال تبارك وتعالى (ان الله اشترى من المؤمنين انفسهم واموالهم بان لهم الجنة) وفقكم الله تعالى وايانا بحرمة سيدنا ومولانا عليه وعلى آله من الصلوات وافاها ومن التسليكات از كاها. بوندن بش اون كون مقدم عرض ايتمش اولديغم خسته لق تحريه بر درجه مانع اوليورسده كثرت التفاتكزه

مقابل فریضه ذمتم اولان ادعیه خیریه قطعاً مانع اوله من. احتمالکه تأثیری تزیاید ایدر. چونکه نفسک غرورتاب توانیله یا پیله حق دعا لک مقام قبوله صعودی شبهه لیدر. لکن انکسارینه ذل افتقارینه تصادف ایتدیکجه قبول امیدلری تزیاید ایدر. جناب الله نفس اماره منی دائماً ذلیل ورنجور قلب وروح منی ایسه کندی عشق و محبتیله غالب مسرور بیورسون آمین.

یوز اوتوز برنجی مکتوب

باسمه سبحانه صادق بر درویشمزدن علمکزی استماع ایلدم محظوظ اولدم مولام حضرت تلری موفق بیورسون امثالکزی مزداد ایلسون آمین العلماء و رثة الانبیاء حدیث شریفی معلوم عالیبردر کنتم خیرامة اخرجت للناس تأمرون بالمعروف و تنهون عن المنکر آیه جلیله سنه نظر ابووظیفه لطیفه انبیا حضرت اتندن علمایه منتقل برارث معنویدر والعصر سورة جلیله سندن آکلاشیله جنی اوزرده خسرانک آزدن چوغندن خلاص ایچون اولایمان ثانیاً عمل صالح ثالثاً وصایا و مواعظ و نصایحه بولتمق ضروریدر بناء علیه ذات عالیبری کبی مسموع الکلم برعالمدن اخوان دینی ایقاظ ایلک استقبالمزک واحوال آخرتک شدت و اهمیتندن خبردار ایلک انتظار اولتور قال علیه السلام الدین النصیحة و قال (الدیال علی الخیر کفعله) صدق رسول الله. انشاء الله تعالی من کان لله فقد کان الله له حدیث شریفی ایجابجه موفق و مظفر اولورسکنز انبیا حضرت اتندن سزه عائداولان حصه ارثندن محروم اولمزسکنز زیرا پدرندن قلان بر ارث دنیویدن محروم قانجه بر انسان خیلی محزون و مغدور و مأیوس اوله جنی معلومزد مال دنیا

ایله قیاس قبول ایتیمان ثواب اخردن محروم اولمق شبهه سز تجویز اولنماز بر ضرر برزیاندر حضرت الله جل جلاله فقیر کزله برابر ذات عالیبرینی موفق بیورسون و بر خیلی مؤمنلرک سعادت ابدیه لرینه خادم ایلسون قال علیه السلام (خیر الناس من ینفع الناس) بونفع ایسه شبهه سز فانی بر نفع دکلندر ابدی اولان بر نفع اخرویدر باقی السلام علیکم ورحمة الله وبرکاته.

یوز اوتوز ایکنجی مکتوب

باسمه سبحانه کمال اخلاص و محبت و ارزوایله یازمش و کوندرمش اولدینکزمکتوب واصل اولدی دعوات توفیقکمز تلاوت اولندی معلوم اولدینی اوزره حق جل و علا حضرت تلری (اقیموا الصلاة) آیت جلیله سیله نماز ایچون امرایتمش اولدینی کبی (یا ایها الذین آمنوا اذکروا الله) آیت کریمه سیله ده ذکر ایچون امر بیور مشدر. اطاعت ایدنلر ثوابه، ایتیمنلر ایسه جزا و عقابه مستحق اوله جقلری مقتضای وعد و وعید جناب الهیدر. مولام جمله منی نفس و شیطان هوا و هو سه محکوم بیور مسون آخرت کبی راستقالبی تأمینه موفق بیورسون آمین. طریقت علیه قادریه قبولکزی و ایجاب ایدن ذکر کزی طلب ایتمشسکنز اولاشوراسنی بیان ایدلم که: طریق علیه نک هر هانکی بری اولورسه اولسون اساس و بناسی شریعت مطهره در. بر انسان قولی و فعلی شرع شریفه تطبیق ایتزسه طریقتده تفیض ایدمه چکی شبهه سزدر. دو قورتورک علاجنی استعمال ایدوب لکن پر هیزه رعایت ایتیمان برخسته کبی اولور. شریعت رعایت ایتیمکه برابر طریقت علیه قادریه دخول ایدن اخوان دینک یومیه اوله رق یوز عدد «استغفر الله» بشیوز قدر «لا اله الا الله» یوز قدر «اللهم صل علی محمد

والله وسلم» و نماز دنصکره یعنی بش وقت عقینده آیت الکرسی و فاتحه
و اوچ اخلاصی قرائت و ثوابی علیه الصلاة والسلام افندیمر حضرت تباریه
آل و اصحاب و پیران طریقتک ارواح طیبه لرینه هدیه ایتلیدر ایشته
بوصورتله سزی قبول ایتدم جناب حق قبول بیورسون .

یوز اوتوز اوچنجی مکتوب

بسمه سبحانه جناب حق جل و علا حضرت تباری (ولایغر نیکم بالله الغرور)
آیت جلیله سیله شیطان لعینک اغوا و اغراسندن قولارینی نمی بیورمش اولدینی
حالده آرزوی نفسانییه تبعاً آیت کریمه سنک منطوق منیفندن تعالی و تجاهل
ایدن و ادعای باطلنی حق و حقیقت لباسینده کوسترمک مغلطه سنده
بولان شیاطین الانسک هر زمان ایچون موجود اولدینی شبهه سزدن .
ازان جمله اخوان کرامدن بذاتک راحتسز بولندینی هنکامده استفسار
خاطرینه گلش اولان بریسی اعاده عافیه مدار اولق اوزره اخشاملری
برقدح راقینک ایچمسنی توصیه ایتمش و اهل ایمانک ایمانه قارشو هیچ
برکناهاک ضرر ویره میه چکی ادعاسنده بولمش اولدینی ایشتم و باطلی
حقندن تفریق ایدمه میان عاجزلرک اعتقادینی افساد ایدر اندیشه سیله متأثر
اولدم بناء علیه (ایمان) کله سنک معناسنی بیان ایتمهک مجبوریست حس
ایلدیم . شویله که (ایمان شرعی جناب حقک برلکنه و ملائکه کرامک
وجودینه و کتب سماویه نیک من عندالله اولدینه و بالجمله مرسلینک صادق
و صادق القول بر پیغمبر ذیشان اولدقلرینه و بو دنیادن صکره کله جک
اولان آخرتک شبهه سز اولدینه و مقتدراتک کافه سی من عندالله بولندینه
اینا تمقدن عبارتدر بونک خلافتده بولان براعتقاد صاحبی مؤمن اوله نماز
مثلاً آیات کریمه نیک افاده ایتدیکی معنائک خلافتی و حضرت پیغمبرک

قولنده صادق اولمدیغنی اعتقاد ایلک قابل تأویل اولمیان بر کفر صریحدر
بو مقدماتی بیان ایتدکن صوکره اصل مقصده شروع ایدمه شویله که
اهل ایمانک ایمانلرینه قارشو هیچ برکناهاک ضرر ویره میه جکینی عدم
قبول و تلقیسنی اثبات ایچون دیه بیلیرز که اولحق جل و علا حضرت تباری
فرقان سوره جلیله سنک نهایتلرنده قاتلرک زانیرک توبه ایتمه دکلری
حالده طول مدت عذاب شدید ایله معذب اوله جقلرینی تفهیم و صور
سائر ایله معاصیده بولنان مؤمنلری دخی عذاب جحیم ایله تهدید
بیوریوز ثانیاً علیه الصلاة والسلام افندمن حضرت تباری زنا ایدنلرک
وجودی یوم قیامتده آتش کی اشتعال ایدمه جکینی شارب حمرک پت پرستلر
مقامنده بولندقلرینی راشی و مرتشینک ایکسیده ناز جحیمده اوله جقلرینی
شاهد زورک عذاب جحیمه مستحق اولدینی کذا و کذا بر خیلی
احادیث شریفه ایله هر بر معصینک جزای سزاسنی صریحاً افاده و بیان
بیورمشلردر . اصحاب کزین سلف صالحین اولیای کاملین علمای
عاملینک بیلدکلری و بیلدیردکلری ایمان ایشته بوتدن عبارتدر . دین
اسلامی قبول ایدنلرک بویله بر ایمان ایله مؤمن و بویله بر دین ایله متدین
اولملری اقتضا ایدر جناب حق ملت اسلامی بونک خلافتدن محافظه
بیورسون .

یوز اوتوز دردنجی مکتوب

بسم الله الرحمن الرحيم

الحمد لله رب العالمين والصلاة والسلام على سيدنا محمد وآله وصحبه اجمعين
اما بعد اخوان دين و ارباب صدق و يقينه عرض و افاده اولور که حامل
بورقاره درویشانه من سامی افندی ولد معویمر ایام شبانی شریعت

مطهره نك دائره نجات باهره سنده كچيرمش وطريقه غايه نقشبنديه
خدمت و او يولده صرف مساعي و ابراز جديده بولنش اولغله برابر
اصول و قواعد مرعيه توفيقاً و حضرات خواجكانك معاملاتنه تطبيقاً
اولا لطائف خمسۀ عالم امرى تصفيه و ثانياً لطائف خمسۀ عالم خلق
تزكيه غيرتله حمدالله تعالى آثار موفقيت ناصيه حائده ظاهر و غايت
صمدانيه لطائف عشره سنده باهره اوله رق اصولنه وصول ايجون محصول
معرفتي اولان آرزوسنى صادق شجرۀ توحيدك ثمره سنى اقتطاف ايجون
مرغ همتنى عالى و فائق كورمش اولديغ كچي بر زمان دخى نفي و اثبات
و مراقبات كچي ذات و صفاتى تزئين ايتكده بولنديغنى كوردم بناءً عليه
زالل سعادتدن طالب رشحات و وادى سلامتدن راغب نفحات اولان
يعنى طريقته غايه نقشبنديه تمسك و انتساب آرزوسنده بولنان اخوان
دينه ده تعليم آيين طريقته ايجون كنديليرنى مأذون ايلدم قال تبارك
و تعالى (ان الله يامركم ان تؤدوا الامانات الى اهلها) جناب حق و هادى
مطلق جل جلاله حضرتلرندن استرحام ايده رمكه شريعت مطهره
و طريقته منوره نك اجراى احكامنده كى شوق و شطارتى برقات دهاتريده
و اولوجهله برطاقم رجال موحدىنى قال و حالندن مستفيد بيورسون
آمين . رجال لانلهيم تجارة و لا بيع عن ذكر الله . آيت جليله سنك
احكامنه واقف اولان اخوان كرامه عرض ايده بيليرم كه تصفيه باطن
و تزكيه نفسه طالب اولانلر ودها طوغرىسى سلسله جليله نقشبنديه دن
اخذ فيوضاته راغب بولنانلر مومى اليهك مصاحبه سته دوام و بيان ايله چكى
آدابك رعایتنه اهتمام سايه سنده نائل مرام اوله جقلى شبه سزدرو ماذلك
على الله بعزىز و لاحول و لا قوة الا بالله العلى العظيم صلى الله على سيدنا
محمد وآله و صحبه اجمعين و الحمد لله رب العالمين .

يوز اوتوز بشنجى مكتوب

جناب مولى ، حق جل و علا حضرتلرى قرآن عظيم و كلام
قديمده (ولا يغرركم بالله الغرور) بيورمشدر . يعنى شيطان عليه
ماعليه سزى بنم عفو و مغفرتك چوقلغيله اغفال ايدوب شريعت
مطهره مك خارجه چيقارماسون ! كچه جناب حقك عفو و مغفرتى
چوقدره لطف و كرمته نهايت يوقدر ، مرحمت و عنايتى مبذولدر .
لكن دنيا ده اولدينى كچي آخترده ده قانون شريعتك حكيمى تغير ايتمز ،
الفا اولماز ، اعتباردن ساقط اولماز . بر حاكم نه قدر شفيق و رحيم ،
حكيم و كريم اولورسه اولسون حكم قانونى تبديل ايده مز . ولو كه
بالذات مخدومى حقنده اولسه بيله اجراى عدالتدن كرى طورماز .
ايشته جناب حاكم مطلق بو حقيقتى بزه بيان بيوربيور . يعنى بنم
مرحمت ذاتيه مه مغرور اولوبده قانون شريعتمه مخالف حر كاتده
بولونماييكز ، چونكه جزايدده اولورسكز ، ديور . بوراده بر مسئله
وارد خاطر اولاييلير : شويله كه بر انسان خلاف شرع شريف بر حالده
بولونمايى تقديرده آرتق عفو و مغفرتنه محل قاليرمى ؟ سوائنه جواب
اولارق : اوت ! هر كسك معلومى اولدينى اوزره شكر منع منع عليه
واجبدر . نعمته مقابل تشكر ايتمين بر كيسه يه تانكور دينر ؟
و حقنده نعمتمنقطع اولور . بناءً عليه خالق تعالى و تقدس حضرتلرينك
قوللرينه قارشى اولان وعد و احصايه صيغمايان نعمتلرينى نظر دفته
آلهم ، مثلاً : اعضا و جوارحك ، صحت و عافيتك ، مال و ثروتك ، نان
و نعمتك ، كذ و كذا غنايتلك ، عاطفتلك برر برر قدر و قيمتى تقدير
ايده لم . صوكرده كنديمزك بولنره قارشى شكراتنى ، يعنى مالا بولنا

«مسلمینه قارشی کستاخانه و بی ادبانه طرق علیه بی خود بخود انکاره تصدی ایتمی و زمان سعد اقتران رسالتده طرق علیه دن مثلاً : قادری ، رفاعی ، بدوی ، نقشی کشنی ، حلوقی ، جلوقی ، وامشالی هیسچ بر طریقتک اسمی لسان پیغمبریدن شرفصادر اولامش و بوبابده بر امر تقطعی رسالتپناهی ویرلامش و بونارک هپسی محدث و بدعتدر . دیه تقوهات لسانیه ده بولونمش اولدیغنی آکلادم .

اولاً : او واعظ افندی به صورمالی که : اعمال و عباداتمزدده و سائر معاملاتمزدده یکنانه رهبرلرمز بولونان هر بری بر سسواد اعظم و کبریت احمر اولان سرفرازان مجتهدین ، سرتاج اهل یقین رضی الله عنهم اجمعین ، سراج الامة ، نجم الائمة امام حنفی ، شافعی ، مالکی ، حنبلی مذهبلیندن برینی اختیار ایتک ویا بونلردن بری اولوق حقنده نظرف رسالتدن بر امر صادر اولدیمی ؟ شبهه سز اولمادی . چونکه اوزمان نه امام اعظم ، نه ده دیگرلری وارایدی . یالکز ادای فریضه صلوات ایچون فرمان پیغمبری صدور ایتش ایدی . بعده اجماع امتله مجتهدین کرام حضراتنک رأی و اجتهادلری قبول اولوندی ، ایستین حنفی مذهبندن ، دیله یین شافعی مذهبندن کیمیمی مالکی ویا حنبلی مذهبلیندن برینی بکندی . خواجه افندیکنک زعمنه کوره دیمک که یوده یا کلش بر ایش اولدی ! ..

ثانیاً شوراسنی ای بیلملیدر که طرق علیه نک کافسته جناب حقک امر ووحی النبیسیله سلوک ایدلمشدر .

قال سبحانه وتعالی « یا ایها الذین آمنوا اذکروا الله ذکرأ کثیراً » و « اذکر ربک فی نفسک ای فی قلبک تضرعاً و خیفه » و دون الحیجر « من القول بالفدو والاصال ولا تکن من الغافلین » و امثالی آیات جلیله

قرآنیه سی نازل اولدقدن صکره خواجه عالم ، مرشد بنی آدم صلی الله تعالی علیه وعلی آله وسلم افندیمز حضرتلری [ماصب الله فی قلبی شیئاً الا وصیته فی صدر ابی بکر الصدیق] حدیث شریفی مدلول منیفته جناب صدیق اکبر رضی الله عنیه دعوت ایدوب ذکر قلبی بی تلقین و تعلیم بویورمش و حسابۀ کزین حضراتنه تعلیم ایتلری کنیدلرینه امر بویورمشدر . تا بایزید بسطامی قدس سره حصر تلرینک زمانه کانجهیه قدر بو طریقت علیه « طریقت صدیقیه » نامی ویرلمشدر . وقتا که جناب شاه نقشبند بخاری قدس سره افندیزه کانجه « طریقت نقشبندیه » ، باخود « طریقت نقشیه » دینلمشدر .

کذلک داماد جناب نبوی امام علی کرم الله وجهه افندیزه دخی ذکر چهری تعلیم بویورولوب سائر اصحاب کرام حضراتنه ده تلقین ایله ملرینی فرمان بویورمشلردر . امام جعفر صادق ، حسن بصری ، معروف کزخی ، عبدالقادر کیلانی قدس الله اسرارهم حضراتی کی رجال فیخامه اوغرایارق زمانمزه قدر تسلسلاً کلشدر . و بوهر ایکی سلسله جلیله تواتر ایله ثابت اولمشدر . متواترک جف القلم انکاریخی و حکمتنک نه اولدیغنی و جزاسنک نه درجه لرده آغیر بولوندیغنی و اعظ خواجه افندی اکر بیلمیور ایسه خادمی مرحومک شرخندن اوکره نه بیلیر . علاوه اولارق شونی ده عرض و بیان ایدلم که طرق علیه دن بر طریقت علیه یه انتساب ایدنلر حقنده یا کلش بر یوله ضامشدر دیه بلا پروا تقوها تده بولونمق بویوک بر جسارت و نه بویوک بر جهالتدر ! چونکه بونلر « الله الله » دیه یا نام اقدس الهی بی ، یاخود « لا اله الا الله » دیه رک قلباً و قالاً کله طیبۀ توحیدی یاد ایدیورلر ، ثائب و مستغفر اولیورلر ، ذکر الله ایله اوقاتکنذار اولیورلر ، اوقات خمسہ بی کمال

طهارت و دوام جماعتله ادا ایدیورلر . بویله اعمال خیریهده و افعال خیریهده ، افعال مرضیهده بولونمق شرعاً ، عقلاً ، عرفاً ، حکمتاً ، قباحتمیدر ، بو حاللرک هانکیسی خلاف شرعشیرفدر ؟ بونلرک هانکیسی یا کلش ایسه خواجه افندی لطفاً بیان و ایضاح ایتسون ده مستفید و مستثیر اولام ! ..

[حب درویشان کلید جنتست ، دشمن ایشان سزای لغتست]
مضمون حکمت مشخونجه بر خلی کتب معتبره ده اشاره ، یا خود دلالة دکل ، بلکه صراحة مذکور و مسطوردر که طرق اولیاء اللهی انکاره تضدی ایتلک « نعوذ بالله تعالی » سوء خاتمه یی موجب اولور . سز و وظیفه عبودیتکزه و عبادت و طاعتکزه « ولا یخافون لومة لام » آیت جلیله سی موجبیه اصلا فتور کتیرمیه رک دوام ایدیکنز . منکر طریقت اولانلر عن قریب پیران عظام حضراتنک ضربه شدید سیله تأدیب اولونا جقلدر . اخوانکزه سلام مخصوص ایدرم . باقی السلام علیکم ورحمة الله ! ..

یوز اوتوز سکزنچی مکتوب

المعروض :

مکتوبکزی آلام ، ریا ، کبر ، عجب ، کین ، حقد ، حسد ، عداوت کبی نفس اماره نک اخلاق ذمیمه و اطوار قبیحه سندن شکایت ایدیورسکنز اوت ، حقکنز واردر . « قد افلخ من زکاکها و قد خاب من دساها آیت جلیله سنک ماصدقه واقف اولوبده شکایت ایتمین بر فرد وار ایسه اوده استقبالی دوشونه مین یا بر چوجوق و یا خود بر

مجنوندر . شوقدر وار که تذکیه نفس و تصفیه باطن کبی بر مقصد اقصانک ، بر سلامت عظمانک ، بر سعادت ابدیه اخرانک ، بر علت غائیة اولیانک آز بر زمان ظرفنده حصولی ظن ایلک دوعرو اولماسه کر کدر . زیرابر خواجه و یا بر دوقتور اولمق ایچون مدارس و مکتبده اون اوق بشر سنه لک بر مدت سعی و غیرت متادیهده بولونما یانلر مقصدلرینه نائل اولامایا جقلری بدیهیدر .

حق جل و علا حضرتلری کتاب مجیدنده : « والذین جاهدوا فینا لنهیدهم سبلنا » بویوریور . شو حالده هدایه مواصلتی نفس و شیطان ایله مجاهده یه تعلیق بویورمش اولور . ایشته آنحق بو مجاهده سایه سنده نفسی ، اماره لکدن ، لواحه لکدن (ملهمه لکدن قورتاروب درجه اطمئنانه ایصال ایدلمسنی اراده بوریور . بوندن صوکره « فادخلی فی عبادی و ادخلی جنتی » آیت جلیله سیله تبشیر بویوریور مع مافیه « انما الاعمال بالنیات » حدیث شریفی طریقت علیه یه هنوز انتساب ایدن مبتدیلر ایچون بویوک بر امید بویوک بر بشارتدر .

مثلا : بیت الله الحرامی زیارت مقصد خالصانه سیله عازم راه اولان بر مؤمن زیارته موفق اولمدن وفات ایدرسه « فقد وقع اجره علی الله » آیت کریمه سیله مبشر اولدینی کبی تذکیه نفس نیت خالصه سیله طریقت علیه یه بسلوک ایدنلر دخی عمر وزماننک عدم مساعدده سندن ناشی آرزولرینه بحق نائل اولمدن سفر آخرت ظهور ایدرسه کذلک نیتی مقابلنده مأجور و مثاب اولاجنی شبهه سزدر . بناء علیه جناب حقل بک قیمتی اولان بو لطف و احسانه مقابیل مبتدیلر عظیم تشکرده بولونمالیدر .

اولیاء الله کرام حضراتنک یکریمی اوتوز وداها زیاده سنه لک

عبادت‌لرینی ، طاعت‌لرینی ، ریاضت‌لرینی غربت‌لرینی ، محبت‌لرینی ، مشقت‌لرینی و بونلرک محصولی اولان تزکیه نفس مقامی خانه لرنده ، کاشانه لرنده راحت‌لرنده ، حضور لرنده ، ذوق و صفایرنده آرا مالمایدر .

صبرایی کلمش ایکن شونی ده عرض وافاده ایده لم که : قطب ربانی ، غوث صمدانی ، هیکل نورانی عبدالقادر کیلانی قدس سره افندیمز حضرت‌لری « بقدرن تشریکم ابیع » بویورمشلردر . بو کلام معانی اتسامک خلاصه معنایی بودر که : بنم مغازدم زنکیندر ، متاع چوقدر . صائمقله بیتوب توکنمز ، لیکن مشتریلرم نقد موجودلری تمسبتنده بنم مغازدمدن متاع و مال آلابیلرلر ، فضلا برشی آلامازلر . دیمکدر .

ایکنجی برشکایتکیز دخی : « ان الصلوة تنهى عن الفحشاء والمنکر » نص جلیلک سرینه مظهر اولامادیغکیزدن عبارت ایدی . صدق‌الله العظیم . اوت دوغرودر . شوقدروار که بوصلاتدن مراد الهی شبه سز شرائط ظاهریه و باطنیه بی جامع اولان بر صلاتدر .

« قد افلخ المؤمنون الذین هم فی صلاتهم خاشعون » نظم جلیلی موجبینجه شرائطک اک مهمی بولونان و انحق طریقت علیه سایه سنده میسر اولابیلن خشوع نقصان اولورسه او صلاتک موعود اولان « فوایدنی مأمول ایتک البته معقول دکدر .

الحاصل جناب معبود بالحقه عاصی اولمایان بر مؤمن « واعبد ربک حتی یأتیک الیقین » امر جلیله امتثالاً مادام الحیاة عبادتیه دوام ایلر برابر « لكل جعلنا منکم شرعةً ومنهاجاً » آیت جلیله سنده کی نامرده اطاعة شریعت و طریقتک واجب اولدیغنه قانع و بو قناعتی

قولاً و فعلاً اشباهه خادم اولمالیدر . وفقنا الله تعالی وایاکم آمین . طریقت علیه نقشبندییه حسن قبول و اوراد واذکارینه مداوم اولدیغکیزی ده یازمش ایدیکنز ، نمون اولدم . فقط معروضات فقیرانه شایان قبول کورولدکن صوکره ایکنجی بر اتسابکیزک ده نافع ده خالص اولاجنی شبه سزدر . حضرت مولام میسر بیورسون آمین . باقی السلام علیکم ورحمة الله وبرکاته .

یوز اوتوز طقوزنجی مکتوب

المعروض :

التفاتنامه عالیلری واصل ایادی شکرانم اولدی . وقوع بولان مراجعت اوزرینه قادری درگاه شریفده تفتی ایلر قیامی ذکرک و دورانک لزومنده کی رأی عالیلری مطالعه اولوندی . فقیر کیز دخی هر نه صورته اولورسه اولسون ذکر شریفک دوامی آرزو ایدن خدمه درویشاندن اولدیغم البته معلوم فاضلانه لریدر .

استعید بالله « الذین یذکرون الله قیاماً و قعوداً و علی جنوبهم » آیت کریمه سی هر نه قدر ادای صلاتک قدرتی اولانلر ایچون قیاماً عاجزلرک قعوداً ، قعوه اقتداری اولمایان خستگانک یا ناقلا رنده کی نمازلرینک شایان قبول اولاجنی مبشر ایسه ده هیچ بر دقیقه لرینی بیله فوت ایتمین اولیاء اللهک دوام ذکر و استغراق لیلده تفسیر بویورمشلدر . ایشته بو کامبیدر که علیه الصلاة والسلام افندیمز حضرت‌لریله بالجملة خلفای کرام و اصحاب ذوی الاحترام حضراتک حین اجتماع لرنده قعوداً یا بمش اولدقلری ذکرک انحق قعودک افضلیتته دلیل اولابیلر .

یوقسه آیت جلیله نك افاده ایتكده اولدینی قیامی ذكرك جوازی
ابطال ایده مز . اولیاء الله تعالینك بعضیلری سلطان اذكارك تحت تأثیرنده
بولوندفلی دورده لرنده توپلرینه ، طرناقلرینه وارنجیه قدر وجودلرینك
هر بر ذرده سی ذا كر وبلكده متحرك اولمقله برابر غلبه و جكد
تضییقه مقاومت قابل اولامادیغدن یالكز قیام ایله ویاخود دوران
ایله تنفی صدر ایده مدككری انتظامی التزام ایتیه رك مختلف حركانده
بولوندفلی دخی جای انكار دكلدر .

شوقدر واركه سلطان الذاكره واصل اولماقوله برابر تكالیف
شرعیه و اوامر الهیه لرینی بحق ادا ایدمه یں عوام ناسك كمال انتظام
ایله یامقده اولدقلى حركانك خواص مشارالیه مك غیرمنتظم اولان
حركانیله قابل تألیف و توفیق اولامایاجنی بدیهیدر . نتیجه اولارق
عرض وافاده اولونوركه منسوبین طریقت علیه نك درجه حرارت
و محبتلرینه ویاخصوص عملدن دها زیاده حائر اهمیت اولان حسن
نیتلرینه واقف اولمایانلر بو كی بر مسئله دینی نك لهنده ویاخود علیه نك
بر قرارك اعطاسنه جسارت ایدمه جككری دخی طبعیدر . انجق
سلطان العاشقین ، برهان الواصلین ، محبوب سبحانی ، غوث صمدانی
عبدالقادر جیلانی قدس سره حضرتلرینك روضه روحانیه و مرقد
نورانیه لريله مباهى اولان بغداد بهشت آبادك دركاه شریف لرنده مشهود
یابصره فقیرانه اولان ذكرك شریفك یالكز قعوداً و كمال ادب و فرط
سكونت و وفار ایله سنت سنیه نبویه به تمامها توفیقاً اجرا بویورولدیغدن
فقیر كز دخی بومسلك مستقیمك خارجه چیغمق جسارتنده بولونامام
مع مانیه ذات فاضلانله لرى معروضات داعیانمه كسب اطلاع ایدنجه
طیرف عالیارندن ویریه جك حكیم و قرارك داعی مخلصلرینه ابلاغ

بویورماسنی رجا و دائماً مسموع سامعه افتخارم اولان محترم التفاتكزك
دوام و بقاسنی استرحام ایلرم . باقى السلام علیكم ورحمة الله وبركاته .

یوز قرقچی مکتوب

بسمه سبحانه

(الدين النصيحة) حديث شريفنى تقدير ايدن مشائخ كرام و علماء
ذوى الاحترامه عرض وافاده اولنوركه حامل ورقاره فقیرانه موسیو
قارل و مت غربك معروف واصحاب و قوف سیالرینك معتبراندن
اولوب سنین عیدده دنبرى مطالعه لرینه وقف وجود ایتش اولدینی
كتب سهاویه ومؤلفات متعدده سی صوفیه نك آثار جمیله سندن اوله رق
حق سبحانه و تعالى حضرتلرینك وحدانیته و قران عظیم الشانك
كلام الله تعالى اولدیغه و محمد علیه الصلاة والسلامك بر نبی آخر زمان
بولدیغه ایمان و اعتقاد حاصل ایتش و محضاً بر غیرت دینی و بر حیت
جلیله سنك سائقه سیله بتون غربیارك دخی بو حقیقه نائل اولملری
ایچون هر دورلو فداكارلنی اختیار و شرقده موجود بولنان علماء
دینی و رجال صوفیه نك علوم و عرفاندن اقتباس ایده جکی فوائدی
ابنای جنسنده تشمیل ایتك اوزره واسع برسیاحته ابته ایله مشدر .
ازان جمله استانبولده كاشن و كلامی نامیله معروف دركاه فقیرانه كله رك
تقریباً اون بش کون مقداری مباحثه علمی و مصاحبه جسمانیده
بولندیلر عالم شرق ایله عالم غرب میاننده کی مابیت دینی و مخالفت
مذهبی نك رفع وازاله سی خصوصنده کی آرزولرینی بیان ایلدیلر و بو
مقصد اعلى و مطلب اجلانك حصصولی ایچون لازمكلن سی غیرت

و شرقدہ موجود و معروف اولان مشائخ کاملین و علماء عاملین
زہارت مقصدیلہ بر زمان سیاحتدہ بولنہ جعفرینی سوبلدیلر جناب حق
و ہادی مطلق حضرتلری سعیرینی مشکور پیورسون آمین .
معلوم اولدینی اوزر بو مثللو اصحاب غیرت و حمت دینیہ سنک معاونت
علمیہ لری منوران اسلام و ورثہ انبیاء کرامک فریضہ ذمت و وظیفہ
نظیفہ وراثتاری بولندیندن امید ایدہ رمک ملاقی اولدینی ذوات
کرامک مظهر حرمت و معاونتاری اولق صورتیلہ دہ دین مبین
اسلامک علویت و قدسیتہ شاہد اولہ جعفردر و من الله تعالی التوفیق .

یوز قرق برنجی مکتوب

بسمہ سبحانہ

(علماء نصرانیہ دن ایتد ایش اولان برذاتہ یازلشد)
در جریدہ حوادث منظور نظر فقیر حقیر کردید کہ بعین عنایت
ازلی و محض ہدایت لم نزل افتاب حقیقت رخشان و قلب ایشان را بنور
ایمان فیض افشان فرمود و ہمین خادم دریشان را بدین وسیلہ مدیون شکران
کردانید آری ذاتی ستودہ صفائی کہ حسباً نسباً علماً عرفاناً کسب
امتیاز نمودہ و حقایق ادیان را بادقایق و وثایقش احاطہ فرمودہ زبدہ
تحقیقات و عمدہ تبعاتش دین مبین اسلام را ترجیح و تنسیب فرمودن
لا شک عالم انسانیت را براہ ہدایت دررنک بداهت دلالت و ترغیبست
بناء علیہ تشکر میکنم ہادی حقیقی را صمیمی تشکر میکنم قال صاحب
المنبر و المحراب علیہ صلوٰات الملك الوہاب اللهم اعز الدین بعمر بن الخطاب
معلوم جناب عالی باشد کہ تشرف ہمین فقیر حقیر با چنین دین مبین سعادت

تخمیر مبنی بر افسانہ جاہلانہ (ہکذا وجدنا آباءنا نبودہ بلکہ نتیجہ
اولیہ عقلیہ و فقلیہ و محصول مطالعات کتب سماویہ ایست کہ از شائستہ تحریف
مصون و یقواعد منطق و حکمت مقرونند اللهم ارنا الحق حقاً و ارزقنا
اتباعہ و ارنا الباطل باطلاً و ارزقنا اجتنابہ اکنون از اصحاب عقل سلیم
و ارباب فکر مستقیم التماس دارم کہ بعین بصیرت نکاہی نمایند دینی کہ
کافہ ککالات جسمانیہ و محسنات روحانیہ را جامع باشد مانند توحید صانع
و تعمیم معدلت تشمیل مرحمت تعظیم اکا بر تلطف اصغر تکریم مسافر
صلہ اقارب سخا، وفا، حیا، عطا، کذا و کذا دینی کہ مجموع سفلیات
انسانیہ و فحشیات نفسانیہ را مانع باشد مثل تجبر تکبر جہالت عطالت
نمیسہ قتل نفوس ہتک ناموس زنا و اذا جفا و ما شبہ ذبا دیانی کہ مملو
از خرافات مقدوحہ و تہی از ککالات ممدوحہ باشد چہ مناسب دارد دینی کہ
نخستینیش یا ایمان بوحدانیت خدا آراستہ دینی کہ اساطینش با ازعان
بحقایق انبیا پیراستہ بادی کہ اصولش از روی انکار فروغش از روی
استکبار است چہ مشاہبت دارد انکار نصارا محمد مصطفی را از وجود
بیسود یہود عیساراً چہ تفاوت دارد (افتونا مأجورین)
(سخن بیش نکفتم غم دل ترسیدم : ورنہ درد فقر عشاق سختی
بسیارست امید از خدا و نت مجید ہمین است کہ ذات معارف صفات ایشان را
بفجوا ی آیت جلیلہ (ان الذین قالوا ربنا الله ثم استقاموا تنزل علیہم
الملائکۃ الاتخافوا ولا تخزنوا و ابشروا بالجنة الی آخرہ) کمال استقامت
احسان و جسم و جان ایشان را بہ اتباع شریعت در دنیا و آخرت خرم
و خندان فرماید یاقی السلام علیکم .

یوز قرق ایکنجی مکتوب

چنانچہ مسموع خواص و عوام معلوم علمای ذوی الاحترام است کہ

خدای عظیم در کلام قدیم ملت معظمه اسلام و امت محترمه جناب سید الانام را بخطاب مستطاب (کنتم خیرامة) ممتاز و بهمین بشارت سر اسر سعادت این طائفه را بین الامم سرفراز فرمود لکن باید بدانیم که همین خطاب کسی را نیست که سمند سرکش نفس راسوار و شاهد نازنین شریعت و طریقت را بقرار گردانیده حاشا اینها در نظر اهل عرفان و درلسان اصحاب وجدان بجز تابعان نفس و شیطان چیزی دیگر و از جانوران و حشی بهتر نیستند بلکه خطاب عزت کسی راست که ظاهرش را تحصیل علوم و فنون نافع آراسته و باطنش را باخلاق حسنه و اوصافی مستحسنه پیراسته فکر و ذکرشان توسیع دائره دین و هم و همتشان تأمین سعادت و سلامت موحدین است (اللهم اجعلنا منهم) حیف که اکثر شبان و بلکه بیشتر از انبای زمان ازین نکته شکفته غافل و از حکمت بعث فخر الانبیاء جاهل مانده اند قال علیه الصلاة والسلام (بعث لاتم مکارم الاخلاق) حضرت حق سبحانه و تعالی از محض عنایت و علو مرحمت اولاً ساحه زمین را بنور نبوت منور و تابعان او را بسعادت دنیوی و سلامت اخروی مبشر کرانید ثانیاً مابنده کلام قدیمی عطا فرمود که منبع فیوضات و جامع جمیع کالات باشد آیات شریفه اش جسم آدمیان را جان و بینات منیفه اش باعث انتظام هر دو جهان شود بنابرین همین خادم درویشان بلکه نام و ننگ ایشان محمد اسعد الخفی مذهباً و التقشبدی القادری طریقت اخوان دین مبین و آرزومندان سعادت قرین را بعرض میرساند بقراینکه پوشیده نیست خداوند عالمیان در حضرت قرآن «تعاونوا علی البر و التقوی ولا تعاونوا علی الاثم و العدوان» كذلك «واعتصموا بحبل الله جميعاً ولا تفرقوا» فرمان فرموده است کسی که صحائف تاریخی را نموده رعنا میداند که طائفه عرب بعثت این که عبارت از عشایر

عدیده و قبائل کثیره بودند پیش از تشرف بشرف ایمان و قبل از تنور بانوار فرقان بغض و عداوت متسلسلاً در نهاد ایشان ساری غارات جاهلیه و محاربات دمویه متاداً در پیشان جاری و علاوه همین بقراری نائره فقر و احتیاج نیز در جگرگاهشان مستولی بوده وقتی که سید کائنات و مفخر موجودات علیه و علی آله افضل الصلوات و اکمل التحیات ظلمت افقهای عرب را بنور نبوت رخشان و سوخته کان جهالت را بزلال معرفت ریان فرمود آیات کریمه را رهبر و احادیث شریفه را دستور العمل نمودند عداوت به محبت، بدویت به مدنیت فقر و ضرورت به وسعت معیشت مبدل شد ارکان عدالت را تأسیس و انوار مدنیت را تعمیم کردند بحدی که دولت روم و ایران قدیم که قدرت و عظمتشان مسلم انام و شکوه شوکت ایشان مشهود باصره خاص و عام بود همه را در اندک زمانی تار و مار کردند لرزانیدند و دائره فتوحات شان بمتمهای آسیای وسطی و آوروپای جنوبی رسانیدند عالم شرقی و غربی را مطیع فرمان و خوسه چین مائده عدل و احسان نمودند اعلاهی کلمه الله کردند سعادت بشریه را از حسیض عدم بذروه کمال رسانیدند جمعی تجارت صنفی به بصناعت قومی به زراعت چندی به کتابت بعضی به طبابت یعنی هر فردی از افراد ملت بنوعی از خدمت و بحسن نیت بنوع خود را مظهر معاونت گردانیدند بنای اخوت را تأیید و اساس مدنیت را تأسیس فرمودند و از روی صداقت و عدالت کوی توفیق و سعادت را در میدان مسابقت در بودند شکر الله سعیههم و ضاعف اجرهم آمین: اکنون جای آنست که خون موج زند در دل لعل زین تغابن که خزف میشکند بازارش و الاسف هان بازقه ترقی کج گرفت و همین صاعقه تندی از کجا آمد حیفاً همان صعود صاعدا را چه شد همین هبوط هائل چه خواهد شد دریغاً که

از خصوص تدقیق و تجسس این فرق بسیار و علت همین خسار بیشمار
یای متجسسان را لنگ و میدان متخصصان را خیلی تنگ می بینم قال الله
تبارک و تعالی فی کتابه الکریم « ان تنصروا الله ینصرکم » بتکرار
عرض میشود که تعالی ملت اسلام و تفوق امت خیر الانام اگر
متصور باشد حصراً در اطاعت علیم علام جل شانہ و اتباع سنن سنیه
واجب الاحترام میسر خواهد شد قومی که شریعت مطهره را حکمران
اقلیم ظاهر و طریقت منزله را نکهبان مدینه خاطر گردانیدند لیک
کویان خود را یکجبه مقصود رسانیدند و بصفای خاطر در بیت الحرام
سعادت عظمی آرمیدند و از آیات بنات تعاون و اتفاق بکام دل رسیدند
وما احسن ما قال دولت همه از اتفاق خیزد بی دولتی از نفاق خیزد
دیگر چه عرض نمایم سخن بیش ننکفتم غم دل ترسیدم ورنه دفتر
عشاق سخن بسیارست اکنون از جناب قادر بزرگوار و مدبر امور
صغار و کبار همین رامی طلبم که معروضات فقیر خاکسار را بنظر
یاران دیندار بل بسمع اعتبار اخوان اولی الابصار قارئ و مجتیار فرماید
یعنی اساس اتفاق را در میان اهل اسلام تأسیس و بنای اتحاد را در نهاد
یاران کرام تأیید و بهمین تقریب مؤمنان را الی مدید الزمان از تعاون
یکدیگر مستفید گرداند و ما ذلك على الله بعزيز ولا حول ولا قوة الا
بالله العلی العظیم و صلی الله وسلم علی سیدنا محمد وآله وصحبه والتابعین
وآخر دعوانا ان الحمد لله رب العالمین .

یوز قرق اوچنجی مکتوب

بسمه سبحانه

یا من زین مفارق الدقائق بشقایق البلاغة والیان و کشف الاستار

عن بصائر ارباب العرفان بکحل جواهر الحقائق والتیان فسبحان من
اودع فی قلوب الظرفاء در اصناف البدایع فی اصداف الازهان بفیضان
اقطار امطار الکریم وروایغ الاحسان و بعد تقدیم الدعوات التي فتوحها
مکیه و نفحاتها مسکيه الى حضرت من مازلت بزلال وصاله ظمآن
وما برحت برشحات جماله عطشان هوانه لما کنا فی ترقب وانتظار
لورود بناء من سیاء خیار عن خیار اذ جائنا من جنابک کتاب کریم
کأنه الدر النظیم وجدناه روضة مملوءة من الورد الاحمر والبنفسج الازهر
فروح وريحان وجنة نعيم کف لا وهو مشحون بعرايس الانظار
ونقايس الافکار (بیت) معانیه ضواء الصبح اما سواده فیل مغشى
بالنجوم الزواهر مبانیه قداسکرن کالراح مہجی و اطربن روحی
کاصطفاق المزامر کالمسک یفوح و کالبدر یلوح جزا کم الله خیرا و ووفقی
وایاکم لما یحب ویرضاه آمین . مولانا تفضلتم علینا باظهار الاشفاق
والاخبار عن الاشتیاق واما انا فوالذی احرق قلبی بنار اشتیاقکم
واغرق جسدی فی بحر دموعی من شدائد فراقکم لایمر علی وقت
الاوذ کر کم اینسی ولا یعبر علی حین الا و شب حکم جلیسی فلم ازل مذفارقکم
لیلا ونهارا کأنی اریق من عینی الدموع انهارا فسبحان من ارسل السما
علی مدرارا وعظمتکم عندی شرفا ووقارا نسئل الله الکریم ان ینعم
علینا بالمقابله والمواصله والاستغناء عن المکاتبه والمراسله انه علی کل
شیء قدير وبالاجابة جدير نعم المولی ونعم النصیر .

یوز قرق دردنجی مکتوب

الی حضرت مولانا ومن هو فی الحقیقة اولانا من تطرز نقش بنده

بالاسماء الحسنى وتقرّد في عالم التجليات بالحل الاسنا ذى النفحات الرائقة
والرشحات الفائقة فصوص خاتم الوراثة وفتوحات ابواب الدراسة الافضل
الاعلم والاكمل الافخم فلان افندى المحترم جعل الله تعالى ذكره خالداً
وابقاء كما هو حقه ماجداً آمين . غب اهداء السلام التام المشوب بمزيد
العزرو والاكرام هو ان المطلب الاعلى والمقصد الاجلى الاستعلام عن
ذلك المزاج المربوط بالعالم الاقدس والوجود الذى محل الفيض المقدس
وثانياً قد ورد اليها كتابكم الشريف وفهمنا خطابكم اللطيف فحمدنا الله
تعالى على بقاء توجهاتكم القليلة وصفاء اشاراتكم اللبية وشكرنا له تعالى
على التعارف الروحي والاشتلاف الفتوحى فان تعارف الارواح وسيلة
لمعرفة الاشباح فالمأمول من جنابكم دوام رابطة الاتحاد وان لاتنسنا من
صالح الدعوات ولوطال البعاد مع قيدنا في جريدة المحبين الصادقين وعدم
اخراجنا من دائرة المخلصين المخلصين حسبما تعرفوه من خلوصنا الاكيد
وافقارنا المستريد ولعل الدعوات تكون وسيلة الى تقرب بساط الملاقات
وباعثة الى حصول وسول المباحات جعلنا الله تعالى واياكم من الواصلين
المهجورين ورزقنا واياكم حلاوة الواجدين الفائقين وكل ذلك بكمال
المتابعة المصطفوية عليه وعلى اله الصلاة والسلام والتحية فان ماسواها
اوهاهم باطلة وخيالات فاسدة نجانا الله سبحانه واياكم عنها وعن جميع
الآفات بخرمة من رقى بصفو اعلى الدرجات وبلغ بهيمته منتهى المقامات
عليه وعلى اله الصلوة والتسليمات .

يوز قرق بشنچى مكتوب

بسم الله الرحمن الرحيم

الحمد لله الذى جعل قلوب اولادى اوكسيراً للوجود وصيرا لاقتداء

يهداهم سلباً للترقى الى سماء الصعود والصلوة والسلام على من خصه الله
تعالى بالمقام المحمود وعلى آله واصحابه القائمين فى مقام الركوع والسجود
اما بعد فقد وصل المكتوب المرغوب من قبل اخينا الاعز المحبوب الداعى
لدوام دولتكم العالى اعني به امين افندى وجدته كتاباً مشحوناً بأزهار
تنورت بها عيون النظار وخطاباً مقروناً باظهار التشكر لحضرتكم
مع الافتخار عبادة عن اقتطاف اثمار العناية من دوحه في روضة عنوانها
هداية حاكياً عن فرط عاطفتكم الجليلة وباحثاً عن مزيد صراحتكم الجميلة
فبشرى له ثم بشرى له ام فطوبى له ثم فطوبى له لانه صار الآن بحمد الله
سبحانه وتعالى مستتيراً بأنوار الاولوية ومستفيضاً من منابع العناية
ففرغنا ايدي التضرع والاسترحام لدى باب الملك العليم العالم ان يقيم
وجودكم فى كنف الامن والايمان ويديم صعودكم الى مراتب القرب
والاحسان فالمأمول من همم حضرتكم العالية القابلة لظهور الكمالات
العالية ان لاتنسنا ايضاً من التوجه والالتفات لاسيما من صالح الدعوات
فى الحلاوة والجلوة لآن الفقير المطروح ابكى وانوح واقول يا قدوس يا سبوح
يايدنا فاجهاد النفس بنصر وفتوح وصفاء قلب وسرور خفى وأخفى وروح
بمجد ابراهيم وموسى وعيسى ونوح صلوة الله وسلامه تعالى عليه
وعليهم اجمعين وآخردعوانا ان الحمد لله رب العالمين .

يوز قرق آلتنچى مكتوب

بسم الله الرحمن الرحيم

الحمد لمن نور جبين الافراح فى مشارق الصدور بطلوع شمس

العلماء العاملين والشكر لمن نصر رباحين الأرواح في بساتين الدهور
بزال جمال الفضلاء العارفين وبعد تقديم أكمل الذعوات وأوفرها بل
واحسنها واجمل التسليمات والطفها بل واشرقها هو أنه لما كان الفقير
المسكين الأليم بل الحقير الحزين السقيم في ترقب لصدر خطاب
عظيم من ذلك الجنب الكريم وصاحب الخلق النسيم إذا ورد غلبته
كتاب مستطاب فقلنا به فوائد أولى الألباب لأنه كتاب اجمل بغير
فوائحه المسك الفواح واشكل الأمر بانوار بدايمه على المصباح سواده
نور وبياضه سرور نوره طور وسروره موفور والطور وكتاب
مسطور في رق منشور لقد اورثنا غاية السرور ونهالة الجور تشرفت
بعباراته عيون الأعيان وتشرفت ببرعائه آذان الازهان كيف لاوانه
مع كونه متضمناً لجواهر الحقائق الاتيه من عوارف معارف ذاتكم
الأديب ومحتوياً لزواهر الدقائق الجسائية من غرائب رغائب جنابكم
الأريب منبأ عن نفائس عرائس اللطف والأحسان ومخبراً عن سعادة
سلامة الأخوان الحلان الحسان فرفعنا ايدي التضرع والاسترحام ودعوة
لتلك السدة السنية والحضيرة العلية الكرام بأن يديم وجودكم العالي ويبلغكم
المقام الذي هو اعلى الأعالى وان يرزقنا نفحات الوصال ورشحات الجمال
التي هي عندي من اخص الآمال ونهاية الإقبال انه على كل شئ قدير
وبالاجابة جدير والسلام عليكم ورحمة الله وبركاته .

يوز قرق يدنجي مكتوب

هداً لمن نصر رباحين الافراح في ارواح المتحايين فيه بجميع
الازمان ونور افدتهم وابصارهم بظلال عرشه ووصال دولة جماله

في الحشر وفي دار الجنان وصلاة وسلاماً على صفوة خلقه وسيد اجابه
من جاء بأجل الآيات واتم المعجزات وعلى آله واصحابه البررة النقيه
وذوى النفوس الزكية والمناقب السنية وعلى من تبعهم باحسان الى
يوم الدين آمين يا محجب السائلين وبعد فقد وصل إلينا كتابكم الكريم
كأن بدئه من مسك وختامه من تسنيم اذ كان مشحوناً ببشائر عافية
ذاتكم العلية شاملاً بمحاسن الظنون وتوجهاتكم القلبية ومشتغلاً
على اسامي الاخوان الكرام اصحاب الكمال فرفعنا ايدي التضرع
والابتهال ودعونا لكم ولهم اطراف الليل وآناء النهار ومن الله تعالى
الغاية والقبول انه اجل مسئول واكرم مأمول هذا وان تسألوا عنا
فله الحمد انا سالمون ولمشاهدة جمالكم مشتاقون وارجو ابلاغ وافر
دعواتي ومزيد تحياني لجميع الأخوان بطرفكم ولمن يلوذون بخطابكم
وان لا تنسونا من صالح الدعوات وراح التوجهات ودمتم يا اجل النعماء
في اليوم وفي يوم الجزاء .

يوز قرق سكرنجي مكتوب

نحمدك يا من تجلي بالحجة لخواص اوليائه الكاملين فرفع لهم الحجاب
وادخلهم في عداد عباد المخلصين المخلصين ونصلي ونسلم على سيد المحبوبين
وصفوة الخلائق اجمعين وعلى آله واصحابه اهل الهدى واصحاب اليقين
وعلى التابعين ومن تبعهم باحسان الى يوم الدين آمين .

اما بعد فقد وصل إلينا من هاتيك الرحاب كتاب مستطاب تناولنا
بايدي المسرة والشكران فحمدنا البارئ تعالى على ما اوليناه من عميم
الاحسان فلا زلتم مأجورا ولا زال سعيكم مشكورا وما تلقى تموه من طرف

ولدا القليبي والوكيل عنا في الطريقة اعني به الحاج عاصم بك افندي
ان شاء الله تعالى مقبول ويكون سبباً للترقيات المعنوية والتفويض من منابع
الطريقة العلية واسئل الله تعالى ان يقيمنا بما يحب لكم علينا من كمال المحبة
والدعوة الصالحة وان يزدادكم شوقاً واهتماماً بالاذكار الشريفة والروابط
القلبية المنيعة ودمتم محفوظاً ومحظوظاً آمين .

يوز قرق طقوز نجى مكتوب

نحمدك يا من رفعت نجوم العماء في سماء العرفان ونشكرك يا من جعلت
علوم الفضلاء شمس الايقان ونصلي ونسلم على نبيك المعجز ببلاغته
فرسان البلاء في ساحة الميدان وعلى آله المحرز فصبات السبق بجودة
الايقان وبعد فقد وصل المكتوب الشريف الى الفقير النحيف وجدته
كتاباً مشحوناً بغرائب نكة سمحت بها الانظار وخطاباً موشوفاً
بمعائب فقر تنورت بها عيون النظر جارت الازهان في استطلاع
زواهره وانواره وتفاخرت الافهام عند استكشاف نادر وجواهره
بادرت الافكار لكشف استناره وتسابقت الحواس في رفع حجبهِ واستار
فكانت لطايف معانيه سبباً للجبور وصارت ظاريف مبانیه وسيلة
للسرور فكانه النور فوق النور لازال سعيكم مشكور واجركم موفور
بجرمة سورة النور وسيرة ارباب الحضور فان كمال هؤلاء الاكابر فوق
جميع الكمالات ونسبتهم فوق جميع النسب والاعتبارات رزق الله
تعالى واياكم الحضور مع المطلوب الافدس ويسر لنا بجمعتهم التوجه الى
الجناب المقدس لان النبي المكرم صلى الله عليه وسلم قال (المرء مع
من احب) فطوبى لمن احب اولياء الله ولم يبق في قلبه التوجه الا الى الله .

« وكان في سره مع الله كأن وفي روحه مع الناس بأن وهذا هو المقصود
من الصو في الكائن البائن فمن تشرف باتباعهم فقد فاز فوزاً عظيماً
ومن تخلف عن اقتفائهم فقد خسر خسراناً ميذاً قالمول من هممكم
« العاليتة القابلة لظهور الكمالات كمال المتعابة والموافقة لهؤلاء السادات
« وإن لا تنسانا من الدعوات الصالحة وصالح الدعوات .

يوز اللنجى مكتوب

حمداً لمن عشق في الأزل بأحدية لواحدية وكانت المحبة الذاتية
سبباً لخلق الموجودات وصلاة وسلاماً لمظهر كوامل التجليات
« وه صدر جميع الكائنات سيدنا محمد الذي جاءنا باجل الآيات وأتم
المعجزات وعلى آله واصحابه الكاملين وعلى التابعين ومن تبعهم
باحسان الى يوم الدين اما بعد فقد تناولت بايادي الحسرة والامتنان
كتابكم الكريم وتشرفت آذان القلوب من سماع لذيد خطابكم العميم
فحمدت الباري عز وجل على ما اولانا به من القبول ومن مزيد
« الطافكم العلية وتوجهاتكم القلبية وعلى ما اظهرتموه من كمال الاشواق
« ونهاية الاشتياق لمتابعة السنة السنية والسلوك في مناهج الطريقة العلية
« واسئله تعالى دوام التوفيقات ومزيد الترقيات لحضرتكم ولسائر الاخوان
« الكرام وان يوفقنا للقيام بما يحب علينا من دعواتكم الحيرية وملاحظاتكم
القلبية ومنه تعالى القبول انه اجل مسئول واكرم مأمول والمرجو
« دوام الرابطة والتوجهات ودمتم باجل اللطاف واتم العنايات والسلام
عليكم ورحمة الله تعالى وبركاته .

يوز اللى برنجى مكتوب

بسمه سبحانه

حمداً لمن ألف بين القلوب وان بعدت المسافة واسبح على المتحابين.
فيه نعمه والطافه وصلاتاً وسلاماً على منيع الجود ومعدن اللطافه من
كل الله اخلاقه بالقرآن واوصافه وعلى آله واصحابه اهل التقى والعفافه
اضافنا الله الى علامهم وشرفنا بتلك الاضافة اما بعد فقد وصل اليه
كتابكم الكريم كانه الدر النظيم نظرنا اليه بعين التشكر والافتخار
ووجدنا لديه معاني التلذذ والاصطيار حمدنا الباري على انعامه علينا
باخوة ذاتكم العلية وتوجهاتكم القلبية وتضرعنا اليه بتوفيقاتكم
ونيل مقاصدكم البهية ونطلب منكم ايضاً الدعوات الخيرية ودوام
الانظار القلبية وحسب الامر تبين لكم كيفية الاشتغال بالاوزاد
والاذكار في الطريقة العلية النقشبندية لكي يستفيد منه الاخوان الكرام
بسبب تعليمكم وتربيتكم الجليلة والحفية وفقنا الله تعالى واياكم لخدمت
سيد البريث والانباغ بسنته السنية آمين .

يوز اللى ايكنجى مكتوب

كيف لاحد احدا اروا رياض قلوب العلماء بزال كمال الايمان
ام كيف لاشكر صمدا احيا ضمائر الفضلاء بانوار جمال العرفان واصلى
واسلم على من لولاه لماحصل لعالم العلوى معالم التبيان وما وصل العالم

السفلى الى اعلا مراتب الايقان اما بعد فلما كنا في الترقب والانتظار
لورود خطاب لطيف من ذلك الجنب الشريف اذا قد جئنا كتاب
كريم كانه الدر النظيم رأيت روضة مملولة من الورد الاحمر وخبة
مشخونة من البنفسج الازهر نظرنا اليه بعين التشكر والافتخار ووجدنا
لديه نعيم التلذذ والاصطبار فرفعنا ايدي التضرع والاسترحام لدى باب
المملك العلام ان يقيم وجودكم في كنف الامن والامان ويديم صعودكم
الى مراتب القرب والاحسان قال النبي المكرم صلى الله عليه وسلم
(الاحسان ان تعبد الله كأنك تراه فان لم تكن تراه فانه يراك) رزقنا الله
تعالى واياكم نفحات الوصال ومتعنا واياكم برشحات الجمال فانه كمال
الاقبال ونهاية الآمال وماسوا ذلك وبال ونكال فالمأمول من جنابكم
ان لاتنسنا من صالح دعواتكم المتوالى فان النبي المحترم صلى الله عليه وسلم
قال قولاً يفوق على اللوالى (دعاء الاخ لاخته يظهر الغيب لا يرد)
يباقى السلام عليكم ورحمة الله وبركاته .

يوز اللى اوچنجى مكتوب

بسم الله خلاق البرايا وبالرحمن وهاب العطايا وبالرحيم غفار الخطايا
ابتدأ واقول وفي فسحة الاستعانة اجول بعداهداء سلام الله الاشنى وغب
انهاء التحيات الحسنى هوانه لما كنا على الترقب والانتظار آناء الليل
واطراف النهار لورود جنود البشارات من شاطئ وادى الكرامات اذ جئنا
كتاب كريم كانه الدر النظيم مرشحاً باخبار العافية وموشحاً باثار العاطفة
فسر ناغاية السرور واورثنا الحضور والحبور لانه كان محتوماً بالدعاء والسلام
ومنظوماً بجواهر اللطف والاكرام فالمأمول من جناب المولى العظيم وانعامه

العيم ان يجعلنا وياكم من الواصلين الى درجات جنات النعيم في سدر مخضود .
وطلح منضود وظل ممدود وماسكوب بارد وكريم وان لا تنسانا من صالح
الدعوات في اشرف الاوقات وصلى الله تعالى وسلم على سيدنا محمد وآله صلاة
تخينا بها من جميع الافاق ودمتم سالمين .

يوز الى ذردنجي مكتوب

الحمد لله الذي كرم خاص عباده بالقلب السليم وهداهم بنور توفيقه
الى الصراط المستقيم فتخلوا به عن المعاصي المرديات ونجوا عن عذاب الجحيم
وتخلوا بالمنجيات الصالحات فحلوا به في النعيم المقيم والصلوة والسلام على
نبه ورسوله الكريم الذي ايداه الله من عنده بالمعجزات الباهرات والكتاب
الحكيم القديم وعلى آله واصحابه الذين جعلهم الله وسيلة الامان عن عذاب
الجحيم وذريعة الرضوان بالنعيم المقيم امدنا الله بهم وبآتسائنا اليهم وحشرنا
معهم يوم لا ينفع مال ولا بنون الا من اتى الله بقلب سليم وبعد فيقول العبد
الحقير الفقير المحتاج غاية الاحتاج الى لطف ربه الغني القدير خادم الفقراء
الشفيعين والقادرين قدس الله ارواح ساداتهم ومشايخهم السنية الحام
محمد اسعد ابن العالم العامل والولي الكامل الواقف على حقيقة التوحيد
الحاج الشيخ محمد سعيد ابن المرشد الفاني في الله الباقي بالله والمستغرق
في حب ربه ومولاه الحاج الشيخ هداية الله الاربلى النقشي عاملهم الله
وسائر العلماء العاملين والمشايخ الكاملين بلطفه الجلي والحنفي امين ان حامل
هذه الوثيقة الشريفة والتمنيمة المنيفة اخي وابن ابى عبد الصمد افدى
صانه الله وايانا بلطفه السرمدي قد صاحبني في آوان وعظي ودرسي مدة
مديدة ولازمني اوقات فكري وذكرى سنين عديدة في الطرق العلية

النقشية والقادرية ومما انه قد وجدته منظوبا على جادة الشريعة الغراء
ومحتويا على مادة كل من هذه الطرق العلية مستعد القبول الجذبات الرحانية
ومتأهبا للوصول الى اصولها العلية احببت ان يتشرف بالدخول في سلك
سلسلة المأذونين فلذلك قد اجزته بتشكيل حلق الذكر على الطريقين
ولتلاوة الاوراد وتلقيها لاهلها على الاصولين مع الرغبة لمجالسته الفقراء
والاخوان وتقوى الله في السر والاعلان واوصيته بدوام العبودية ظاهرا
وباطنا وبكمال التزام السنة السنية وبالاخذ بالعزائم والتخلي عن الرزائل
والتخلي بمحاسن الاخلاق والفضائل واجتناب البدع والمحرمات ودوام
الحضور مع الله وعدم الغفلة عنه تعالى في جميع الحالات وكافة الحركات
والسكنات وبخدمة الفقراء والمساكين وحسن الظن بعباد الله الصالحين
وبالشكر على النعيم والصبر عند الابتلاء بالتقم والتوكل على الله والتجمل
بشريعة رسول الله صلى الله عليه وآله وسلم فاجزته بكل ذلك بالاستقامة
والثبات على جميع ما هنالك واني قد اجازني في الطريقة العلية القادرية من
هو نور حدة العلماء العاملين ونور حدة عظماء المرشدين والولي السبجاني
والمحبوب الرباني حضرت الشيخ السيد عبد الحميد البر فكا في قدس الله سره
وهو مجاز ومأذون ممن هو اوجد المشايخ العارفين والاولياء الراسخين
غواص بحار المعارف واليقين قطب زمانه باتفاق الموحدين حضرت
الشيخ السيد نور الدين افاض الله بركته علينا وعلى جميع اخوان الدين
وقد اجازني في الطريقة العلية الشنقندية من هو اكبر اولى الارشاد وكبار
خواص اصحاب الهداية والافاضة للعباد فريد زمانه ووحيد آوانه الذي
سرى سره في سراثر الاخوان بالانكسر وجرمى ماء حياث ارشاده في
ضما منسوبيه ومحسوبيه من الصغير والكبير حضرت مولاي الشيخ طه
المنسوب الى وطنه المسمى بناحية الحرير عمرها الله بلطفه العزيز وهو على

كل شئ قدير وقد اجازته للارشاد في الطريقة العلية النقشية المرشد الذي
تباها بذاته البهية المشيخة التصوفية وتفجرت من عيون موارده الفيوضات
الالهية الذي هو على الحقيقة سارى سيدنا ومولانا السيد طه الحكارى
قدس الله سره وان السيدين الجليلين المشار اليهما اعنى حضرت السيد
نور الدين والسيد طه الحكارى عليهما رحمة البارى قد تسلسلت وعلت
سلسلة اجازتهما الى حضرت من هو واسطة هذا العقد ومؤسس هذا المجد
فخر المرسلين وخاتم النبيين سيدنا وسندنا وذخرنا وملأنا وقرة اعيننا
وفوة ظهرنا ومولانا الذى لولاه لما نسجت نسخة العالم على منوال التكوين
منبع الصدق والصفاء حضرة سيدنا محمد المصطفى صلى الله تعالى عليه وسلم
وهو ارواحنا له الفداء تلقى الاجارة التامة العامة المطلقة عن الملك المكين
جبريل الامين وهو عليه السلام عن رب العالمين جلت عظمته وعلت كلمته
وعلى ان يكون ختام هذه الاجازة مسكاً اكرار التوصية لصاحب الاجازة
اخى المار ذكره بتقوى الله وطاعته وحفظ حقه والاجتناب عن اضاعته
وبالتوقى عن مهالك المعاصى منيماً في ليله ونهاره وقراره وفراره الى مالك
لنواصى حتى يتيسر له نيل الحكم ويفتح عليه ابواب النعم فى الدنيا
وينجو بذلك عن النقم يوم العرض قال عز من قائل ولوان اهل القرى
امنوا والتقوا لفتحنا عليهم بركات من السماء والارض وصلى الله على
سيدنا محمد وعلى اخوانه النبيين والمرسلين وآل كل وصحب كل اجمعين
امين وآخر دعوانا ان الحمد لله رب العالمين .



رشاد تلو الحاج محمد اسعد افندی حضرت تلوینک
آثار سائرہ سنندن

توحید رسالہ بی

ودیوان اسعد

وکنز العرفان

و رسالۃ الاسعدیۃ

کتابلر یدہ بایزیددہ حکاکلردہ کتابچی راشد افندیکن دکا نندہ
صاتیلمقده در .

096406